

■ মি'রাজ	৩৩১
■ মি'রাজের ঘটনায় بعبدہ বলার কারণ	৩৩৫
■ সশরীরে মিরাজের দলীল	৩৩৬
■ পবিত্র কুরআনে মি'রাজকে মসজিদে আকসা পর্যন্ত সীমারেখা নির্ধারণের কারণ	৩৩৭
■ মি'রাজের ঘটনার বর্ণনা বিভিন্ন হওয়ার কারণ	৩৩৭
■ মি'রাজের ধারাবাহিক ঘটনা	৩৩৮
■ বাইতুল্লাহ থেকে বাইতুল মোকাদ্দাস পর্যন্ত ভ্রমণকাহিনী	৩৪১
■ মুজাহিদগণের সাক্ষাত	৩৪২
■ বে-নামাযীদের সাক্ষাত	৩৪২
■ যাকাত অনাদায়কারীর সাক্ষাত	৩৪৩
■ ব্যভিচারীদের দেখা	৩৪৩
■ লোভীর দর্শন	৩৪৩
■ আমলবিহীন অসৎ বক্তার দর্শন	৩৪৩
■ অশ্লীল ভাষীর দর্শন	৩৪৩
■ জান্নাতের আওয়ায শ্রবণ	৩৪৪
■ দোযখের আওয়ায শ্রবণ	৩৪৪
■ ইহুদী-নাসারা এবং দুনিয়ার আহবান	৩৪৪
■ সুদী ব্যক্তিদের দর্শন	৩৪৫
■ ইয়াতীমের সম্পদ ভক্ষণকারীর দর্শন	৩৪৫
■ ব্যভিচারিণীর দর্শন	৩৪৫
■ চোগলখোরের দর্শন	৩৪৫
■ বাইতুল মোকাদ্দাসে পৌছা	৩৪৫
■ আম্বিয়ায়ে কিরামগণ কর্তৃক আল্লাহর প্রশংসা	৩৪৬
■ বায়তুল মোকাদ্দাস থেকে সপ্ত আসমানে ভ্রমণ	৩৪৬
■ সিদরাতুল মুনতাহা পর্যন্ত পৌছা	৩৪৭
■ রাসূল ﷺ এর আগে-পরের সকল জ্ঞান অর্জন	৩৪৯
■ রাসূল ﷺ আল্লাহর সকল গুণে গুণান্বিত হওয়া	৩৫০
■ মি'রাজের প্রমাণ	৩৫০

■ দীদারে এলাহী ও আল্লাহর দর্শন লাভ	৩৫২
■ সালাত বা নামায	৩৫৫
■ নামাযের বিধান	৩৫৬
■ নামায ফরয হওয়ার দলীল	৩৫৭
■ নামাযের গুরুত্ব ও ফযিলত	৩৫৮
■ নামায উত্তম আমল	৩৫৮
■ নামায ঈমানের নিদর্শন	৩৫৮
■ নামায নামাযীকে যাবতীয় অশ্লীল কাজ থেকে বিরত রাখে	৩৫৮
■ নামায দ্বারা গুনাহ মাফ হয়	৩৫৯
■ নামায বাল্য-মুসিবত দূরীভূত করে	৩৬১
■ কিয়ামত দিবসে সবাত্রে নামাযের হিসাব নেয়া হবে	৩৬২
■ নামায মু'মিনের জন্য মি'রাজ	৩৬৩
■ নামায বেহেস্তের চাবিকাঠি	৩৬৪
■ নামায নামাযীর জন্য নূর, দলীল ও নাজাত	৩৬৪
■ ফজর ও আসর নামাযের ফযিলত	৩৬৫
■ নামাযের জন্য মসজিদে যাওয়ার ফযিলত	৩৬৬
■ নামাযের জন্য অপেক্ষা করার ফযিলত	৩৬৮
■ জামাআতে নামায পড়ার ফযিলত	৩৬৮
■ জামাআত পরিত্যাগ করার পরিণতি	৩৭০
■ জামাআত পরিত্যাগকারীর মৃত্যুর পর বিষাক্ত সাপের আযাব	৩৭১
■ নামায তরক করার পরিণতি	৩৭২
■ নামাযে খুশু-খুযূ তথা বিনয় ও একাগ্রতা	৩৭৪
■ নামাযে অলসতা প্রদর্শন করা মুনাফেকীর আলামত	৩৭৫
■ ধীর-স্থিরভাবে নামায আদায় করা	৩৭৬
■ মসজিদ	৩৭৭
■ মসজিদের সংজ্ঞা:	৩৭৮
■ মসজিদ নির্মাণ, পরিচর্যা ও রক্ষণাবেক্ষণ	৩৭৮
■ মসজিদের আদব	৩৮০
■ এ মাসে ওফাতপ্রাপ্ত মনীষীগণ	৩৮২

রজব

রজব মাস হল আশহরুল হুৰাম তথা সম্মানিত চার মাসের অন্যতম মাস। নবী করিম ﷺ এরশাদ করেন-
 ۞ إِنَّ الرِّمَانَ قَدْ اسْتَدَارَ كَهَيْئَتِهِ يَوْمَ خَلَقَ اللَّهُ السَّمَاوَاتِ وَالْأَرْضَ السَّنَةَ اثْنَا عَشَرَ شَهْرًا مِنْهَا أَرْبَعَةٌ حُرُمٌ ثَلَاثَةٌ مُتَوَالِيَاتٌ: ذُو الْقَعْدَةِ وَذُو الْحِجَّةِ وَالْمُحَرَّمُ وَرَجَبٌ شَهْرٌ مُضَرٌّ ۞
 নিশ্চয় নভোমণ্ডল ও ভূমণ্ডল সৃষ্টির দিন হতে কাল আপন অবস্থায় আবর্তিত হচ্ছে। বার মাসে এক বছর। তন্মধ্যে চারটি মাস হল সম্মানিত মাস। তিনটি যথা যুলকদ, যুল হাজ্জাহ ও মুহররম মাস হল ধারাবাহিক আর অপরটি হল রজব মাস যাকে মুদ্বর মাসও বলা হয়। এটি জমাদিউস সানী ও শাবান মাসের মধ্যখানে অবস্থিত।^{৮৮৫}

রাসূল ﷺ এরশাদ করেন-
 ۞ إِنَّ رَجَبَ شَهْرُ اللَّهِ وَيُدْعَى الْأَصَمَّ، وَكَانَ أَهْلُ الْجَاهِلِيَّةِ إِذَا دَخَلَ رَجَبٌ يَعْطُلُونَ أَسْلِحَتَهُمْ وَيَضَعُونَهَا، فَكَانَ النَّاسُ يَأْمَنُونَ وَتَأْمَنُ السُّبُلُ، وَلَا يَخَافُونَ بَعْضُهُمْ ۞
 নিশ্চয় রজব মাস হল আল্লাহর মাস। এ মাসকে বধির মাস বলা হয়। জাহেলী যুগের লোকেরা রজব মাস আসলে তাদের যুদ্ধাস্ত্র অকেজো এবং নষ্ট করে ফেলত। ফলে লোকেরা নিরাপদে বসবাস করতো এবং যাতায়াত পথও নিরাপদ থাকত। রজব মাস শেষ হওয়া পর্যন্ত পরস্পর পরস্পরকে ভয় করতো না।^{৮৮৬} অর্থাৎ রজব মাসের সম্মানার্থে জাহেলী যুগের লোকেরা যুদ্ধ বিগ্রহ বন্ধ রাখতো ফলে মানুষ নিরাপদে বসবাস এবং যেখানে সেখানে যাতায়াত করতে পারতো। রজব মাসের ফযিলত সম্পর্কে নবী করিম ﷺ এরশাদ করেন-
 ۞ إِنَّ فِي الْجَنَّةِ نَهْرًا يُقَالُ لَهُ: رَجَبٌ، أَشَدُّ بَيَاضًا مِنَ اللَّبَنِ وَأَحْلَى ۞
 নিশ্চয় জান্নাতে একটি নদী আছে যার নাম রজব। এই নদীর পানি দুধের চেয়েও শুভ্র এবং মধুর চেয়েও মিষ্টি। যে ব্যক্তি রজব মাসে একদিন রোযা রাখবে আল্লাহ তায়ালা তাকে ঐ নদীর পানি পান করাবেন।^{৮৮৭}

নবী করিম ﷺ আরো বলেন-
 ۞ مَنْ صَامَ يَوْمًا مِنْ رَجَبٍ كَانَ كَصِيَامِ سَنَةٍ، وَمَنْ صَامَ سَبْعَةَ أَيَّامٍ غُلِقَتْ عَنْهُ سَبْعَةُ أَبْوَابِ جَهَنَّمَ، وَمَنْ صَامَ ثَمَانِيَةَ أَيَّامٍ فُتِحَتْ لَهُ ثَمَانِيَةُ أَبْوَابِ الْجَنَّةِ، وَمَنْ صَامَ ۞
 যিনি রজব মাসের একটি দিন রোযা রাখেন, তিনি এক বছর রোযা রাখার মতো করে। যিনি সাত দিন রোযা রাখেন, জাহান্নামের সাতটি দরজা তার জন্য বন্ধ হয়ে যায়। যিনি আঠার দিন রোযা রাখেন, জান্নাতের আঠারটি দরজা তার জন্য খুলে দেওয়া হয়। যিনি

৮৮৫. ইমাম বুখারী (র.) (২৫৬ হি), সহীহ বুখারী, ইবনে রজব (র.), লাভায়েফুল মাআরিফ, খণ্ড-১, পৃ-১৮৪, ও ইমাম বায়হাকী (র.) (৪৫৮ হি) ফাযায়েলুল আওয়কাত, পৃ-৮০, হাদিস নং-১
 ৮৮৬. ইমাম বায়হাকী (র.) (৪৫৮ হি), ফাযায়েলুল আওয়কাত, পৃ-৮৫
 ৮৮৭. প্রাগুক্ত, পৃ-৯০, হাদিস নং-৮

عَشْرَةَ أَيَّامٍ لَمْ يَسْأَلِ اللَّهُ عَزَّ وَجَلَّ شَيْئًا إِلَّا أَعْطَاهُ، وَمَنْ صَامَ خَمْسَةَ عَشَرَ يَوْمًا نَادَى مُنَادٍ مِنَ السَّمَاءِ قَدْ غُفِرَ لَكَ مَا سَلَفَ فَاسْتَغْنِ الْعَمَلَ قَدْ بَدَّلْتُ سَيِّئَاتِكَ حَسَنَاتٍ، وَمَنْ زَادَ زَادَهُ اللَّهُ» وَفِي رَجَبٍ حُمِلَ نُوحٌ فِي السَّفِينَةِ، فَصَامَ نُوحٌ عَلَيْهِ السَّلَامُ وَأَمَرَ مَنْ مَعَهُ أَنْ يَصُومُوا وَجَرَتْ بِهِمُ السَّفِينَةُ سِتَّةَ أَشْهُرٍ إِلَى آخِرِ ذَلِكَ لِعَشْرِ خُلُوفٍ مِنَ الْمُحَرَّمِ যে ব্যক্তি রজব মাসে একদিন রোযা রাখবে সে যেন এক বছর রোযা রাখল। আর যে ব্যক্তি সাত দিন রোযা রাখবে তার জন্য জাহান্নামের সাতটি দরজা বন্ধ করে দেওয়া হবে। যে ব্যক্তি আটদিন রোযা রাখবে, তার জন্য জান্নাতের আটটি দরজা খুলে দেওয়া হবে। যে ব্যক্তি দশটি রোযা রাখবে সে আল্লাহর কাছে যা চাইবে তা দেবেন। যে ব্যক্তি পনের দিন রোযা রাখবে আসমান থেকে এক আহবানকারী আহবান করবে— তোমার পূর্ববর্তী সব গুনাহ ক্ষমা করে দেয়া হয়েছে। সুতরাং তুমি এখন নতুন করে আমল আরম্ভ কর। তোমার পাপসমূহকে পুণ্যে রূপান্তরিত করে দেয়া হয়েছে। আর যে ব্যক্তি আরো বেশী রোযা রাখবে ও আমল করবে, আল্লাহ তায়ালা তাকে আরো বাড়িয়ে দেবেন। রজব মাসেই হযরত নূহ (আ.) নৌকায় আরোহণ করেছিলেন। তখন তিনি নিজেই রোযা রেখেছিলেন এবং তাঁর সঙ্গীদেরকেও রোযা রাখার নির্দেশ দেন। তাদেরকে নিয়ে নৌকা ছয় মাস চলার পর মুহরররের দশ তারিখে মুক্তি লাভ করেন।^{৮৮৮}

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন- «خَيْرَةُ»
اللَّهُ مِنَ الشُّهُورِ شَهْرُ رَجَبٍ، وَهُوَ شَهْرُ اللَّهِ عَزَّ وَجَلَّ، مَنْ عَظَّمَ شَهْرَ رَجَبٍ فَقَدْ عَظَّمَ أَمْرَ اللَّهِ، وَمَنْ عَظَّمَ أَمْرَ اللَّهِ أَدْخَلَهُ جَنَّاتِ النَّعِيمِ وَأَوْجَبَ لَهُ رِضْوَانَهُ الْأَكْبَرَ، وَشَعْبَانَ شَهْرِي فَمَنْ عَظَّمَ شَهْرَ شَعْبَانَ، فَقَدْ عَظَّمَ أَمْرِي، وَمَنْ عَظَّمَ أَمْرِي كُنْتُ لَهُ فَرَطًا وَذُخْرًا يَوْمَ الْقِيَامَةِ، وَشَهْرَ رَمَضَانَ شَهْرُ أُمَّتِي، فَمَنْ عَظَّمَ شَهْرَ رَمَضَانَ، وَعَظَّمَ حُرْمَتَهُ وَلَمْ يَنْتَهِكْهُ وَصَامَ نَهَارَهُ وَقَامَ لَيْلَهُ وَحَفِظَ جَوَارِحَهُ خَرَجَ مِنْ رَمَضَانَ وَلَيْسَ عَلَيْهِ ذَنْبٌ يَطْلُبُهُ اللَّهُ بِهِ»
রজব মাস। এটি আল্লাহর মাস। যে ব্যক্তি এ মাসকে সম্মান করবে সে আল্লাহর আদেশকে সম্মান করল। আর যে আল্লাহর আদেশকে সম্মান করবে আল্লাহ তাকে জান্নাতুন নাঈম নামক বেহেশতে প্রবেশ করাবেন এবং তার জন্য আল্লাহর সর্বোচ্চ সন্তুষ্টি আবশ্যিক হবে। শাবান আমার মাস। যে ব্যক্তি শাবান মাসকে সম্মান করবে আমি কিয়ামতের দিন তার জন্য নাজাতের উসীলা হবো। আর রমযান মাস হল আমার উম্মতের মাস। যে ব্যক্তি রমযান মাসকে সম্মান করবে, রমযান মাসের সম্মান অক্ষুণ্ণ

রাখবে, দিনের বেলায় রোযা রাখবে আর রাতের বেলায় নামায পড়বে আর রমযান মাসের যাবতীয় করণীয় কার্যক্রমকে সংরক্ষণ করবে রমযান মাস চলে যাবে কিন্তু তার মধ্যে এমন কোন গুনাহ থাকবে না যা সম্পর্কে আল্লাহ পাকড়াও করবেন।^{৮৮৯}

হযরত সালমান ফারসী (রা.) থেকে বর্ণিত, তিনি বলেন রাসূল ﷺ এরশাদ
 فِي رَجَبٍ يَوْمٌ وَلَيْلَةٌ مِّنْ صَّامٍ ذَلِكَ الْيَوْمُ وَقَامَ تِلْكَ اللَّيْلَةَ كَانَ كَمَنْ صَامَ مِنَ الدَّهْرِ مِائَةَ سَنَةٍ -
 রজব মাসে وَقَامَ মائة সَنَةٍ وَهُوَ لَثَلَاثَ بَقِيْنَ مِنْ رَجَبٍ, وَفِيهِ بَعَثَ اللَّهُ مُحَمَّدًا صَلَّى اللَّهُ عَلَيْهِ وَسَلَّمَ
 এমন একটি দিন ও রাত রয়েছে সে দিনে রোযা রাখলে এবং সে রাতে নামায পড়লে
 একশত বছর রোযা ও একশত বছর নামাযের সাওয়াব পাবে। আর সে দিনটি হল ২৭শে
 রজব। এ দিনেই আল্লাহ তায়ালা মুহাম্মদ ﷺ এর নবুয়ত প্রকাশ করেছেন।^{৮৯০}

হযরত আনাস (রা.) নবী করিম ﷺ থেকে বর্ণনা করেন-তিনি বলেন- فِي رَجَبٍ
 لَّيْلَةٌ يُكْتَبُ لِلْعَامِلِ فِيهَا حَسَنَاتُ مِائَةِ سَنَةٍ وَذَلِكَ لَثَلَاثَ بَقِيْنَ مِنْ رَجَبٍ فَمَنْ صَلَّى فِيهَا اثْنَتَيْ عَشْرَةَ
 رَكْعَةً يَفْرَأُ فِي كُلِّ رَكْعَةٍ فَاتِحَةَ الْكِتَابِ وَسُورَةً مِنَ الْقُرْآنِ, ثُمَّ يَقُولُ: سُبْحَانَ اللَّهِ, وَالْحَمْدُ لِلَّهِ,
 وَلَا إِلَهَ إِلَّا اللَّهُ, وَاللَّهُ أَكْبَرُ, مِائَةَ مَرَّةٍ, وَيَسْتَغْفِرُ اللَّهُ مِائَةَ مَرَّةٍ, وَيُصَلِّي عَلَى النَّبِيِّ صَلَّى اللَّهُ عَلَيْهِ
 وَسَلَّمَ مِائَةَ مَرَّةٍ, وَيَدْعُو لِنَفْسِهِ مَا شَاءَ مِنْ أَمْرِ دُنْيَاهُ وَآخِرَتِهِ, وَيُصْبِحُ صَائِمًا, فَإِنَّ اللَّهَ يَسْتَجِيبُ
 وَهُوَ يَدْعُو لِنَفْسِهِ مَا شَاءَ مِنْ أَمْرِ دُنْيَاهُ وَآخِرَتِهِ, وَيُصْبِحُ صَائِمًا, فَإِنَّ اللَّهَ يَسْتَجِيبُ
 ইবাদতকারী একশত বছর ইবাদত করার সমান নেকী অর্জন করবে। আর সে রাতটি হল
 ২৭শে রজব। যে ব্যক্তি সে রাতে ১২ রাকাত নামায পড়বে, প্রতি রাকাতে সূরা ফাতিহা
 ও অন্য যে কোন একটি সূরা পাঠ করবে। অতঃপর একশত বার “সুবাহানালাহি ওয়ালা
 হামদুলিল্লাহি ওয়ালা ইলাহা ইল্লাল্লাহু ওয়া আল্লাহু আকবর” পড়বে এবং একশত বার
 ইস্তেগফার পড়বে ও নবী করিম ﷺ এর উপর একশত বার দুরুদ শরীফ পড়বে এবং সে
 নিজের জন্য দুনিয়া-আখিরাতের যা ইচ্ছে দোয়া করবে আর পরের দিন রোযা রাখবে
 আল্লাহ তায়ালা তার গুনাহের দোয়া ব্যতীত সব দোয়া কবুল করবেন।^{৮৯১}

হযরত আবু কিলাবা (রা.) থেকে বর্ণিত আছে, তিনি বলেন- فِي الْجَنَّةِ قَصْرٌ لِّصُومٍ
 فِي رَجَبٍ
 রজব মাসে রোযা পালনকারীর জন্য জান্নাতে একটি মহল রয়েছে।^{৮৯২}

^{৮৮৯}. প্রাগুক্ত, পৃ-৯৫, হাদিস নং-১০

^{৮৯০}. প্রাগুক্ত, পৃ-৯৬, হাদিস নং-১১

^{৮৯১}. প্রাগুক্ত, পৃ-৯৭, হাদিস নং-১২

^{৮৯২}. ইমাম বায়হাকী (র.) (৪৫৮ হি), শুআবুল ইমান, ৩/৩৬৮, সূত্র: লাতায়েফুল মাআরিফ, খণ্ড-১, পৃ-১৯৫

قال ابو بكر الوراق البلخي شهر رجب شهر الزرع وشهر شعبان شهر السقى للزرع وشهر رمضان حصاد الزرع وعنه قال مثل رجب مثل الريح ومثل شعبان مثل الغيم ومثل رمضان مثل المطر

আবু বকর ওয়াররাক বালখী (রা.) বলেন- রজব মাস হলো বীজ বপনের মাস, শাবান হলো ক্ষেতে পানি দেওয়ার মাস আর রমযান মাস হল ফসল কাটার মাস। তিনি আরো বলেন- রজব মাস হল বাতাসের ন্যায় এবং শাবান মাস হল মেঘের তুল্য আর রমযান হল বৃষ্টির তুল্য।^{৮৯৩}

عَنْ أَنَسٍ قَالَ: كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا دَخَلَ رَجَبٌ قَالَ: اللَّهُمَّ بَارِكْ لَنَا فِي رَجَبٍ، وَشَعْبَانَ، وَبَلَّغْنَا رَمَضَانَ

হযরত আনাস (রা.) থেকে বর্ণিত, তিনি বলেন, যখন রজব মাস আগমন করতে তখন নবী করিম ﷺ বলতেন, হে আল্লাহ! রজব ও শাবান মাসকে আমাদের জন্য বরকত মণ্ডিত করুন আর আমাদেরকে রমযান মাস নসীব করুন।^{৮৯৪}

মি'রাজ

মি'রাজ সর্বশেষ নবী মুহাম্মদ ﷺ-র অন্যতম বিস্ময়কর শ্রেষ্ঠ মু'জিয়া, যা অন্য কোন নবী রাসূলের ভাগ্যে জুটেনি। মি'রাজ অর্থ হলো উর্ধ্ব গমনের সিঁড়ি। মসজিদে হারাম থেকে মসজিদে আকসা পর্যন্ত ভ্রমণকে বলা হয় আসরা যা পবিত্র কুরআন মজীদ দ্বারা প্রমাণিত। এটাকে বিশ্বাস করা আবশ্যিক এবং অস্বীকার করা কুফরী আর অস্বীকারকারী হবে কাফির। মসজিদে আকসা থেকে সপ্ত আসমান পর্যন্ত ভ্রমণ মুতাওয়াতিহর কিংবা মশহুর হাদিস দ্বারা সাব্যস্ত বিধায় এটার অস্বীকারকারী হবে বিদআতী ও ফাসিক। লা মকান পর্যন্ত ভ্রমণ এবং মি'রাজের বিভিন্ন আশ্চর্যজনক ঘটনাসমূহ খবরে ওয়াহিদ দ্বারা সাব্যস্ত তাই ঐগুলোর অস্বীকারকারী মূর্খ, বঞ্চিত ও হতভাগা হিসেবে বিবেচিত হবে।^{৮৯৫}

মসজিদে হারাম থেকে মসজিদে আকসা পর্যন্ত ভ্রমণকে বলা হয় আসরা। মসজিদে আকসা তথা বাইতুল মুকাদ্দাস থেকে সপ্ত আসমান পর্যন্ত ভ্রমণকে বলা হয় মি'রাজ আর আসমান থেকে 'কাবা কাউসাইন' পর্যন্ত ভ্রমণকে বলা হয় ইরাজ।^{৮৯৬} মসজিদে হারাম

^{৮৯৩} ইবনে রজব হাম্বলী (র.) (৭৯৫ হি), লাভায়েফুল মাআরিফ, খণ্ড-১, পৃ-২০০

^{৮৯৪} ইমাম বায়হাকী (র.) (৪৫৮ হি), ফাযায়েলুল আওকাত, পৃ-১০০, হাদিস নং-১৫

^{৮৯৫} আল্লামা তাফতাহানী (র.) (৭৯১ হি), শরহে আকাঈদে নসফী, পৃ. ১০৪-১০৫, করাচী ও শায়খ

আব্দুল হক মোহাম্মদে দেহলভী (র.) (১০৫২ হি), মাদারিজ্জুননুয়্যত, খণ্ড-১, পৃ-১৮৯

^{৮৯৬} খাজা নিজামউদ্দীন দেহলভী (র.) (৭২৫ হি), ফাওয়ায়েদুল ফুয়াদ, খণ্ড-৪, পৃ-৩৫০

থেকে বায়তুল মোকাদ্দাস পর্যন্ত ভ্রমণ সম্পর্কে আল্লাহ তায়ালা সূরা বনী ইসরাঈলের সূর্যতে বর্ণনা দিয়ে বলেন— **سُبْحَانَ الَّذِي أَسْرَى بِعَبْدِهِ لَيْلًا مِنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ** পরম পবিত্র ও মহিমাময় সত্তা তিনি, যিনি স্বীয় বিশেষ বান্দাকে রাত্রির কিছু অংশে ভ্রমণ করিয়েছিলেন মসজিদে হারাম থেকে মসজিদে আকসা পর্যন্ত যার চারদিকে আমি পর্যাপ্ত বরকত দান করেছি— যাতে আমি তাঁকে কুদরতের কিছু দেখিয়ে দেই। নিশ্চয়ই তিনি পরম শ্রবণকারী, দর্শনশীল।^{৮৯৭}

যে কোন ভ্রমণ কাহিনীতে সাধারণত সাতটি বিষয়ের উল্লেখ থাকে। যথা— ১. ভ্রমণ কে করিয়েছেন? ২. ভ্রমণ কে করেছেন? ৩. ভ্রমণ কোথা হতে করলেন? ৪. ভ্রমণ কোথা পর্যন্ত করলেন? ৫. ভ্রমণ কখন করেছেন? ৬. ভ্রমণ কতক্ষণ সময় পর্যন্ত করেছেন? ও ৭. ভ্রমণ কি উদ্দেশ্যে করলেন?

আল্লাহ তায়ালা উপরোক্ত আয়াতে সবগুলো উল্লেখ করেছেন। ১. সুবহান তথা পুত-পবিত্র মহান আল্লাহ তায়ালা ভ্রমণ করিয়েছেন। ২. ভ্রমণ তাঁর বিশেষ বান্দা মুহাম্মদ ﷺ করেছেন। ৩. মসজিদে হারাম থেকে ভ্রমণ করেছেন। ৪. মসজিদে আকসা পর্যন্ত ভ্রমণ করেছেন। ৫. রাতের বেলায় ভ্রমণ করেছেন। ৬. রাত্রে মাত্র অল্প সময়ে এবং ৭. আল্লাহর নির্দেশন দেখানোর উদ্দেশ্যে ভ্রমণ করানো হয়েছে।

সুবহান শব্দের অর্থ হলো আল্লাহ সমস্ত অসম্ভব থেকে পাক ও মুক্ত। অর্থাৎ তাঁর জন্য অসম্ভব বলতে কিছুই নেই। মুহূর্তের মধ্যে বাইতুল মোকাদ্দাস, সপ্ত আসমান ও লা মকান পর্যন্ত যাওয়া-আসা এবং জান্নাত-জাহান্নামসহ আল্লাহর অসংখ্য কুদরতী নির্দেশন পরিদর্শন করা কোন মাখলুকের জন্য অসম্ভব হলেও সর্বময় ক্ষমতার অধিকারী আল্লাহর জন্য মোটেই অসম্ভব নয়। তাই তিনি মি'রাজের ঘটনা সুবহান শব্দ দিয়ে বর্ণনা করেন।

মি'রাজের ঘটনায় بعده বলার কারণ

মি'রাজের ঘটনায় আল্লাহ তায়ালা برسوله না বলে بعده বলার কারণ হলো— রাসূল বলা হয় যিনি আল্লাহর নিকট থেকে বান্দার নিকট আগমন করেন পক্ষান্তরে 'আবদুন' বলা হয় যিনি বান্দাদের নিকট থেকে আল্লাহর নিকট গমন করেন। এখানে আল্লাহর নিকট থেকে আসা নয় বরং আল্লাহর নিকট যাওয়ার ব্যাপার, তাই এখানে بعده বলা হয়েছে। এর দ্বিতীয় কারণ হলো রাসূল ﷺ এর এই বিরাট মর্যাদা প্রাপ্তির কারণ হলো উবুদিত। অর্থাৎ বান্দা যখন আল্লাহর নিকট বিনয়ী হয় তখন আল্লাহ তার মর্যাদা বৃদ্ধি করেন। তৃতীয় কারণ হলো রাসূল ﷺ এর এই মর্যাদা দেখে যেন কেউ তাঁকে খোদা বা

খোদার সন্তান না বলে। যেভাবে হযরত ঈসা (আ.)কে আসমানে তুলে নেয়ার কারণে ঈসায়ীরা তাঁকে খোদা বলে গোমরাহ হয়েছিল।

চতুর্থ কারণ হলো ‘আবদ’ বলার দ্বারা প্রমাণিত হয় যে, মি’রাজ ঘুমে, স্বপ্নে বা রুহানীভাবে নয় বরং জাগ্রত অবস্থায় সশরীরে মি’রাজ হয়েছিল। কারণ আবদ বলা হয় শরীর ও রুহ উভয়ের সমষ্টিকে। কেবল রুহের উপর আবদ এর ব্যবহার হয়না। মি’রাজ সংঘটিত হয় বিশুদ্ধ মতানুযায়ী হিজরতের এক বছর পূর্বে রজব মাসের ২৬ তারিখ দিবাগত ২৭ তারিখ রাতে।

ইমাম বুখারী, মুসলিম, তিরমিযী ও নাসাঈ (র.) এর বর্ণনা মতে মি’রাজ হাতীমে কা’বা থেকে আরম্ভ হয়েছিল। ইমাম নাসাঈ’র অন্য বর্ণনা মতে এবং ইমাম আবু ইয়াল্লা ও ইমাম তাবরানীর বর্ণনা মতে হযরত উম্মে হানী বিনতে আবু তালেবের ঘর থেকে হয়েছে। উভয় বর্ণনার মধ্যে সমাধান হলো, তিনি প্রথমে উম্মে হানীর ঘরে শুয়ে ছিলেন অতঃপর সেখান থেকে উঠে হাতীমে কাবায় চলে যান এবং সেখান থেকেই মি’রাজ আরম্ভ হয়। কোন কোন রিওয়ায়েতে আছে নিজের ঘর থেকে মি’রাজ হয়েছে। এ উত্তর হল উম্মে হানী হল তাঁর চাচাত বোন সুতরাং নিসবতের কারণে উম্মে হানীর ঘরকে নিজের ঘর বলেছেন। মি’রাজের ব্যাপারে তিনটি প্রসিদ্ধ মত পরিলক্ষিত হয়। ১. মি’রাজ ছিল রুহানী এবং তা স্বপ্নে হয়েছিল। ২. মসজিদে হারাম থেকে মসজিদে আকসা পর্যন্ত জাগ্রত অবস্থায় আর বাইতুল মোকাদ্দাস থেকে আসমান পর্যন্ত রুহানী মি’রাজ ছিল। ৩. অধিকাংশ ওলামাদের মতে রাসূল ﷺ এর সর্বস্বরের মি’রাজ জাগ্রত অবস্থায় সশরীরে হয়েছিল। অধিকাংশ সাহাবায়ে কিরাম, তাবীয়ীন, মুহাদ্দিসীন, ফুকাহা, মুতাকাল্লিমীন ও মুফাস্সিরীগণের মত এটিই।^{৮৯৮}

রাসূল ﷺ এর মি’রাজ হয়েছিল ৩৪বার। তন্মধ্যে একবার সশরীরে জাগ্রত অবস্থায় আর বাকীগুলো স্বপ্নে রুহানীভাবে হয়েছিল।^{৮৯৯} রুহুল বয়ান গ্রন্থে উল্লেখ আছে- قال الشيخ الأكبر فُدس سره أَنَّ معراجَه عليه السلام أربع وثلاثون مرةً واحدةً بجسده والباقي بروحه शेखे الاكبر فُدس سره أَنَّ معراجَه عليه السلام أربع وثلاثون مرةً واحدةً بجسده والباقي بروحه আকবর কুদ্দিসা সিররুল বলেন- রাসূল ﷺ এর মি’রাজ হয়েছিল ৩৪বার তন্মধ্যে একবার হয়েছিল সশরীরে বাকীগুলো রুহানীভাবে।^{৯০০}

সশরীরে মিরাজের দলীল

১. মি’রাজের আয়াতে আল্লাহ তায়ালা عبده বলেছেন, ‘আবদুন’ শব্দটি শরীর ও রুহ উভয়ের সমষ্টিকে বুঝায়। ২. আয়াতে اسرى বলা হয়েছে। আর اسرى বলা হয় রাতের

^{৮৯৮}. কাযী আয়ায (র.) (৫৪৪ হি), শেফা শরীফ, পৃ-১১৩ ও আব্দুল হক মোহাম্মদেস দেহলভী (র.) (১০৫২ হি), মাদারিজুন নবুয়্যাত, খণ্ড-১, পৃ-১৮৯
^{৮৯৯}. আব্দুল হক মোহাম্মদেস দেহলভী (র.) (১০৫২ হি), মাদারিজুন নবুয়্যাত, খণ্ড-১, পৃ-১৯০
^{৯০০}. জালালাইন শরীফের প্রাপ্তটাকা, পৃ-২২৮ ও আল্লামা আলী ইবনে বুরহান উদ্দীন হালভী (র.) (১৪০৪ হি), সীরাতে হালভীয়া, পৃ-৪০৪

ভ্রমণকে। তাও রুহের জন্য ব্যবহার হয়না। ৩. হাদিস শরীফে বুৱাক নামক বাহনের কথা বলা হয়েছে। বাহন প্রয়োজন হয় শরীরের জন্য, রুহের জন্য নয়। ৪. রুহানী মি'রাজ হলে এটি এক বিরাট মু'জিয়া হতোনা। কারণ রুহানী মি'রাজ বহুবার হয়েছে এবং এটা অসম্ভব কিছু নয়। ৫. রুহানী মি'রাজ হলে কাফিররা অবিশ্বাস করতোনা এবং একদল দুর্বল মু'মিন মুরতাদ বা ধর্মত্যাগী হতোনা। শারিরীক মি'রাজের কথা শুনে তারা এটাকে অসম্ভব মনে করে পথভ্রষ্ট হয়েছিল। পক্ষান্তরে আবু বকর (রা.) তা অকপটে বিশ্বাস করার কারণে সিদ্দীক উপাধিতে ভূষিত হন। ৬. আল্লাহ তায়ালা সূরা নাজমের ১৭নং আয়াতে এ সম্পর্কে বলেন- **مَا زَاغَ الْبَصَرُ وَمَا طَغَى** তার দৃষ্টি বিভ্রম হয়নি এবং সীমালঙ্ঘন করেনি। উক্ত আয়াতে **الْبَصَرُ** শব্দটি দ্বারা বাহ্যিক চোখের কথা বলা হয়েছে, অন্তরের চোখের কথা নয়।^{১০১} ৭. বাইতুল মোকাদ্দাসে সকল নবীগণের ইমামতি করা শারিরীক মি'রাজের প্রমাণ বহন করে।

পবিত্র কুরআনে মি'রাজকে মসজিদে আকসা পর্যন্ত সীমারেখা নির্ধারণের কারণ

পবিত্র কুরআনে স্পষ্টভাবে বলা হয়েছে যে, মসজিদে আকসা পর্যন্ত মি'রাজ হয়েছে। এর দ্বারা আসমান ও লা মকান পর্যন্ত মি'রাজ অস্বীকার করা যাবেনা। কারণ এগুলো এমন হাদিস দ্বারা প্রমাণিত যেগুলোর বর্ণনাকারী ৩১জন সাহাবী। ইমাম সুয়ূতী (র.) খাসায়েসুল কোবরা গ্রন্থের প্রথম খণ্ডে ২৫২ পৃষ্ঠায় এদের নামসহ উল্লেখ করেছেন। আর পবিত্র কুরআনে শুধু মসজিদে আকসার কথা উল্লেখ করার কারণ হলো মক্কার কাফিররা মসজিদে আকসা দেখেছিল এবং এর সম্পর্কে তাদের অনেকের জ্ঞান ছিল। এ কারণেই মি'রাজের ঘটনা শুনার পর তারা রাসূল ﷺ'র নিকট এর কিছু নিদর্শন বর্ণনার দাবী করে। আর তিনি তার সঠিক বর্ণনা দিলে তারা অন্তত মনে মনে হলেও মি'রাজ স্বীকার করতে বাধ্য হয়েছিল। যদি এত অল্প সময়ে এক মাসের দূরত্ব অতিক্রম করতে সক্ষম হয় তাহলে আসমানে ভ্রমণ করাও সম্ভব।

মি'রাজের ঘটনার বর্ণনা বিভিন্ন হওয়ার কারণ

মি'রাজের ঘটনা একত্রিশ জন সাহাবী থেকে হাদিসের বিভিন্ন কিতাবে বর্ণিত হয়েছে। কোন বর্ণনায় পরিপূর্ণভাবে মি'রাজের ঘটনা উল্লেখ করা হয়নি। বুখারীর কোন বর্ণনায় মসজিদে আকসা যাওয়ার কথা উল্লেখ নেই বরং এর উল্লেখ করেছেন ইমাম মুসলিম ও নাসাঈ (র.)। কোন বর্ণনায় বক্ষ বিদীর্ঘের ঘটনার উল্লেখ নেই। এবং কোন কোন বর্ণনায় বুৱাকে আরোহণের কথা উল্লেখ নেই। এভাবে হযরত মুসা (আ.)কে কবরে

^{১০১}. মুহাম্মদ ইবনে আহমদ কুরতুবী (র.) (৬৬৮ হি.), আহকামুল কুরআন, খণ্ড. ১০, পৃ. ২০৮

দেখার কথা ইমাম বুখারী উল্লেখ করেননি বরং এটি বর্ণনা করেছেন ইমাম মুসলিম, নাসাই এবং অন্যান্য মুহাদ্দিসগণ। সিহাহ সিভাহর বর্ণনায় বরযখের ঘটনা দেখার উল্লেখ নেই বরং এগুলো ইমাম বায়হাকী, ইবনে জারীর, হাকিম, ইবনে কাসীর, আল্লামা হালভীসহ অন্যান্য মুহাদ্দিসগণ বর্ণনা করেছেন। বর্ণনার মতভেদের কারণ হলো রাসূল ﷺ বহুবার বহু সাহাবায়ে কিরামের সামনে মি'রাজের ঘটনা বর্ণনা দিয়েছেন। প্রত্যেকের যোগ্যতা অনুসারে তিনি তা বর্ণনা করেছেন। ফলে রেওয়ায়েতে মতবিরোধ ও ভিন্নতা সৃষ্টি হয়েছে।

মি'রাজের ধারাবাহিক ঘটনা

বুখারী শরীফে মালিক ইবনে সা'সা (রা.) থেকে বর্ণিত আছে, আল্লাহর নবী মি'রাজের ঘটনা বর্ণনা করতে গিয়ে বলেন- একদিন আমি কা'বা ঘরের হাতিমের অংশে কিংবা হাজরে আসওয়াদের পাশে শুয়েছিলাম। হঠাৎ একজন আগন্তুক আমার নিকট এলেন এবং আমার হৃদকুমের নিম্নদেশ থেকে নাভী পর্যন্ত বিদীর্ণ করলেন। তারপর আগন্তুক আমার হৃদপিণ্ড বের করলেন। তারপর আমার নিকট একটি স্বর্ণের পাত্র আনা হল যা ঈমানে পরিপূর্ণ ছিল। তারপর আমার হৃদপিণ্ডটি (যমযমের পানি দ্বারা) ধৌত করা হলো এবং ঈমান দ্বারা পরিপূর্ণ করে যথাস্থানে পুনরায় রেখে দেয়া হলো। তারপর সাদা রঙের একটি বাহন আমার নিকট আনা হলো যা আকারে খচ্চর থেকেও ছোট ও গাধা থেকে বড় ছিল। জারুদ বললেন- হে আবু হামযা! এটিই কি বুরাক? হযরত আনাস (রা.) বললেন, হ্যাঁ। সেটি একেক কদম রাখে দৃষ্টির শেষ প্রান্তে। আমাকে তার উপর সওয়ার করানো হলো। তারপর আমাকে নিয়ে জিব্রাইল (আ.) চললেন। প্রথম আসমানে নিয়ে দরজা খুলতে বললেন, জিজ্ঞাসা করা হলো কে? তিনি বললেন, জিব্রাইল, আবার জিজ্ঞাসা করা হলো, আপনার সঙ্গে কে? তিনি বললেন, মুহাম্মদ। আবার জিজ্ঞাসা করা হলো, তাকে কি আমন্ত্রণ জানানো হয়েছে? তিনি বললেন, হ্যাঁ। তখন বলা হলো তাঁর জন্য খোশ আমদেদ, উত্তম আগমনকারীর আগমন হয়েছে। তারপর আসমানের দরজা খুলে দেয়া হলো। আমি সেখানে পৌঁছে আদম (আ.)'র সাক্ষাত পেলাম। জিব্রাইল (আ.) বললেন, ইনি আপনার আদি পিতা আদম (আ.), তাকে সালাম করুন। আমি তাকে সালাম করলাম। তিনি সালামের জবাব দিয়ে বললেন, নেককার পুত্র ও নেককার নবীর প্রতি খোশ আমদেদ। তারপর দ্বিতীয় আসমানে পৌঁছে দরজা খুলতে বললেন। জিজ্ঞাসা করা হলো কে? তিনি বললেন, জিব্রাইল। জিজ্ঞাসা করা হলো আপনার সাথে কে? তিনি বললেন, মুহাম্মদ ﷺ। জিজ্ঞাসা করা হলো তাকে কি আমন্ত্রণ করা হয়েছে? তিনি উত্তর দিলেন, হ্যাঁ, তারপর বলা হলো তার জন্য খোশ আমদেদ, উত্তম আগমনকারীর আগমন হয়েছে। তারপর দরজা খুলে দেওয়া হলো। যখন তথায় পৌঁছলাম, তখন সেখানে

ইয়াহিয়া ও ঈসা (আ.)'র সাক্ষাত পেলাম। তারা দু'জন ছিলেন পরস্পরের খালাত ভাই। জিব্রাইল (আ.) বললেন, এরা হলেন ইয়াহিয়া ও ঈসা (আ.)। তাঁদেরকে সালাম করুন। তখন আমি তাঁদের সালাম করলাম। তাঁরা উত্তর দিলেন। তারপর বললেন, নেককার ভাই ও নেককার নবীর প্রতি খোশ আমদেদ। এরপর তিনি আমাকে নিয়ে তৃতীয় আসমানে গেলেন। সেখানে পৌঁছে জিব্রাইল (আ.) বললেন, দরজা খুলে দাও। তাকে বলা হলো কে? তিনি বললেন, জিব্রাইল। জিজ্ঞাসা করা হলো আপনার সাথে কে? তিনি বললেন, মুহাম্মদ ﷺ। জিজ্ঞাসা করা হলো তাঁকে কি আমন্ত্রণ করা হয়েছে? তিনি উত্তর দিলেন, হ্যাঁ, তারপর বলা হলো তাঁর জন্য খোশ আমদেদ, উত্তম আগমনকারীর আগমন হয়েছে। তারপর দরজা খুলে দেওয়া হলো। আমি সেখানে পৌঁছে ইউসূফ (আ.)কে, দেখতে পেলাম। জিব্রাইল (আ.) বললেন, ইনি ইউসূফ (আ.) তাঁকে সালাম করুন। আমি তাঁকে সালাম করলাম। তিনিও জবাব দিলেন এবং বললেন, নেক্কার ভাই, নেক্কার নবীর প্রতি খোশ-আমদেদ। তারপর আমাকে নিয়ে চতুর্থ আসমানে পৌঁছলেন আর দরজা খুলতে বললেন। জিজ্ঞাসা করা হলো কে? তিনি বললেন, জিব্রাইল। জিজ্ঞাসা করা হলো আপনার সঙ্গে কে? তিনি বললেন, মুহাম্মদ ﷺ। জিজ্ঞাসা করা হলো তাঁকে কি আমন্ত্রণ করা হয়েছে? তিনি বললেন, হ্যাঁ। তখন বলা হলো তাঁর প্রতি খোশ আমদেদ, উত্তম আগমনকারীর আগমন হয়েছে। দরজা খুলে দেয়া হলো। আমি ইদ্রিস (আ.)এর কাছে পৌঁছলে জিব্রাইল (আ.) বললেন, ইনি ইদ্রিস (আ.) তাঁকে সালাম করুন। আমি তাঁকে সালাম করলাম। তিনিও জবাব দিলেন। তারপর বললেন, নেককার ভাই ও নেক্কার নবীর প্রতি খোশ আমদেদ। এরপর জিব্রাইল (আ.) আমাকে নিয়ে পঞ্চম আসমানে পৌঁছে দরজা খুলতে বললেন। জিজ্ঞাসা করা হলো, আপনি কে? তিনি বললেন, জিব্রাইল। জিজ্ঞাসা করা হলো আপনার সঙ্গে কে? তিনি বললেন, মুহাম্মদ ﷺ। জিজ্ঞাসা করা হলো তাঁকে কি আমন্ত্রণ করা হয়েছে? তিনি বললেন, হ্যাঁ। তখন বলা হলো তাঁর প্রতি খোশ আমদেদ, উত্তম আগমনকারীর আগমন হয়েছে। তথায় পৌঁছে হারুন (আ.) কে পেলাম। জিব্রাইল (আ.) বললেন, ইনি হারুন (আ.) তাঁকে সালাম করুন। আমি তাঁকে সালাম করলাম, তিনিও জবাব দিলেন এবং বললেন নেক্কার ভাই ও নেক্কার নবীর প্রতি খোশ আমদেদ। তারপর আমাকে নিয়ে ষষ্ঠ আসমানে পৌঁছে দরজা খুলতে বললেন। জিজ্ঞাসা করা হলো, আপনি কে? তিনি বললেন, জিব্রাইল। জিজ্ঞাসা করা হলো আপনার সঙ্গে কে? তিনি বললেন, মুহাম্মদ ﷺ। জিজ্ঞাসা করা হলো তাঁকে কি আমন্ত্রণ করা হয়েছে? তিনি বললেন, হ্যাঁ। ফেরেশ্তারা বললেন, তাঁর প্রতি খোশ আমদেদ। উত্তম আগন্তক এসেছেন। সেখানে আমি মূসা (আ.) কে পেলাম। জিব্রাইল (আ.) বললেন ইনি মূসা (আ.), তাঁকে সালাম করুন। আমি তাঁকে সালাম করলাম, তিনিও জবাব দিলেন এবং

বললেন, নেক্কার ভাই ও নেক্কার নবীর প্রতি খোশ আমদেদ। আমি যখন অগ্রসর হলাম তখন তিনি কেঁদে ফেললেন। তাঁকে জিজ্ঞাসা করা হলো আপনি কেন কাঁদছেন? তিনি বললেন, আমি এজন্য কাঁদছি যে, আমার পর একজন যুবককে নবী বানিয়ে পাঠানো হয়েছে। যাঁর উম্মত আমার উম্মত থেকে অধিক সংখ্যায় জান্নাতে যাবে। তারপর জিব্রাইল (আ.) আমাকে নিয়ে সপ্তম আসমানে পৌঁছেন এবং দরজা খুলে দিতে বললেন, জিজ্ঞাসা করা হলো, আপনি কে? তিনি বললেন, জিব্রাইল। জিজ্ঞাসা করা হল আপনাদের সঙ্গে কে? তিনি বললেন, মুহাম্মদ ﷺ। জিজ্ঞাসা করা হল তাঁকে কি আমন্ত্রণ করা হয়েছে? তিনি বললেন, হ্যাঁ। বলা হলো তাঁর প্রতি খোশ আমদেদ। উত্তম আগন্তকের আগমন হয়েছে। সেখানে ইব্রাহিম (আ.)কে দেখতে পেলাম। জিব্রাইল (আ.) বললেন, ইনি আপনার পিতা তাঁকে সালাম করুন। আমি তাঁকে সালাম করলাম। তিনি সালামের জবাব দিলেন এবং বললেন নেক্কার পুত্র ও নেক্কার নবীর প্রতি খোশ আমদেদ। তারপর আমাকে সিদরাতুল মুনতাহা পর্যন্ত উঠানো হলো। দেখতে পেলাম উহার ফল হাজার এলাকার মোটকার ন্যায় এবং পাতাগুলো হাতির কানের মত। আমাকে বলা হলো এ হলো সিদরাতুর মুনতাহা (যা জড় জগতের শেষ প্রান্ত) সেখানে আমি চারটি নহর দেখতে পেলাম যাদের দু'টি ছিল অপ্রকাশ্য আর দু'টি ছিল প্রকাশ্য। আমি জিব্রাইল (আ.)কে জিজ্ঞাসা করলাম। এ নহরগুলো কী? উত্তরে বললেন, অপ্রকাশ্য দু'টি হলো জান্নাতের দু'টি নহর আর প্রকাশ্য দু'টি হলো নীল নদী ও ফুরাত নদী। তারপর আমার সামনে বায়তুল মামুর প্রকাশ করা হলো। এরপর একটি শরাবের পাত্র, একটি দুধের পাত্র ও একটি মধুর পাত্র পরিবেশন করা হলো। আমি দুধের পাত্র গ্রহণ করলাম। তখন জিব্রাইল (আ.) বললেন, এটি হল ফিতরাত তথা দ্বীন-ই-ইসলাম। আপনি ও আপনার উম্মতগণ এর উপর প্রতিষ্ঠিত। তারপর আমার উপর দৈনিক পঞ্চগশ ওয়াক্ত সালাত ফরয করা হলো। আমি ফিরে আসার সময় মুসা (আ.)এর পাশ দিয়ে আসার প্রাক্কালে তিনি বললেন— আল্লাহ তায়ালা আপনাকে কি আদেশ করেছেন? আমি বললাম, আমাকে দৈনিক পঞ্চগশ ওয়াক্ত সালাতের আদেশ করা হয়েছে। মুসা (আ.) বললেন, আপনার উম্মত দৈনিক পঞ্চগশ ওয়াক্ত সালাত আদায়ে সক্ষম হবে না। আল্লাহর কসম, আমি আপনার আগের লোকদের পরীক্ষা করেছি এবং বনী ইসরাইলের হেদায়তের জন্য অনেক পরিশ্রম করেছি। তাই আপনি আপনার প্রতিপালকের নিকট ফিরে যান এবং আপনার উম্মতের বোঝা হালকা করার জন্য আবেদন করুন। আমি ফিরে গেলাম। ফলে দশওয়াক্ত সালাত হ্রাস করে দিলেন। আমি আবার মুসা (আ.)'র নিকট ফিরে এলাম। তিনি আবার আগের মত বললেন, আমি পুনরায় ফিরে গেলাম। ফলে আল্লাহ দশ ওয়াক্ত সালাত কমিয়ে দিলেন। ফিরার পথে মুসা (আ.)এর নিকট পৌঁছলে তিনি আবার পূর্বোক্ত কথা বললেন,

আমি আবার ফিরে গেলাম। আল্লাহ তায়ালা আরো দশওয়াক্ত সালাত হ্রাস করলেন। আমি মূসা (আ.)এর নিকট ফিরে এলাম। তিনি আবার ঐ কথা বললেন, আমি আবার ফিরে গেলাম। তখন আমাকে দৈনিক দশওয়াক্ত সালাতের আদেশ দেওয়া হল। আমি তা নিয়ে ফিরে এলাম। এবারও মূসা (আ.) আগের মত বললেন, আমি আবার ফিরে গেলাম তখন আমাকে পাঁচওয়াক্ত সালাতের আদেশ দেওয়া হল। তারপর মূসা (আ.)এর নিকট ফিরে এলাম। তিনি বললেন আমাকে কি আদেশ করা হয়েছে? আমি বললাম আমাকে দৈনিক পাঁচওয়াক্ত সালাত আদায়ের আদেশ দেওয়া হয়েছে। মূসা (আ.) বললেন, আপনার উম্মত দৈনিক পাঁচ ওয়াক্ত সালাত আদায় করতে সক্ষম হবে না। আপনার পূর্বে আমি লোকদের পরীক্ষা করেছি। বনী ইসরাইলের হেদায়তের জন্য কঠোর পরিশ্রম করেছি। আপনি আপনার প্রভুর নিকট ফিরে যান এবং আপনার উম্মতের জন্য আরো সহজ করার আবেদন করুন। রাসূল ﷺ বললেন, আমি আমার প্রভুর নিকট অনেক বার আবেদন করেছি, এতে আমি লজ্জাবোধ করছি। আর আমি এতেই সন্তুষ্ট হয়েছি এবং তা মেনে নিয়েছি। এরপর তিনি বললেন, আমি যখন মূসা (আ.)কে অতিক্রম করে অগ্রসর হলাম, তখন জনৈক ঘোষণাকারী ঘোষণা দিলেন, আমি আমার অবশ্য পালনীয় আদেশটি জারি করে দিলাম এবং আমার বান্দাদের উপর লঘু করে দিলাম।^{৯০২}

উপরোক্ত হাদিস শরীফে আসমানের ফেরেশতা কর্তৃক হযরত জিব্রাইল (আ.)ও রাসূল ﷺ'র পরিচয় জিজ্ঞাসা করা অপরিচিতের কারণে নয় বরং তাযীম ও সম্মানার্থে ছিল।

বাইতুল্লাহ থেকে বাইতুল মোকাদ্দাস পর্যন্ত ভ্রমণকাহিনী

রাসূল ﷺ 'বোরাক' নামক জান্নাতী বাহনে আরোহন করে মসজিদে আকসার দিকে রওয়ানা হন। অধিক খেজুর বৃক্ষ সম্বলিত ভূমিতে পৌঁছলে জিব্রাইল (আ.) বললেন— হে আল্লাহর রাসূল! সওয়ারী থেকে নেমে এখানে নামায পড়ুন। তিনি সেখানে নামায পড়লেন আর জিব্রাইল (আ.) বললেন— আপনি ইয়াসরবে (মদীনায) নামায পড়েছেন। একদিন এই স্থান আপনার আবাস স্থল হবে। তারপর তাঁর সওয়ারী এক শুভ্র স্থানে পৌঁছলে জিব্রাইল (আ.) বললেন, হুযুর! এখানেও নামায পড়ুন। তিনি নামায পড়লেন। জিব্রাইল (আ.) বললেন, আপনি মাদয়নে নামায পড়েছেন। সেখান থেকে বায়তুল লাহম পৌঁছলে সেখানেও জিব্রাইল (আ.)'র কথা মতো সওয়ারী থেকে অবতরণ করে নামায পড়লেন। জিব্রাইল (আ.) বললেন, এখানে হযরত ঈসা (আ.) জন্মগ্রহণ করেছিলেন। সওয়ারী চলন্ত অবস্থায় এক বৃদ্ধা দৃষ্টিগোচর হলে রাসূল (স) জিব্রাইল (আ.)কে জিজ্ঞাসা

^{৯০২}. ইমাম বুখারী (র.) (২৫৬ হি), সহীহ বুখারী শরীফ, খণ্ড-১, পৃ-৫৪৮, ইন্ডিয়া, হাদিস নং-৩৬০৮

করলেন এ কে? জিব্রাইল (আ.) বললেন- আপনি চলুন। তিনি চলতে লাগলেন। পথে এক বৃদ্ধ দেখলেন সে আহবান করতে লাগল, হে আল্লাহর রাসূল! এদিকে তাশরীফ আনুন। কিন্তু জিব্রাইল (আ.) বললেন- আপনি চলুন। অতঃপর তিনি এমন দলের পাশ দিয়ে গমন করছিলেন যারা তাঁকে **السلام ও السلام عليك يا اخر السلام عليك يا اول**

يا حاشر বলে সালাম দিচ্ছিলেন। জিব্রাইল (আ.) বললেন, আপনি এদের সালামের জাওয়াব দিন। তিনি তাদের সালামের জবাব দিলেন। এরপর জিব্রাইল (আ.) বললেন- পথে আপনি যে বৃদ্ধকে দেখেছেন তা হলো দুনিয়া। এখন দুনিয়ার বয়স মাত্র এতটুকু বাকী আছে যতটুকু ঐ বৃদ্ধার বয়স বাকী আছে। যদি আপনি তার আহবানে সাড়া দিতেন তাহলে আপনার উম্মত দুনিয়াকে আখিরাতের উপর প্রাধান্য দিতো। আর যে শব্দ করে আপনাকে আহবান করছিল সে ছিল ইবলিস শয়তান। যদি আপনি তার ডাকে সাড়া দিতেন তাহলে আপনার উম্মত পথভ্রষ্ট হয়ে যেতো। আর যে দল আপনাকে সালাম করেছিলেন তারা হলেন- হযরত ইব্রাহিম, মূসা, ও ঈসা (আ.)। মুসলিম শরীফের এক বর্ণনায় আছে- তাঁর যাত্রা হযরত মূসা (আ.)এর পাশ দিয়ে হয়েছিল।

এ সময় তিনি স্বীয় কবরে দাঁড়িয়ে নামায পড়ছিলেন। **وهو قائم يصلى في قبره**। মাদারাজুন নবুয়ত গ্রন্থে বর্ণিত আছে হযরত মূসা (আ.) রাসূল **ﷺ** কে দেখে বলেছিলেন **أَشْهَدُ أَنَّكَ رَسُولُ اللَّهِ** ‘আমি সাক্ষ্য দিচ্ছি যে, আপনি আল্লাহর রাসূল’।

মুজাহিদগণের সাক্ষাত

রাসূল **ﷺ** পথে এমন এক সম্প্রদায়ের পাশ দিয়ে অতিক্রম করেছিলেন- যারা যেদিন ফসলের বৃক্ষ রোপন করতেন সেদিনই ফসল কাটতেন এবং সাথে সাথে বৃক্ষ পুনরায় ফসলে পূর্ণ হয়ে যেতো। তিনি জিব্রাইল (আ.)কে জিজ্ঞাসা করেন- এরা কারা? তিনি উত্তরে বললেন- এরা আল্লাহর রাস্তায় জিহাদকারী। তাদের নেকী সাতশগুণ পর্যন্ত বৃদ্ধি করে দেন। তারা যা কিছু ব্যয় করে আল্লাহ তায়াল্লা উত্তম প্রতিদান দান করেন এবং উত্তম রিযিক প্রদান করেন।

বে-নামাযীদের সাক্ষাত

অতঃপর তিনি এমন একদলের পাশ দিয়ে গমন করেছিলেন যাদের মাথা পাথরের আঘাতে চূর্ণ-বিচূর্ণ করা হচ্ছে এবং পুনরায় মাথা পূর্ববস্থায় হয়ে যায় আর বিরামহীনভাবে এ আঘাব চলছে। তিনি জিজ্ঞাসা করলেন- হে জিব্রাইল! এরা কারা? তিনি বললেন- এরা ঐসব লোক যারা ফরয নামায আদায় করতো না।

যাকাত অনাদায়কারীর সাক্ষাত

অতঃপর তাঁর গমন এমন একদলের পাশ দিয়ে হয়েছিল যাদের লজ্জাস্থানের সম্মুখ ও পিছনের দিকে চেড়া কাপড় দিয়ে ঢাকা এবং চতুষ্পদ জন্তুর ন্যায় চরছে আর কাঁটা, যক্ষ্ম ও জাহান্নামের পাথর খাচ্ছে। তিনি জিজ্ঞাসা করলেন, এরা কারা? জিব্রাইল (আ.) বললেন— এরা ঐসব লোক যারা স্বীয় সম্পদের যাকাত আদায় করতনা। আল্লাহ তায়ালা তাদের উপর যুলুম করেননি এবং আপনার প্রতিপালক স্বীয় বান্দার উপর যুলুমকারী নন।

ব্যভিচারীদের দেখা

অতঃপর তাঁর গমন এমন একদলের পাশ দিয়ে হয়েছিল যাদের সম্মুখে একটি ডেকসীতে রান্না করা উন্নত মানের গোশত রয়েছে এবং অপর একটি ডেকসীতে কাঁচা দুর্গন্ধযুক্ত গোশত বিদ্যমান। কিন্তু তারা দুর্গন্ধযুক্ত গোশত খাচ্ছে আর রান্না করা গোশত খাচ্ছেনা। তিনি জিজ্ঞাসা করলেন— এরা কারা? জিব্রাইল (আ.) উত্তর দিলেন— এরা আপনার উম্মতের ঐসব লোক যাদের নিকট পুত-পবিত্র স্ত্রীগণ থাকা সত্ত্বেও নষ্টা মহিলাদের নিকট যেতো এবং তাদের নিকট সকাল পর্যন্ত রাত্রিযাপন করতো। এভাবে এরা ঐসব মহিলা যারা স্বীয় হালাল ও পবিত্র স্বামীদের নিকট থেকে উঠে অবৈধ পুরুষদের নিকট গমন করতো সকাল পর্যন্ত সারা রাত তাদের সাথে থাকতো।

লোভীর দর্শন

অতঃপর তাঁর গমন এমন এক ব্যক্তির পাশ দিয়ে হয়েছিল যে লাকড়ির এক বিরাট বোঝা একত্রিত করে রাখল যা সে উঠাতে অক্ষম। কিন্তু তবুও সে লাকড়ি খুঁজে এনে বোঝা বড় করছে। তিনি জিজ্ঞাসা করলেন— এ কে? উত্তরে জিব্রাইল (আ.) বললেন— এ আপনার উম্মতের এক ব্যক্তি যার দায়িত্বে অনেক লোকের হক ও আমানত রক্ষিত ছিল যা আদায়ে সে সক্ষম ছিলনা। অথচ তবুও সে আরো হক ও আমানত গ্রহণ করে বোঝা ভারী করেছে।

আমলবিহীন অসৎ বক্তার দর্শন

অতঃপর এমন এক দলের পাশ দিয়ে তাঁর গমন হয়েছিল যাদের ঠোঁট লোহার কাঁচি দ্বারা কাটা হচ্ছে। যখন একবার কাটে সাথে সাথে তা পুনরায় পূর্বের ন্যায় হয়ে যায় আর এভাবে চলতে রয়েছে। তিনি জিজ্ঞাসা করলেন— এরা কারা? উত্তরে জিব্রাইল (আ.) বললেন— এরা মানুষকে পথভ্রষ্টকারী বক্তা। যারা নিজেদের বক্তব্য অনুযায়ী নিজেরা আমল করে না।

অশ্লীল ভাষীর দর্শন

অতঃপর একটি পাথরের পাশ দিয়ে তাঁর গমন হয়েছিল যে পাথর থেকে একটি বড় বলদ গরু বের হয় এবং পুনরায় সেই পাথরের ভিতর প্রবেশ করতে চায় কিন্তু প্রবেশ করতে পারেনা। তিনি জিজ্ঞাসা করলেন এটা কি? উত্তরে জিব্রাইল (আ.) বললেন— এটি ঐ ব্যক্তির অবস্থা যে মুখ থেকে কোন মন্দ কথা উচ্চারণ করলো তারপর এজন্য লজ্জিত

হলো এবং ঐ মন্দ কথাকে পুনরায় মুখের ভিতর ফিরিয়ে নিতে চায় কিন্তু সে তা ফিরিয়ে নিতে অক্ষম।

জান্নাতের আওয়ায শ্রবণ

অতঃপর তিনি এক উপত্যকা দিয়ে গমন করছিলেন। সেখানে ঠাণ্ডা পবিত্র স্বর্গীয় বাতাস এবং মেশকের সুগন্ধি আসছিল। আর একটি আওয়ায শুনলেন। তিনি জিজ্ঞাসা করলেন এটা কি? উত্তরে জিব্রাইল (আ.) বললেন— এটি জান্নাতের আওয়ায। জান্নাত বলতেছে যে, হে আল্লাহ! আপনি আমার সাথে যে ওয়াদা করেছিলেন তা আপনি আমাকে দেন। কেননা আমার যাবতীয় নিয়ামত যা জান্নাতীদের জন্য সংরক্ষিত রয়েছে তা অনেক বেশী হয়ে গিয়েছে। এখন আমার অধিবাসীদেরকে আমাকে দিয়ে দিন যাতে তারা ঐসব নিয়ামত ভোগ করতে পারে। আল্লাহ তায়ালা বললেন— তোমাকে দেওয়া হবে প্রত্যেক মুসলমান মু'মিন নর-নারীকে যারা আমার উপর এবং আমার রাসূলগণের উপর ঈমান এনেছে আর যারা আমার সাথে কাউকে শরীক করেনি। যারা আমাকে ছাড়া আর কাউকে খোদা মানেনি এবং আমাকে ভয় করতো। তারা নিরাপদে থাকবে আর যা আমার কাছে চাইবে তা আমি তাদেরকে দেবো। আর যারা আমাকে কর্জ দেবে আমি তার বিনিময় দেবো এবং যারা আমার উপর ভরসা করবে আমি তাদেরকে যথেষ্ট করে দেবো। আমিই আল্লাহ, আমি ব্যতীত কোন মাবুদ নেই। আমি ওয়াদা খেলাফী করি না। নিশ্চয় মু'মিন সফল হবে। আর আল্লাহ তায়ালা হলেন সর্বোৎকৃষ্ট সৃষ্টিকর্তা ও বরকতমণ্ডিত। জান্নাত একথা শুনে বলেছে— আমি সন্তুষ্ট হয়েছি।

দোযখের আওয়ায শ্রবণ

অতঃপর তাঁর গমন এমন এক উপত্যকা দিয়ে হলো, যেখান থেকে এক ভয়ানক আওয়ায শুনতে পেলেন এবং দুর্গন্ধ অনুভব করলেন। তিনি জিজ্ঞাসা করলেন এটি কি? উত্তরে জিব্রাইল (আ.) বললেন— এটি জাহান্নামের আওয়ায। জাহান্নাম বলছে— হে আল্লাহ! আমার সমস্ত আযাব ও আযাবের উপকরণ অনেক বৃদ্ধি পেয়েছে এবং আমার গভীরতা অনেক দীর্ঘ হয়েছে আর আমার উষ্ণতাও বেড়ে গিয়েছে। সুতরাং আমাকে যা দেওয়ার প্রতিশ্রুতি দিয়েছেন তা আমাকে দেন। আল্লাহ তায়ালা বললেন— প্রত্যেক মুশরিক ও কাফির নারী-পুরুষ এবং অহংকারী যারা কিয়ামত দিবসকে অস্বীকার করতো তাদেরকে তোমাকে দেওয়া হবে। দোযখ বলেছে, আমি সন্তুষ্ট হয়েছি।

ইহুদী-নাসারা এবং দুনিয়ার আহবান

রাসূল ﷺ বলেন— এক আহবানকারী আমাকে ডানদিক থেকে আহবান করে বলল, আপনি আমার দিকে দেখুন। আমি আপনার কাছে কিছু জিজ্ঞাসা করবো। আমি তার আহবানে সাড়া দেইনি। তারপর অপর একজন আহবানকারী বাম দিক থেকে অনুরূপভাবে আহবান করলো। আমি তার আহবানেও সাড়া দেইনি। তারপর তিনি একজন মহিলা দেখলেন যার বাহুদ্বয় বিবস্ত্র ছিল এবং সে সম্পূর্ণ সুসজ্জিত ছিল। সেও বলল, হে মুহাম্মদ! আমার দিকে দৃষ্টিপাত করুন। আমি আপনাকে কিছু জিজ্ঞাসা

করবো। তিনি তার প্রতিও অক্ষিপ করেননি। জিব্রাইল (আ.) বললেন- প্রথম জন ছিল ইহুদীদের আহবানকারী। যদি আপনি তার ডাকে সাড়া দিতেন তাহলে আপনার উম্মত ইহুদী হয়ে যেতো আর দ্বিতীয়জন ছিল নাসারাদের আহবানকারী যদি আপনি তার ডাকে সাড়া দিতেন তবে আপনার উম্মত নাসারা হয়ে যেতো এবং তৃতীয় মহিলা ছিল দুনিয়া। তার ডাকে সাড়া দিলে আপনার উম্মত দুনিয়াকে আখিরাতের উপর প্রাধান্য দিতো।

সূদী ব্যক্তিদের দর্শন

অতঃপর তাঁর গমন এমন এক দলের পাশ দিয়ে হলো, যাদের পেট এতই বড় যে, যখনই দাঁড়াতো সাথে সাথে পড়ে যেতো। জিব্রাইল (আ.) বললেন- এরা সূদখোর।

ইয়াতীমের সম্পদ ভক্ষণকারীর দর্শন

অতঃপর তাঁর গমন এমন এক দলের পাশ দিয়ে হলো- যাদের ঠোঁটগুলো উটের ঠোঁটের ন্যায় বৃহদাকারের। আগুনের স্ফুলিঙ্গ তারা গলদ করণ করছে আর তা মলদ্বার দিয়ে বের হয়ে যাচ্ছে। জিব্রাইল (আ.) বললেন- এরা ঐ সব লোক যারা ইয়াতীমের সম্পদ অন্যায়ভাবে ভক্ষণ করতো।

ব্যভিচারিণীর দর্শন

অতঃপর তাঁর গমন এমন এক দলের পাশ দিয়ে হলো যাদেরকে তাদের বক্ষদেশের ব্রেস্টের সাথে বাধা অবস্থায় ঝুলন্ত রাখা হয়েছিল। এরা হলো ব্যভিচারিণী নারী।

চোগলখোরের দর্শন

অতঃপর তাঁর গমন এমন একদলের পাশ দিয়ে হলো যাদের পাশ থেকে গোশত কাটা হচ্ছে। এরা হলো চোগলখোর।

বাইতুল মোকাদ্দাসে পৌছা

রাসূল ﷺ বাইতুল মোকাদ্দাসে পৌছে আশিয়ায়ে কিরামগণ যেখানে তাঁদের সাওয়ারী বাঁধতেন সেখানে বোরাক বাঁধলেন। তারপর তিনি মসজিদে আকসায় তাশরীফ নিলেন। সেখানে তাঁকে স্বাগতম জানানোর জন্য সকল আশিয়ায়ে কিরাম উপস্থিত ছিলেন। সকলেই তাঁকে দেখে প্রশংসা করলেন, রাসূল ﷺ এর উপর দুরুদ পাঠ করলেন এবং সকলেই তাঁর শ্রেষ্ঠত্ব স্বীকার করে নিলেন। তারপর আযান ও ইকামত দেওয়া হলো এবং আশিয়ায়ে কিরামগণ কাতারবন্দি হয়ে দাঁড়িয়ে গেলেন আর ইমাম কে হবেন সেই অপেক্ষায় রইলেন। বড় বড় আশিয়াগণ ইমামতির আশা করেছিলেন। কিন্তু জিব্রাইল (আ.) ইমামুল আশিয়া হযরত মুহাম্মদ মোস্তফা ﷺ এর হাত ধরে সকলের ইমাম বানিয়ে

দিলেন। তিনি সকল আশিয়ায়ে কিরামের ইমামতি করলেন। কেউ কেউ এই নামায ও ইমামতি মি'রাজ থেকে আসার সময় পথের ঘটনা বলে উল্লেখ করেছেন।

আশিয়ায়ে কিরামগণ কর্তৃক আল্লাহর প্রশংসা

এসময় হযরত ইব্রাহিম, হযরত মূসা, হযরত দাউদ, হযরত সোলায়মান, হযরত ঈসা (আ.) এবং সর্বোপরি হযরত ﷺ আল্লাহর প্রশংসা করেন ও নিজের উপর আল্লাহর প্রদত্ত নিয়ামতের বর্ণনা দেন। রাসূল ﷺ বলেন—
 الْحَمْدُ لِلَّهِ الَّذِي أَرْسَلَنِي رَحْمَةً لِّلْعَالَمِينَ، وَأَنْزَلَ عَلَيَّ الْفُرْقَانَ فِيهِ تَبَيُّانُ كُلِّ شَيْءٍ لِّلنَّاسِ، وَجَعَلَ أُمَّتِي أُمَّةً وَسَطًا، وَجَعَلَ أُمَّتِي هُمُ الْأَوَّلُونَ وَهُمْ الْآخِرُونَ، وَشَرَحَ لِي صَدْرِي، وَوَضَعَ عَنِّي وَزْرِي، وَرَفَعَ لِي ذِكْرِي وَجَعَلَنِي فَاتِحًا وَخَاتِمًا সমস্ত প্রশংসা আল্লাহ তায়ালার জন্য যিনি আমাকে সমগ্র জগতের জন্য রহমতস্বরূপ প্রেরণ করেছেন এবং সকলের জন্য সুসংবাদদাতা ও ভয় প্রদর্শনকারী বানিয়েছেন। আর আমার উপর ফোরকান নাযিল করেছেন যার মধ্যে সব কিছুর বর্ণনা রয়েছে। আমার উম্মতকে সর্বোত্তম উত্তম বানিয়েছেন যাদেরকে মানুষের হেদায়তের জন্য সৃষ্টি করা হয়েছে এবং তাদেরকে মধ্যমপন্থী বানিয়েছেন। আর যিনি আমার বক্ষ খুলে দিয়েছেন আমার থেকে বোঝা হাঙ্কা করে দিয়েছেন, আমার স্মরণকে সুউচ্চ করে দিয়েছেন এবং আমাকে দিয়ে নবুয়তের ধারাবাহিকতা আরম্ভ করেছেন আর আমাকে দিয়েই তা সমাপ্তি করেছেন।

বায়তুল মোকাদ্দাস থেকে সপ্ত আসমানে ভ্রমণ

এ সম্পর্কে বুখারী শরীফে বর্ণিত হাদিসে বিস্তারিত ইতিপূর্বে বর্ণিত হয়েছে, যাতে বিভিন্ন আসমানে বিভিন্ন নবীগণের সাথে সাক্ষাতের কথা উল্লেখ রয়েছে। আর এসব সাক্ষাত ছিল দেহ ও আত্মার সমন্বয়ে অর্থাৎ সশরীরে। এব্যাপারে জালালাইন শরীফের প্রাস্তটিকায় বর্ণিত আছে যে—
 لَقِيَ اِدم اِي بروحه وجسده معاً كبقية الانبياء الاتي ذكرهم في السموات السبع فاجتمع
 النبي صلى الله عليه وسلم بهم باجسادهم وارواحهم بعد ان اجتمع بهم كذاك في جملة الانبياء في بيت
 المقدس রাসূল ﷺ হযরত আদম (আ.)এর সাক্ষাত করেছিলেন তাঁর আত্মা ও দেহের সমন্বয়ে যেভাবে সপ্ত আসমান পর্যন্ত অন্যান্য নবীগণের সাথে সশরীরে সাক্ষাত করেছেন। নবী করিম ﷺ ও সশরীরে রুহ ও দেহের সমন্বয়ে তাঁদের সাথে সাক্ষাত করেছিলেন বাইতুল মোকাদ্দাসে যেভাবে সশরীরে সাক্ষাত করেছিলেন।^{৯০৩}

আসমানসমূহে বিভিন্ন নবীগণের সাথে রাসূল ﷺ'র সাথে পরিচয় করিয়ে দেওয়ার কারণ অপরিচিত হওয়ার কারণে নয় বরং তাঁর সম্মান বৃদ্ধির কারণে পরিচয় করে দেওয়া হয়েছিল। যেভাবে রাসূল ﷺ ইতিকালের পূর্বে তিনি জিব্রাইলের সাথে মিকাইল (আ.)'র পরিচয় করে দিয়েছিলেন। এরূপ ঘটনা অসংখ্য। রাসূল ﷺ একেক আসমানে অসংখ্য ফেরেশতাকে কিয়াম, রুকু, সিজদা ও কুযুদ অবস্থায় আল্লাহর যিকরে রত দেখেছেন এবং জানতে পেরেছেন তাদের সৃষ্টি থেকেই তারা এভাবে আল্লাহর যিকর ও ইবাদতে মশগুল রয়েছেন। জিব্রাইল (আ.)এর অনুরোধে তিনি এসব ইবাদতের সওয়াব লাভের অনুরূপ ইবাদত উম্মতের জন্য আল্লাহর নিকট আবেদন করলে আল্লাহ তা মনজুর করলেন এবং নামাযের মধ্যে এসব কাজ ফরয করে দেন।

সিদরাতুল মুনতাহা পর্যন্ত পৌছা

আল্লামা নিয়ামউদ্দীন নিশাপুরী (র.) সিদরাতুল মুনতাহার পরিচয় দিতে গিয়ে বলেন- **فَالْمُنْتَهَى حَيْثُ مَوْضِعٌ لَا يَعْدُهُ مَلَكٌ وَلَا يَعْلَمُ مَا وَرَاءَهُ أَحَدٌ وَإِلَيْهِ انْتَهَى أَرْوَاحُ الشُّهَدَاءِ**— এটি এমন স্থান যার অতিক্রম ফেরেশতারা করতে পারেন না এবং এর পরে কি আছে তাও কারো জানা নেই। শোহদাগণের রুহ এ পর্যন্ত আসতে সক্ষম।^{৯০৪}

মুসলিম শরীফে বর্ণিত আছে— **إِلَيْهَا يَنْتَهِي مَا يُعْرَجُ بِهِ مِنَ الْأَرْضِ فَيَقْبُضُ مِنْهَا، وَإِلَيْهَا يَنْتَهِي مَا يُهْبَطُ بِهِ مِنْ فَوْقِهَا فَيَقْبُضُ مِنْهَا**— অর্থাৎ পৃথিবী থেকে যে সব আমল উপরে যায় তা সিদরাতুল মুনতাহা পর্যন্ত পৌছতে পারে অতঃপর সেখান থেকে বিশেষভাবে গ্রহণ করা হয় আর উপর থেকে যেসব আহকাম অবতীর্ণ হয় তাও এখান পর্যন্ত আসে অতঃপর সেখান থেকে তা গ্রহণ করা হয়।^{৯০৫}

তিনি আরো বলেন— **أَنَّ جِبْرَائِيلَ تَخَلَّفَ عَنْهُ فِي مَقَامٍ وَلَوْ دَنَوْتُ أَمَلَةً لَأَحْتَرَقْتُ**— এক স্থানে পৌছে জিব্রাইল (আ.) পিছনে পড়ে গেলেন এবং (বললেন) যদি আমি এক আগুণের পরিমাণও অগ্রসর হই তাহলে আমি পুড়ে যাবো।^{৯০৬}

আল্লামা আব্দুল ওহাব শারানী (র.) মুহিউদ্দীন ইবনে আরবী (র.) থেকে বর্ণনা করেন, অতঃপর নবী করিম ﷺ কে সিদরাতুল মুনতাহার দিকে উর্দ্ধগমন করানো হয়েছে। এটি একটি বৃক্ষ। এটির ফল মোটাকার ন্যায় বৃহদাকারের এবং এটির পাতা

৯০৪. আল্লামা নিয়ামউদ্দীন হোসাইন ইবনে মুহাম্মদ (র.) (৭২৮ হি), তফসীরে নিশাপুরী, খণ্ড-২৭, পৃ-৩১

৯০৫. মুসলিম, শরীফ, সূত্র: মিশকাত শরীফ, পৃ-৫২৯

৯০৬. প্রাগুক্ত, পৃ-৩০, অনুরূপ বর্ণনা করেছেন ইসমাঈল হাক্কী (র.) (১১৩৭হি), রুহুল বয়ান, খণ্ড-৯, পৃ-২২৪, কাযী আয়ায (র.) (৫৪৪ হি), শেফা শরীফ, খণ্ড-১, পৃ-১২৬, এবং মোল্লা আলী ক্বারী (র.) (১০১৪ হি), শরহে শেফা, নসীমুর রিয়াযের প্রাপ্ত টীকা, খণ্ড-২, পৃ-৩১০

হাতির কানের ন্যায়। তিনি তা দেখেছেন এবং আল্লাহর নূর দ্বারা তা আবৃত ছিল। এর পূর্ণাঙ্গ ও যথাযথ বর্ণনা দিতে কেউই সক্ষম নন। নূরের প্রচণ্ড তজল্লীর কারণে চোখ পূর্ণাঙ্গভাবে আয়ত্ব করতে পারে না। তিনি দেখলেন যে, সিদরাতুল মুনতাহার শিকড় থেকে চারটি নদী প্রবাহিত হলো। দু'টি নদী প্রকাশ্য ছিল বাকী দু'টি ছিল বাতেনী। জিব্রাইল (আ.) বলেছেন, প্রকাশ্য নদী দু'টি হলো নীল এবং ফুরাত নদী আর অপ্রকাশ্য দু'টি জান্নাতের দিকে প্রবাহিত হচ্ছিল। নীল ও ফুরাত নদীদ্বয়ও কিয়ামতের দিন জান্নাতে চলে যাবে এবং এ দু'টি জান্নাতে মধু ও দুধের নদী হবে। ইবনে আরবী (র.) আরো বলেন— এ নদীদ্বয় থেকে পানকারীগণের বিভিন্ন প্রকারের জ্ঞান অর্জিত হবে। বনী আদমের আমলসমূহ সিদরাতুল মুনতাহা পর্যন্ত পৌঁছে স্তব্ধ হয়ে যায় অর্থাৎ সম্মুখে অগ্রসর হতে পারে না। এটি আত্মাসমূহের অবস্থান স্থল। যা কিছু নীচে অবতরণ করে এটি সেগুলোর প্রান্ত সীমা এবং উপর থেকে কোন কিছু এর নীচে আসতে অক্ষম। আর যা কিছু নীচ থেকে উপরে উঠে এটি সেগুলোরও প্রান্তসীমা। নীচ থেকে কোন বস্তু উপরে উঠতে অক্ষম। এখানেই জিব্রাইল (আ.)'র অবস্থানস্থল। সেখানে পৌঁছে নবী করিম ﷺ বোরাক থেকে অবতরণ করেন এবং তাঁর জন্য সবুজ রঙের 'রফরফ' নামক আসন পেশ করা হয়েছে। তিনি রফরফে উঠে বসলে জিব্রাইল (আ.) রফরফের সাথে অবতীর্ণ ফেরেশতাদের নিকট রাসূল ﷺ কে সোপর্দ করে দেন। নবী করিম ﷺ জিব্রাইল (আ.)কে সঙ্গে সম্মুখে অগ্রসর হতে বললেন, কিন্তু জিব্রাইল (আ.) বললেন, আমি সক্ষম নই। যদি আমি এক কদম অগ্রসর হই তাহলে জ্বলে যাবো। আমরা প্রত্যেক ফেরেশতাদের জন্য একটি নির্দিষ্ট স্থান রয়েছে। হে মুহাম্মদ ﷺ! আল্লাহ তায়ালা তাঁর নির্দেশনাসমূহ দেখানোর জন্য আপনাকে ভ্রমণ করচ্ছেন। আপনি তাতে অমনযোগী হবেন না। তারপর জিব্রাইল (আ.) তাঁকে বিদায় জানান আর তিনি রফরফে ঐ ফেরেশতার সাথে রওয়ানা হলেন। রফরফ তাঁকে নিয়ে 'মকামে ইস্তাওয়া' পর্যন্ত পৌঁছে। সেখানে তিনি কলম চালনার শব্দ শুনেছেন যেগুলো দিয়ে আল্লাহর সে সব বিধান লেখা হচ্ছে, যা তিনি তার স্বীয় সৃষ্টির জন্য প্রেরণ করেন। তিনি ঐসব ফেরেশতাদেরকে দেখেছেন যারা আমলসমূহ লিখেন। প্রত্যেক কলম একজন ফেরেশতা। আল্লাহ তায়ালা বলেন— তোমরা যা কিছু আমল কর আমি সেগুলো লিখে রাখি। অতঃপর তিনি নূরের মধ্যে তীব্রগতিতে অগ্রসর হলেন।

ফলে যে ফেরেশতা তাঁর সঙ্গে ছিলেন তিনিও পশ্চাতে রয়ে গেলেন। যখন তিনি সঙ্গে কাউকে দেখতে পান নি তখন সামান্য বিচলিত হয়ে উঠেন এবং ঐ নূরের জগতে তিনি কিংকর্তব্যবিমূঢ় হয়ে পড়লেন আর বুঝতে পারছেননা এখন কি করবেন? এখানে ফেরেশতা ও রফরফ কিছুই নেই কেবল তিনি একাকী আর সব দিকে নূর আর নূর। তিনি অস্থির হয়ে ডানে-বামে ঝুঁকছেন। এসময় তিনি দীদারে এলাহীর অনুমতি প্রার্থনা করেন

যাতে আল্লাহর বিশেষ অবস্থার সম্মুখে প্রবেশ করতে পারেন। তখন আবু বকর (রা.)'র আওয়াযের ন্যায় আওয়ায আসল—“قَفَّ يَا مُحَمَّدُ فَإِنَّ رَبَّكَ يُصَلِّي” “হে মুহাম্মদ থামুন, আপনার প্রতিপালক সালাত পড়তেছেন।” তিনি এ আওয়ায শুনে অবাক হলেন এবং মনে মনে ভাবলেন— আমার প্রতিপালক কি নামায পড়েন? তাঁর অন্তরে যখন অবাক সৃষ্টি হলো এবং আবু বকর (রা.)'র আওয়ায শুনে তিনি কিছুটা স্বস্তিবোধ করলেন তখন তাঁর সামনে (আল্লাহ) এমন সত্তা যিনি তোমাদের উপর সালাত (রহমত) পড়েন এবং তাঁর ফেরেশতাগণও সালাত পড়েন।” তখন নবী করিম ﷺ এর মনে আসল যে, এখানে সালাত দ্বারা নামায উদ্দেশ্য নয় বরং আল্লাহর রহমত নাযিল হওয়া উদ্দেশ্য। অতঃপর তিনি আল্লাহর বিশেষ সম্মুখে প্রবেশের অনুমতিপ্রাপ্ত হন এবং আল্লাহ তায়ালা তাঁর উপর অহী নাযিল করেন অর্থাৎ কথা বললেন, যা যা বলার ছিল। তিনি আল্লাহর সেই নুরানী তজল্লী দেখেছেন যা তিনি ব্যতীত অন্য কেউ দেখেননি।^{৯০৭}

কোন কোন বর্ণনায় আছে আল্লাহ তায়ালা আহবান করেছিলেন—“أَذُنْ يَا أَحْمَدُ أَذُنْ يَا مُحَمَّدُ” হে আহমদ ও মুহাম্মদ! আরো নিকটে এসো। তখন আমার রব আমাকে এত নিকটে নিয়ে গেলেন যা কুরআনে বর্ণিত হয়েছে—“ثُمَّ دَنَا فَتَدَلَّى ، فَكَانَ قَابَ قَوْسَيْنِ أَوْ أَدْنَىٰ” অর্থাৎ তিনি আল্লাহর অতি নিকটে গেলেন। তখন উভয়ের মাঝে মাত্র দুই ধনুকের ব্যবধান ছিল অথবা আরো কম।^{৯০৮}

আল্লাহ তায়ালা রাসূল ﷺ এর ভীতি দূরীভূত করার জন্য আবু বকর (রা.)'র আকৃতিতে একজন ফেরেশতা সৃষ্টি করে তাঁরই আওয়াযের ন্যায় আওয়ায করে এরূপ বলার ব্যবস্থা করেছেন।^{৯০৯}

রাসূল ﷺ এর আগে-পরের সকল জ্ঞান অর্জন

রাসূল ﷺ যখন আরশ এলাহীতে অবস্থান করেন তখন আরশ থেকে এক ফোঁটা তাঁর মুখে প্রদান করা হয়। ফলে অতীত, বর্তমান ও ভবিষ্যতের সকল জ্ঞান তাঁর অর্জিত হলো। যেমন হাদিস শরীফে আছে—“ثُمَّ ذُلِّ لِي قَطْرَةٌ مِنَ الْعَرْشِ فَوَقَعَتْ عَلَى لِسَانِي فَمَا ذَاقَ” অতঃপর আমার

৯০৭. আল্লামা আব্দুল ওহাব শা'রানী (র.) (৯৭৩ হি), আল ইয়াওয়াকীত ওয়াল জাওয়াহির, খণ্ড-২, পৃ. ৩৮-৩৯, মিশর

৯০৮. সূরা নাজম, আয়াত. ৮-৯

৯০৯. আবদুল হক মুহাদ্দিস দেহলভী (র.), মাদারেজুন নবুয়্যত, খণ্ড-১, পৃ-২০৩ ও বুরহান উদ্দিন হালবী (র.), সীরাতে হালবিয়া, খণ্ড-১, পৃ-২৪৪

জন্য এক ফোঁটা আরশ থেকে ফেলা হয়েছে যা আমার মুখে পতিত হলো। কোন স্বাদ গ্রহণকারী কখনো এরূপ স্বাদ গ্রহণ করেনি। এর ফলে আল্লাহ তায়ালা আমাকে আগে-পরের সব সংবাদ প্রদান করেন এবং আমার অন্তরকে আলোকিত করেছেন।^{১১০}

রাসূল ﷺ আল্লাহর সকল গুণে গুণান্বিত হওয়া

আলেমে রাব্বানী আল্লামা ইমাম শা'রানী (র.) বলেন- **انه اذا مرَّ على حضرات الاسماء** **الالهية صار متخلِّقًا بصفاتها** **فاذا مرَّ على الرحيم كان رحيماً او على الغفور كان غفوراً او على الكريم كان كريماً او على الحليم كان حليماً او على الشكور كان شكوراً او على الجواد كان جواداً** **رأسول ﷺ** যখন আল্লাহর বিশেষ নামসমূহ অতিক্রম করেছেন তখন তিনি ঐ নামসমূহের বিশেষণে বিশেষিত হয়েছিলেন, 'গাফুর' এর উপর দিকে অতিক্রম করার সময় 'গাফুর' করিম এর উপর দিয়ে অতিক্রম করার সময় 'করিম', 'হালিম' এর উপর দিয়ে অতিক্রম করার সময় 'হালিম' 'শাকুর' এর উপর দিয়ে অতিক্রম করার সময় 'শাকুর' 'জাওয়াদ' এর উপর দিয়ে অতিক্রম করার সময় 'জাওয়াদ' হয়ে গিয়েছিলেন। তিনি মি'রাজ থেকে ফিরেছেন সকল গুণে পূর্ণ গুণান্বিত হয়ে।^{১১১}

মি'রাজের প্রমাণ

হাফিয ইবনে কাসীর (র.) মুহাম্মদ ইবনে ইসহাকের সূত্রে হযরত উম্মে হানী (রা.) থেকে বর্ণনা করেন- রাসূল ﷺ মি'রাজ থেকে এসে এর পূর্ণ ঘটনা বর্ণনা করেন এবং তিনি কুরাইশদের এ ঘটনা সম্পর্কে অবহিত করার লক্ষ্যে ঘর থেকে বের হতে চাইলে আমি তাঁর দামান ধরে বললাম, তারা এ ঘটনা শুনলে আপনাকে মিথ্যা প্রতিপন্ন করবে। কিন্তু তিনি গিয়ে কুরাইশদের নিকট এ ঘটনা বর্ণনা করলে তারা তা অস্বীকার করল। বায়হাকীর বর্ণনামতে আবু জেহেল সকলকে বলতে লাগল যে, বাইতুল মোকাদ্দাস এখান থেকে এক মাসের পথ। যাওয়া-আসা করতে কমপক্ষে দুই মাস সময় লাগবে। আর মুহাম্মদ নাকি রাতের অল্প সময়ে তা ভ্রমণ করে এসেছেন। জুবাইর ইবনে মুতআম বলেন- হে মুহাম্মদ! সত্যিই যদি আপনি এ রাতে সেখানে গিয়ে থাকেন তাহলে এই মুহূর্তে আপনি এখানে থাকতেন না। এক ব্যক্তি বলল, হে মুহাম্মদ! আপনি কি অমুক জায়গায় আমাদের উটগুলো দেখেছেন? তিনি বললেন- হ্যাঁ আমি দেখেছি যে, তাদের একটি উট হারিয়ে গেছে আর তারা সেটি খুঁজছে। ঐ ব্যক্তি বলল - অমুক গোত্রের

^{১১০}. আবদুর রহমান সফুরী (র.), নুযহাতুল মাজলিস, পৃ-১২২, আনওয়ারে মুহাম্মদিয়া, পৃ-৩৪৮ ও মাদারেজুন নবুয়ত, খণ্ড-১, পৃ-২০৩

^{১১১}. আল্লামা আব্দুল ওহাব শা'রানী (র.) (৯৭৩ হি), আল ইয়াওয়াকীত ওয়াল জাওয়াহির, খণ্ড-২, পৃ-৩৬

উটগুলোর পাশ দিয়ে অতিক্রম করেছিলেন? তিনি বললেন, হ্যাঁ, আমি তাদেরকে অমুক জায়গায় দেখেছি। তাদের লাল রঙের একটি উটের পা ভেঙ্গে গিয়েছিল। তাদের নিকট পানি ভর্তি পেয়ালা ছিল যা আমি পান করে ফেলেছি। তখন লোকটি বলল, আচ্ছা বলুনতো তাদের উটনী কয়টি ছিল এবং এদের রাখাল ছিল কারা? তিনি বললেন, আমি ঐগুলোর গণনার দিকে দৃষ্টি দেইনি। তবে এ সময় ঐ সব উট ও রাখালকে আমার সামনে উপস্থিত করা হয়েছে। তিনি গুণে গুণে উটের সংখ্যা ও রাখালের নাম বলে দিলেন। তিনি আরো বললেন- আবু কুহাফার সন্তান তথা আবু বকরের রাখালও রয়েছে এবং সকালে এরা ওয়াদীয়ে সানিয়ায় পৌঁছে যাবে। তারা সকালে সেখানে গিয়ে তার কথা সত্য কিনা যাচাই করতে অপেক্ষা করতে লাগল। ঠিকই যথাসময়ে উটগুলো এসে গেল। তারা রাখালদের নিকট রাসূল ﷺ-র বর্ণিত কথাগুলো জিজ্ঞাসা করলে তারা সবগুলো সত্য বলে সাক্ষ্য দিল। হযরত আবু বকর (রা.) বলেন, আমি এই ঘটনাকে বিশ্বাস করি। সুতরাং ঐ দিনই তার উপাধি সিদ্দিক হলো।^{১২}

হযরত আনাস (রা.) থেকে বর্ণিত, রাসূল ﷺ যখন সকালে মুশরিকদেরকে মি'রাজের ঘটনা বর্ণনা করলেন, তারা হযরত আবু বকর (রা.)-র নিকট গিয়ে বলল, হে আবু বকর! তোমাদের নবী বলছেন যে, তিনি নাকি গতরাতে এক মাসের দূরত্বের সফর করে পুনরায় ফিরে এসেছেন। এখন তুমিই বল তিনি এগুলো কি বলেছেন? হযরত আবু বকর (রা.) বললেন, তিনি যদি সত্যিই এরূপ বলে থাকেন তবে সত্য বলেছেন। আমি তা বিশ্বাস করি। আমি তাঁর এর চেয়েও অসম্ভব কথাও বিশ্বাস করি। তিনি আসমান থেকে আগত বিষয়ের সংবাদ দেন আর আমি তাও বিশ্বাস করি।^{১৩} বায়হাকীর বর্ণনায় আছে- মুশরিকদের এক ব্যক্তি বলল, বাইতুল মোকাদ্দাস সম্পর্কে আমি সবচেয়ে অধিক জ্ঞাত। সে বলল- হে মুহাম্মদ! আপনি বলুন বাইতুল মোকাদ্দাসের দালান, অবস্থা, স্বরূপ ও সেটি পাহাড়ের কতটুকু নিকটে? তখন আল্লাহ তায়ালা বাইতুল মুকাদ্দাসকে তুলে এনে তাঁর সামনে রাখলেন তিনি চোখে দেখে দেখে বাইতুল মোকাদ্দাস সম্পর্কে বিস্তারিত বর্ণনা দেন। লোকটি শুনে বলল, আপনি ঠিকই বলেছেন। তখন সে তার সঙ্গীদের নিকট গিয়ে বলল, মুহাম্মদ নিজের দাবীতে সত্য প্রমাণিত হয়েছে।^{১৪}

ইমাম বুখারী (র.) হযরত জাবির (রা.) থেকে বর্ণনা করেন, নবী করীম ﷺ এরশাদ করেন, যখন কুরাইশরা আমার মি'রাজকে অস্বীকার করল তখন আমি কা'বার

^{১২}. হাফিয এমাদ উদ্দিন ইবনে কাসীর (র.) (৭৭৪ হি.), তাফসীরে ইবনে কাসীর, খণ্ড. ৪, পৃ. ২৭৬

^{১৩}. প্রাগুক্ত, পৃ. ২৪৮

^{১৪}. ইমাম বায়হাকী (রা.) (৪৫৮ হি.), দালায়েলুল নবুয়াত, খণ্ড. ২, পৃ. ৩৯৬, বৈরুত ও ইবনে কাসীর (রা.), (৭৭৪ হি.), তাফসীরে ইবনে কাসীর, খণ্ড. ৪, পৃ. ২৫৪, বৈরুত

মীযাবে রহমতের নীচে দাঁড়িয়ে গেলাম। فَجَلَّى اللَّهُ لِي يَبْتَ الْمَقْدِسِ، فَطَفِقْتُ أَخْبِرُهُمْ عَنْ .
আল্লাহ তায়ালা আমার জন্য বাইতুল মোকাদ্দাসকে উন্মুক্ত করে
দিলেন। অতঃপর দেখে দেখে আমি এর নির্দশনসমূহের সংবাদ দিলাম।^{৯১৫}

হাফিয আবু নঈম ইস্পাহানী দালায়েলুন নবুয়্যত গ্রন্থে স্বীয় সূত্রে মুহাম্মদ ইবনে
কা'ব কুরাইযী থেকে বর্ণনা করেন, রাসূল ﷺ হযরত দাহইয়া ইবনে খলীফাকে
কায়সারে রোমের নিকট প্রেরণ করেন। হারকাল বাদশা আবু সুফিয়ান সখর ইবনে
হারবকে ডেকে পাঠান। এ সুযোগে আবু সুফিয়ান হারকাল বাদশাহর নিকট রাসূল ﷺ
এর মর্যাদা ক্ষুণ্ণ করার প্রয়াস চালায়। সে বলল, হে বাদশা! আমি তাঁর (মুহাম্মদ)
সম্পর্কে এমন তথ্য দেবো যাতে তিনি যে মিথ্যুক তা স্পষ্ট হয়ে যাবে। হারকাল
বললেন— বল, সে তথ্য কি? আবু সুফিয়ান বলল, তিনি (মুহাম্মদ) দাবী করেন যে,
একরাতে নাকি তিনি মক্কা থেকে আপনাদের মসজিদে মসজিদে আকসায় এসেছেন এবং
ঐ রাতেই সকাল হওয়ার পূর্বে আমাদের নিকট ফিরে এসেছেন। মসজিদে আকসার
খাদেম এসময় বাদশা'র পাশে দণ্ডায়মান ছিলেন। তিনি বললেন, আমি ঐরাত সম্পর্কে
জানি। বাদশা জিজ্ঞাসা করলেন, তুমি কি জান? তিনি বললেন, প্রতিরাতে আমি ঘুমানোর
পূর্বে মসজিদের দরজা বন্ধ করি। ঐ রাতে আমি সব দরজা বন্ধ করেছি কিন্তু একটি
দরজা বন্ধ করতে পারিনি। মিস্ত্রি ডাকলাম, তারা দেখে বলল— এই দরজার উপরিভাগের
চৌকাঠ নীচের দিকে দাবিয়ে গেছে। এখন আমরা তা ঠিক করতে পারবো না। সকালে
এসে ঠিক করে দেবো। ফলে ঐ রাতে দরজার উভয় কপাট খোলা রেখে আমি চলে
গেলাম। সকালে এসে দেখি মসজিদের পাশে পাথরে একটি গর্ত এবং এখানে সাওয়ারী
বাধার চিহ্ন পেয়েছি আর দরজা কোন মেরামত ছাড়াই বন্ধ করা গেল। আমি সঙ্গীদের
বললাম গতরাতে এই মসজিদে নামায আদায় করা হয়েছে।^{৯১৬}

দীদারে এলাহী ও আল্লাহর দর্শন লাভ

সকল আশীয়ায়ে কিরামের মধ্যে কেবল মুহাম্মদ মোস্তাফা ﷺ কে আল্লাহ তায়ালা
স্বীয় দীদার ও দর্শন দ্বারা ধন্য করেছেন। এ ব্যাপারে পবিত্র কুরআনে সূরা 'নাজমে'
বর্ণিত হয়েছে। উক্ত সূরায় ثُمَّ دَنَا فَتَدَلَّى আয়াতের ব্যাখ্যায় আল্লামা আলুসী (রা.) বলেন,
হযরত হাসান বসরী (রা.)'র মতে উক্ত আয়াতে উভয় সর্বনাম আল্লাহর দিকে
প্রত্যাবর্তিত হয়েছে। এভাবে عِنْدَ سِدْرَةِ الْمُنْتَهَى ، وَلَقَدْ رَآهُ نَزْلَةً أُخْرَى ، তিনি (রাসূল ﷺ)

৯১৫. ইমাম বুখারী (র.) (২৫৬ হি), সহীহ বুখারী, খণ্ড-১, পৃ-৫৪৮, করাচী

৯১৬. হাফিয ইবনে কাসীর (র.) (৭৪৪ হি), তাফসীরে ইবনে কাসীর, খণ্ড-৪, পৃ-২৭৯ বৈরুত

তাকে (আল্লাহকে) দ্বিতীয়বার দেখেছেন সিদরাতুল মুনতাহায়।^{১১৭} এ আয়াতেও ৫ সর্বনাম আল্লাহর দিকেই প্রত্যাবর্তিত হয়েছে।

হযরত হাসান বসরী (রা.) শপথ করে বলেন যে, রাসূল ﷺ আল্লাহকে দেখেছেন।^{১১৮}

ইমাম বুখারী (রা.) আরো স্পষ্টভাবে বিগুহ হাদিসে বলেছেন- حَتَّى جَاءَ سِدْرَةَ - এমনকি রাসূল ﷺ وَدَنَا لِلْجَبَّارِ رَبِّ الْعِزَّةِ، فَتَدَلَّى حَتَّى كَانَ مِنْهُ قَابَ قَوْسَيْنِ أَوْ أَدْنَى সিদরাতুল মুনতাহায় পৌছেন এবং রাব্বুল ইজ্জত জাব্বার তাঁর নিকটবর্তী হলেন, অতঃপর আরো নিকটবর্তী হলেন, ফলে তিনি তাঁর থেকে দুই ধনুকের কিংবা এর চেয়ে অধিক নিকটবর্তী হলেন।^{১১৯}

পবিত্র কুরআনে বলা হয়েছে مَا كَذَبَ الْفُؤَادُ مَا رَأَى রাসূল ﷺ যা দেখেছেন তা তাঁর অন্তর মিথ্যা প্রতিপন্ন করেনি।^{১২০}

ইমাম নববী (র.) উক্ত আয়াতের ব্যাখ্যায় বলেন, ذهب الجمهور من المفسرين الى ان অধিকাংশ মুফাসসীরীনগণের মতে এর দ্বারা উদ্দেশ্য হলো রাসূল ﷺ তাঁর প্রতিপালককে দেখেছেন।^{১২১}

হযরত ইকরামা (রা.) ইবনে আব্বাস (রা.) থেকে বর্ণনা করেন, রাসূল ﷺ এরশাদ করেন رَأَيْتُ رَبِّي تَبَارَكَ وَتَعَالَى আমি আমার মহান পবিত্র প্রভুকে দেখেছি।^{১২২}

হযরত ইবনে আব্বাস (রা.) থেকে অনুরূপ হাদিস ইমাম তিরমিযী, ইমাম মুসলিম, ইবনে হিব্বান, ইবনে জারীর তাবারী, ইমাম হাকেম, হাফিয নুরুদ্দীন হায়শামী প্রমুখ বড় বড় মুহাদ্দিসগণ বর্ণনা করেছেন।

হাফিয নুরুদ্দীন ইবনে আব্বাস (রা. থেকে বর্ণনা করেন, তিনি বলতেন- ان محمداً - নিশ্চয় মুহাম্মদ ﷺ تَأْتِي رَأْيَ رَبِّهِ مَرَّتَيْنِ مَرَّةً بَبَصَرِهِ وَمَرَّةً بِفَوَادِهِ তাঁর রবকে দু'বার দেখেছেন। একবার কপালের চোখে আরেকবার অন্তরের চোখে।^{১২৩}

১১৭. সূরা নাজম, আয়াত ১৩
 ১১৮. সৈয়দ মাহমুদ আলুসী (র.), (১২৭০হি.), তাফসীরে রুহুল মাযানী, খণ্ড.২৭, পৃ.৪৫, বৈরুত
 ১১৯. ইমাম বুখারী (রা.) (২৫৬হি.), সহীহ বুখারী, খণ্ড.২, পৃ. ১১২০, করাচী
 ১২০. সূরা নাজম, আয়াত, ১১
 ১২১. ইমাম নববী (র.), শরহে মুসলিম, পৃ.৯৭
 ১২২. ইমাম আহমদ ইবনে হাম্বল (র.) (২৪১হি.), মুসনাদে আহমদ, খণ্ড-১, পৃ.২৮৫

তাফসীরে সাবী গ্রন্থে বলা হয়েছে- **أُخْتَلِفَ فِي تِلْكَ الرُّوْيَةِ فَقِيلَ رَأَاهُ بَعِيْنُهُ حَقِيْقَةً وَهُوَ قَوْلُ** তাফসীরে সাবী গ্রন্থে বলা হয়েছে- **الْجُمْهُوْرُ الصَّحَابَةُ وَالتَّابِعِيْنَ** কেউ কেউ বলেছেন তিনি আল্লাহ তায়ালাকে বাস্তবিকভাবে স্বচক্ষে দেখেছেন। আর এটিই অধিকাংশ সাহাবী ও তাবেঈদের মত।^{৯২৪}

আল্লামা হালভী বলেন- **اِخْتَلَفَ فِي رَوِيْتِهِ صَلَّى اللهُ عَلَيْهِ وَسَلَّمَ لِرَبِّهِ تَبَارَكَ وَتَعَالَى تِلْكَ اللَّيْلَةِ** মি'রাজের **مِنْ رَأَيْهِ الْعُلَمَاءُ عَلَى وَقُوْعِ ذَلِكَ إِلَى أَنَّهُ صَلَّى اللهُ عَلَيْهِ وَسَلَّمَ رَأَاهُ عَزَّ وَجَلَّ بَعِيْنَ رَأْسِهِ** তাঁর রবকে দেখার বিষয়ে মতবিরোধ রয়েছে। অধিকাংশ ওলামাগণের মতে তিনি আল্লাহকে কপালের চোখে দেখেছেন।^{৯২৫}

ইমাম নববী (রা.) বলেন- **إِنَّ الرَّاجِعَ عِنْدَ أَكْثَرِ الْعُلَمَاءِ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ رَأَى رَبَّهُ بَعِيْنَ رَأْسِهِ لَيْلَةَ الْإِسْرَاءِ** অধিকাংশ ওলামাগণের বিশ্বাস ও প্রাধান্য মত হলো মি'রাজ রাতে নবী করিম **ﷺ** তাঁর প্রতিপালককে নিজের চোখে দেখেছেন।^{৯২৬}

এ ব্যাপারে ফায়সালামূলক সিদ্ধান্ত দেন আব্দুল হক মুহাদ্দিস দেহলভী (র.)। তিনি বলেন, রাসূল **ﷺ** মি'রাজের রাতে আল্লাহ তায়ালাকে কপালের চোখে দেখেছেন কিনা তা সাহাবায়ে কিরামের মধ্যে মতবিরোধ রয়েছে। হযরত আয়েশা (রা.) তা অস্বীকার করেন কিন্তু ইবনে আব্বাস (রা.) এর পক্ষে মত দিয়েছেন। এ দু'জনের প্রত্যেকের সাথে একদল সাহাবী যোগ দিয়েছেন। এভাবে তাবেঈগণের মধ্যেও দু'দলে বিভক্ত হয়েছেন আবার একদল এ ব্যাপারে নিরবতা পালন করেন। তবে অধিকাংশ ওলামা ইবনে আব্বাস (রা.) এর মতের পক্ষ অবলম্বন করেন। ইমাম নববী (রা.) লিখেছেন যে, অধিকাংশ ওলামাগণের পছন্দনীয় মত হলো নবী করিম **ﷺ** মি'রাজের রাতে নিজ চোখে আল্লাহ তায়ালাকে দেখেছেন। আর ইবনে আব্বাস (রা.) এই মত রাসূল **ﷺ** থেকে শ্রবণ করে বলেছেন। পক্ষান্তরে হযরত আয়েশা (রা.) এটিকে কেবল নিজস্ব ইজতিহাদ দ্বারা অস্বীকার করেছেন। ইবনে ওমর (রা.) ইবনে আব্বাস (রা.)'র কাছে এ বিষয়ে জিজ্ঞাসা করলে তিনি বলেন, হ্যাঁ, মুহাম্মদ **ﷺ** আল্লাহ তায়ালাকে দেখেছেন আর ইবনে ওমর (রা.) তার কথাটি মেনে নিয়েছেন। অধিকাংশ সুফীয়ায়ে কিরামের মতও অনুরূপ।^{৯২৭}

কেউ ইমাম আহমদ ইবনে হাম্বল (র.)কে জিজ্ঞাসা করেছেন হযরত আয়েশা (রা.) বলেছেন, যে ব্যক্তি মনে করে যে, মুহাম্মদ **ﷺ** স্বীয় রবকে দেখেছেন, তা হলে সে আল্লাহর উপর মিথ্যা অপবাদ দিয়েছে। এখন কোন দলীল দ্বারা হযরত আয়েশা (রা.)'র

৯২৩. হাফিয নুরুদ্দীন আলী ইবনে আবু বকর (রা.), (৮০৭হি.) মাজমাউয যাওয়ায়েদ, খণ্ড-১. পৃ. ৭৮, বৈরুত
৯২৪. তাফসীরে সাবী, পৃ. ১১৬
৯২৫. আলী ইবনে বুরহান উদ্দিন হালবী (রা.), সীরাতে হালবী, খণ্ড ১, পৃ. ৪৫০
৯২৬. ইমাম নববী (রা.), (৬৭৬হি.), শরহে মুসলিম, খণ্ড. ১, পৃ. ৯৭, করাচী
৯২৭. শায়খ আব্দুল হক মুহাদ্দিস দেহলভী (র.), (১০৫২হি.), আশআতুল লুমআত, খণ্ড. ৪, পৃ. ৪৩১

মত খণ্ডন করা যাবে? উত্তরে তিনি বলেন, স্বয়ং নবী করিম ﷺ'র বাণী দ্বারা খণ্ডন করা হবে। কেননা তিনি বলেছেন, আমি আমার রবকে দেখেছি। রাসূল ﷺ'র বাণী আয়েশা (রা.)'র বাণীর চেয়ে শ্রেষ্ঠ।^{৯২৮}

মোটকথা হলো- ইমাম হাসান বসরী, ইবনে দাহইয়া, ইমাম আহমদ, আবুল হাসান আশআরী, ইমাম নববী, কাযী আযায়, শায়খ আব্দুল হক মুহাদ্দিস দেহলভী, শায়খ আব্দুল কাদের জিলানী, শিহাবউদ্দিন সুহরাওয়ার্দী, সাহল ইবনে আব্দুল্লাহ তাসতারী, মুজাদ্দিদে আলফেসানী (র.) প্রমুখ ওলামা মাশায়েখগণ ইবনে আব্বাস (রা.)'র মত গ্রহণ করেছেন।^{৯২৯}

সালাত বা নামায

সালাত আরবী শব্দ। এর আভিধানিক অর্থ দোয়া, রহমত, ইস্তিগফার ইত্যাদি। শরীয়তের পরিভাষায় নির্দিষ্ট রুকন, দোয়া ও যিকরসমূহকে বিশেষ পদ্ধতিতে নির্ধারিত সময়ে আদায় করাকে সালাত বা নামায বলা হয়।^{৯৩০}

নামায সার্বজনীন ইবাদত। ঈমানের পরে হলো আমল। আর আমলের মধ্যে সর্বশ্রেষ্ঠ হলো নামায। অন্যান্য আমলসমূহ হয়ত জীবনে একবার কিংবা বছরে একবার কিন্তু নামায প্রতিদিন এবং দৈনিক পাঁচবার ফরয। সকল ইবাদতের যাবতীয় উপকরণ ও পদ্ধতি নামাযে বিদ্যমান।

মুফতি আহমদ ইয়ার খান (র.) বলেন, নামায অন্যান্য ইবাদতের উপর শ্রেষ্ঠ হওয়ার কারণ হলো- ১. নামায অবস্থায় কোন দুনিয়াবী কাজ করা যায় না। কেননা এতে সমস্ত অঙ্গ-প্রত্যঙ্গ নামাযীর আয়ত্বে থাকে। ২. অন্যান্য ইবাদতে দুনিয়াবী কাজও সংঘটিত হয়। হজ্বে ব্যবসা, রোযায় দুনিয়াবী কাজ-কর্ম হয়ে থাকে। কিন্তু নামাযে এসব কিছু হয়না। ফলে নামাযে একাত্মতা বেশী থাকে। ৩. নামায জাহেরী ও বাতেনী উভয় প্রকারের অঙ্গ-প্রত্যঙ্গ দ্বারা আদায় করা হয় পক্ষান্তরে রোযা কেবল মুখ ও পেট দ্বারা আদায় হয়ে যায়। ৪. নামায সকল ফেরেশ্তাদের ইবাদতের সমষ্টি রূপ। নামায সমস্ত মাখলুকের ইবাদতের সমষ্টি রূপ। যেমন বৃক্ষ দণ্ডায়মান অবস্থায় থাকে, চতুষ্পদ জন্তু রুকু অবস্থায় এবং পোকা-মাকড় সিঁজদা অবস্থায় থাকে এবং ব্যাঙ বসা অবস্থায় থাকে।

^{৯২৮}. আলী ইবনে বুরহান উদ্দিন হালবী (র.), (১৪০৪হি.) সীরাতে হালবীয়া, পৃ. ৪৫২ও আব্দুল হক মুহাদ্দিস দেহলভী (রা.), মাদারেজুন নবুয়াত, পৃ. ২০৮

^{৯২৯}. শেফা শরীফ, পৃ. ১২০৩/১২২০, শহরে মুসলিম (নববীর), পৃ. ৯৭, সীরাতে হালবী, পৃ. ৪৫২. মাদারেজ খণ্ড-১, পৃ. ২০৮-২০৯, আল ইয়াওয়াকীত ওয়াল জাওয়াহির, খণ্ড-১, পৃ. ১২৮, আওয়ারিফুল মাআরিফ, পৃ. ৩৩৪-৩৩৫ এবং মাকতুবাতে ইমাম রাব্বানী, প্রথম দফতর, খণ্ড-৫, পৃ. ৪১-৪২

^{৯৩০}. মুফতি আমীমূল ইহসান (র.) (১৯৭৪ সাল), কাওয়ায়েদুল ফিক্হ, পৃ-৩৫১

৫. নামায ধনী-গরিব সকলের উপর ফরয। পক্ষান্তরে হজ্জ ও যাকাত গরীবের উপর ফরয নয় এবং রোযা মুসাফিরের ও অসুস্থ অক্ষম ব্যক্তির উপর ফরয নয়। ৬. নামায প্রতিদিন আদায় করতে হয় পক্ষান্তরে হজ্জ জীবনে একবার আর রোযা ও যাকাত বছরে একবার। ৭. নামায নামাযীর জীবনধারা পালটিয়ে দেয়। নামাযীকে সর্বদা স্বীয় শরীর ও কাপড় পবিত্র রাখতে হয় এবং দিনরাত সর্বদা নামাযের চিন্তায় থাকতে হয়। সুতরাং নামাযী সর্বদা ইবাদতে ব্যস্ত থাকে। কেননা ইবাদতের চিন্তাও ইবাদত।^{৩০১}

মূলতঃ উম্মতে মুহাম্মদীর জন্য দৈনিক নামায ছিল পঞ্চাশ ওয়াক্ত। মি'রাজ রাতে হযরত মূসা (আ.)'র সুপারিশক্রমে নবী করিম সাল্লাল্লাহু আলাইহি ওয়াসাল্লাম পাঁচ ওয়াক্তে কমিয়ে আনলেন। তবে আল্লাহর বানী— **مَنْ جَاءَ بِالْحَسَنَةِ فَلَهُ عَشْرُ أَثْمَالِهَا**— ব্যক্তি একটি ভাল কাজ করবে তার জন্য দশগুণ অনুরূপ আমলের সাওয়াব লিপিবদ্ধ হবে।” এই নীতিমালার ভিত্তিতে পাঁচওয়াক্ত আদায় করে দশগুণ তথা পঞ্চাশ ওয়াক্তের সাওয়াব প্রাপ্ত হবে। নামায পাঁচওয়াক্ত হওয়ার কারণ হলো দিনে-রাতে এই পাঁচটি ওয়াক্তের বিশেষ গুরুত্ব রয়েছে। তাছাড়া এই পাঁচওয়াক্ত নামায বিভিন্ন নবীগণের স্মরণ ও স্মৃতিকে জীবন্ত করে রাখে। হযরত আদম (আ.) পৃথিবীতে আগমন করে প্রথমে রাত দেখে বিচলিত হয়ে গেলেন। যখন সকাল আলোকিত হলো শোকরানাস্বরূপ দুই রাকাত নামায আদায় করলেন। এটি ফযরের নামায হলো। হযরত ইব্রাহিম (আ.) নিজের প্রাণপ্রিয় পুত্রের কুরবানীর পরিবর্তে দুম্বা পেলেন। ফলে পুত্রের প্রাণ বেঁচে গেল এবং কুরবানী কবুল হওয়ার শুকরিয়াস্বরূপ চার রাকাত নামায পড়লেন। এটি যোহর হলো। হযরত উযাইর (আ.) একশ বছর পরে জীবিত হয়ে চার রাকাত নামায আদায় করেন। তা আসর হলো। কেননা তিনি আসরের সময় জীবিত হয়েছেন। হযরত দাউদ (আ.)'র তাওবা কবুল হওয়ার শুকরিয়াস্বরূপ সূর্যাস্তের পর চার রাকাতের নিয়তে নামায গুরু করেন কিন্তু তিন রাকাত পড়ে ক্ষান্ত হয়ে পড়েন এবং তিন রাকাতেরই সালাম ফিরিয়ে ফেলেন। ফলে তা মাগরীব হলো এবং আমাদের নবী করিম ﷺ এশার নামায আদায় করেছেন।^{৩০২}

নামাযের বিধান

নামায ইসলামের দ্বিতীয় রুকন। হাদিস শরীফে বর্ণিত আছে, **«يُنْبِئُ الْإِسْلَامُ عَلَى خَمْسٍ، شَهَادَةِ أَنْ لَا إِلَهَ إِلَّا اللَّهُ، وَأَنَّ مُحَمَّدًا عَبْدُهُ وَرَسُولُهُ، وَإِقَامِ الصَّلَاةِ، وَإِيتَاءِ الزَّكَاةِ، وَحَجِّ حُمْسٍ، شَهَادَةِ أَنْ لَا إِلَهَ إِلَّا اللَّهُ، وَأَنَّ مُحَمَّدًا عَبْدُهُ وَرَسُولُهُ، وَإِقَامِ الصَّلَاةِ، وَإِيتَاءِ الزَّكَاةِ، وَحَجِّ حُمْسٍ، شَهَادَةِ أَنْ لَا إِلَهَ إِلَّا اللَّهُ، وَأَنَّ مُحَمَّدًا عَبْدُهُ وَرَسُولُهُ، وَإِقَامِ الصَّلَاةِ، وَإِيتَاءِ الزَّكَاةِ، وَحَجِّ حُمْسٍ»** ইসলামের ভিত্তি হলো পাঁচটি বস্তুর উপর। প্রথমটি হলো আল্লাহর

^{৩০১}. মুফতি আহমদ ইয়ার খান নঈমী (র.) (১৩৯১ হি.), আসরাফুল আহকাম, পৃ-০৮

^{৩০২}. তাহাভী শরীফ, সূত্র: মুফতি আহমদ ইয়ার খান নঈমী (র.) (১৩৯১ হি.), আসরাফুল আহকাম, পৃ-০৯

একত্ববাদে এবং মুহাম্মদ ﷺ তাঁর বান্দা ও রাসূল এ বিষয়ে সাক্ষ্য দেওয়া। দ্বিতীয়টি হলো নামায প্রতিষ্ঠা করা আর তৃতীয়, চতুর্থ ও পঞ্চমটি হলো যথাক্রমে যাকাত আদায় করা, হজ্জ করা ও রমযান মাসে রোযা রাখা।^{৯৩৩}

সাধারণত প্রত্যেক প্রাপ্তবয়স্ক, জ্ঞানসম্পন্ন মুসলিম নর-নারীর উপর দৈনিক নির্ধারিত সময়ে পাঁচওয়াক্ত নামায ফরযে আইন। তবে জুমার দিন যোহরের পরিবর্তে জুমার দু'রাকাত ফরযে আইন। সকল ওলামা একমত যে, পুরুষ স্বপ্ন দোষ হলে আর নারী ঋতুবর্তী হলে সাধারণত প্রাপ্তবয়স্ক বলে গণ্য হবে। এদের উপর নামাযসহ ইসলামের যাবতীয় বিধি-বিধান অপরিহার্য হয়ে পড়ে। কোন মুসলমান যদি নামাযকে অস্বীকার করে কিংবা নামায সম্পর্কে হটকারীতা ও ঠাট্টা-বিদ্রূপ করে তাহলে সে কাফির হয়ে যাবে। কারণ নামায যে ফরয তা কুরআন-হাদীসের অসংখ্য অকাট্য দলীল দ্বারা প্রমাণিত।

নামায ফরয হওয়ার দলীল

আল্লাহ তায়ালা এরশাদ করেন, وَأَقِيمُوا الصَّلَاةَ وَآتُوا الزَّكَاةَ وَارْكَعُوا مَعَ الرَّاٰكِعِينَ তোমরা নামায প্রতিষ্ঠা কর ও যাকাত দাও এবং রুকুকারীদের সাথে রুকু কর।^{৯৩৪}

نِشْচয়ই নির্ধারিত সময়ে নামায প্রতিষ্ঠা করা মু'মিনদের অবশ্য কর্তব্য।^{৯৩৫}

হাদিস শরীফে বর্ণিত হয়েছে, রাসূল ﷺ এরশাদ করেন— اَعْبُدُوا رَبَّكُمْ، وَصَلُّوا خَمْسَكُمْ، وَصُومُوا شَهْرَكُمْ، وَحُجُّوا بَيْتَ رَبِّكُمْ وَأَدُّوا زَكَاةَ أَمْوَالِكُمْ طَيِّبَةً بِهَا أَنْفُسُكُمْ تَدْخُلُوا جَنَّةَ رَبِّكُمْ তোমরা তোমাদের প্রতিপালকের ইবাদত কর, পাঁচওয়াক্ত নামায আদায় কর, রমযান মাসে রোযা রাখ, তোমাদের প্রতিপালকের ঘর বাইতুল্লাহ শরীফে হজ্জ আদায় কর, স্বতঃস্ফূর্তভাবে তোমাদের সম্পদের যাকাত আদায় কর, তাহলে তোমরা তোমাদের প্রতিপালকের জান্নাতে প্রবেশ করবে।^{৯৩৬}

ইযরত উবাদাহ ইবনে সামিত (রা.) থেকে বর্ণিত, রাসূল ﷺ এরশাদ করেন— إِنَّ اللَّهَ فَرَضَ عَلَى عِبَادِهِ الْمُؤْمِنِينَ فِي كُلِّ يَوْمٍ وَلَيْلَةٍ خَمْسَ صَلَوَاتٍ উপর দৈনিক পাঁচ ওয়াক্ত নামায ফরয করেছেন।^{৯৩৭}

নামাযের ফরযিয়াত, ওয়াক্ত ও রাকাতসমূহ কুরআন, হাদিস, এজমা ও কিয়াস তথা দলীল চতুষ্টয়ের দ্বারা সুপ্রমাণিত। এগুলোর কোন একটিকে অস্বীকার করার কোন সুযোগ নেই।

৯৩৩. বুখারী ও মুসলিম, সূত্র: মিশকাত শরীফ, পৃ-১২

৯৩৪. সূরা বাকারা, আয়াত-৪৩

৯৩৫. সূরা নিসা, আয়াত-১০৩

৯৩৬. আল্লামা কাসানী (র.) (৫৮৭ হি), বাদায়েউস সানায়ে, খণ্ড-১, পৃ-৮৯

৯৩৭. প্রাপ্তবয়স্ক, পৃ-৯০

নামাযের গুরুত্ব ও ফযিলত

পবিত্র কুরআন-হাদিসে নামায সম্পর্কে এতবেশী গুরুত্বারোপ করা হয়েছে যে অন্য কোন আমল সম্পর্কে তা পরিদৃষ্ট হয় না। হাদিস শরীফে নামাযকে দ্বীনের স্তম্ভ বলা হয়েছে। নবী করিম ﷺ এরশাদ করেন—

نَامَايَ الصَّلَاةِ عِمَادُ الدِّينِ فَمَنْ أَقَامَهَا فَقَدْ أَقَامَ الدِّينَ وَمَنْ تَرَكَهَا فَقَدْ هَدَمَ الدِّينَ নামায হলো দ্বীন ইসলামের স্তম্ভ বিশেষ। সুতরাং যে নামায আদায় করল, সে নিশ্চয় মূলত; ধর্মকেই সুপ্রতিষ্ঠিত করল। আর যে নামায তরক করল, সে নিঃসন্দেহে ধর্মকেই ধ্বংস করল।^{৯৩৮}

নামায উত্তম আমল

হযরত ইবনে মাসউদ (রা.) বলেন, আমি নবী করিম ﷺ কে জিজ্ঞাসা করলাম আল্লাহর কাছে কোন আমলটি সর্বোত্তম? উত্তরে তিনি বললেন— الصَّلَاةُ عَلَى وَفْتِهَا সময়মত নামায আদায় করা।^{৯৩৯}

নামায ঈমানের নিদর্শন

নবী করিম ﷺ এরশাদ করেন— الصَّلَاةُ الْإِيمَانُ وَعَلِمُ الدِّينِ وَلِكُلِّ شَيْءٍ عِلْمٌ وَغَلَمٌ প্রত্যেক কিছুর একটি নিদর্শন আছে আর ঈমানের নিদর্শন হলো নামায।^{৯৪০}

নামায নামাযীকে যাবতীয় অশ্লীল কাজ থেকে বিরত রাখে

সাধারণত নামাযী ব্যক্তি সৎ, সরল এবং যাবতীয় সচ্চরিত্রের অধিকারী হয়ে থাকে এবং যাবতীয় মন্দ ও অশ্লীল কাজ থেকে বিরত থাকে। কারণ নামায মুসল্লীকে যাবতীয় মন্দ কাজ থেকে বিরত রাখে। আল্লাহ তায়ালা বলেন— إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ নিশ্চয় নামায বিরত রাখে অশ্লীল ও মন্দ কাজ থেকে।^{৯৪১}

হাদিস শরীফে হযরত আনাস (রা.) থেকে বর্ণিত আছে— كَانَ الرَّجُلُ يَصَلِّيُ الْخَمْسَ مَعَ النَّبِيِّ صَلَّى اللَّهُ عَلَيْهِ وَسَلَّمَ ثُمَّ لَا يَدْعُ شَيْئًا مِنَ الْفَوَاحِشِ إِلَّا ارْتَكَبَهُ فَاخْبَرَ النَّبِيَّ صَلَّى اللَّهُ عَلَيْهِ وَسَلَّمَ بِذَلِكَ فَقَالَ إِنَّ صَلَاتَهُ تَنْهَاهُ يَوْمًا فَلَمْ يَلْبَثْ أَنْ تَابَ وَحَسَنَ فَقَالَ أَلَمْ أَقُلْ لَكُمْ إِنَّ صَلَاتَهُ تَنْهَى جُنَيْنَكَ نَبِيَّ كَرِيمٍ এর সাথে দৈনিক পাঁচওয়াক্ত নামায আদায়

^{৯৩৮} ইব্রাহিম ইবনে মুহাম্মদ হালবী (র.) (৯৫৬ হি), শরহে মুনিয়াতুল মুসাল্লী, পৃ-১৬

^{৯৩৯} বুখারী ও মুসলিম, সুত্র: মিশকাত শরীফ, পৃ-৫৮

^{৯৪০} ইব্রাহিম ইবনে মুহাম্মদ হালবী (র.) (৯৫৬ হি), শরহে মুনিয়াতুল মুসাল্লী, পৃ-১৬

^{৯৪১} সূরা আনকারত, আয়াত-৪৫

করতেন কিন্তু সব ধরণের অশ্লীল কাজে লিপ্ত থাকতো। নবী করিম ﷺ কে এ ব্যাপারে অবহিত করা হলে তিনি বলেন, নিশ্চয় তার নামায তাকে একদিন তা থেকে বিরত রাখবে। কিছুদিন পর লোকটি তাওবা করল এবং উত্তম চরিত্রের অধিকারী হলো। অতঃপর নবী করিম ﷺ বললেন, আমি কি তোমাদের বলিনি যে, তার নামায তাকে একদিন তা থেকে বিরত রাখবে? ^{৯৪২}

নামায দ্বারা গুনাহ মাফ হয়

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, الصَّلَوَاتِ الْخَمْسُ وَالْجُمُعَةُ إِلَى الْجُمُعَةِ وَرَمَضَانُ إِلَى رَمَضَانَ مُكَفِّرَاتٌ لِمَا بَيْنَهُنَّ مَا اجْتَنَبَتْ الصَّلَاةُ الْخَمْسُ وَالْجُمُعَةُ إِلَى الْجُمُعَةِ وَرَمَضَانُ إِلَى رَمَضَانَ مُكَفِّرَاتٌ لِمَا بَيْنَهُنَّ مَا اجْتَنَبَتْ الْكِبَائِرُ পাঁচওয়াক্ত নামায, এক জুমা থেকে অপর জুমা এবং এক রমযান থেকে অপর রমযান পর্যন্ত এর মধ্যবর্তী গুনাহসমূহ মোচনকারী, যদি নামাযী কবীরা গুনাহসমূহ থেকে বেঁচে থাকে। ^{৯৪৩}

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন- أَرَأَيْتُمْ لَوْ أَنَّ نَهْرًا بِيَابِ أَحَدِكُمْ يَغْتَسِلُ مِنْهُ كُلَّ يَوْمٍ خَمْسَ مَرَّاتٍ هَلْ يَبْقَى مِنْ ذَنْبِهِ شَيْءٌ قَالُوا لَا يَبْقَى مِنْ ذَنْبِهِ شَيْءٌ قَالَ فَذَلِكَ مَثَلُ الصَّلَوَاتِ الْخَمْسِ يَمْحُو اللَّهُ بِهِنَ الْخَطَايَا যদি তোমাদের কারো দরজার সামনে একটি নদী থাকে আর সে ব্যক্তি প্রতিদিন পাঁচবার নদীতে গোসল করে তবে কি তার শরীরে কোন ময়লা থাকবে? উত্তরে তারা বললেন, না, তার শরীরে কোন ময়লা থাকবে না। তিনি বললেন, পাঁচওয়াক্ত নামাযও অনুরূপ। আল্লাহ তায়ালা নামাযের দ্বারা বান্দার গুনাহ মাফ করে যাবতীয় পাপ মুক্ত করে দেন। ^{৯৪৪}

আল্লাহ তায়ালা এরশাদ করেন, وَأَقِمِ الصَّلَاةَ طَرَفِي النَّهَارِ وَزُلْفًا مِنَ اللَّيْلِ إِنَّ الْحَسَنَاتِ يُذْهِبْنَ السَّيِّئَاتِ নামায কয়েম কর দিনের দুই প্রান্তভাগে এবং রাতের প্রথমাংশে। নিশ্চয় নেক কাজ গুনাহকে দূরীভূত করে দেয়। ^{৯৪৫}

হাদিস শরীফে ইবনে মাসউদ (রা.) থেকে বর্ণিত আছে, তিনি বলেন-

إِنَّ رَجُلًا أَصَابَ مِنْ امْرَأَةٍ قُبْلَةً فَأَتَى النَّبِيَّ ﷺ فَأَخْبَرَهُ فَأَنْزَلَ اللَّهُ عَزَّ وَجَلَّ { طَرَفِي النَّهَارِ وَزُلْفًا مِنَ اللَّيْلِ إِنَّ الْحَسَنَاتِ يُذْهِبْنَ السَّيِّئَاتِ } فَقَالَ الرَّجُلُ يَا رَسُولَ اللَّهِ أَلِي هَذَا قَالَ لِجَمِيعِ أُمَّتِي كُلِّهِمْ وَفِي رَوَايَةٍ لِمَنْ عَمِلَ بِهَا مِنْ أُمَّتِي

৯৪২. আব্দুর রহমান সফূরী (র.) (৮৯৪ হি), নুযহাতুল মাজালিস, খণ্ড-১, পৃ-৮৭

৯৪৩. মুসলিম, সূত্র: মিশকাত শরীফ, পৃ-৫৭

৯৪৪. বুখারী ও মুসলিম, সূত্র: মিশকাত শরীফ, পৃ-৫৭

৯৪৫. সূরা হুদ, আয়াত-১১৪

জনৈক ব্যক্তি এক মহিলাকে চুম্বন করল অতঃপর নবী করিম ﷺ-র নিকট এসে তা ব্যক্ত করল। তখন উপরোক্ত আয়াত অবতীর্ণ হলো। লোকটি বলল, হে আল্লাহর রাসূল! নামাযের দ্বারা গুনাহ মার্ফের এ সুসংবাদ কেবল আমার জন্যে? নবী করিম ﷺ বললেন, আমার সকল উম্মতের জন্য। অন্য বর্ণনায় আছে আমার উম্মতের যারাই এ আমল করবে তাদের সকলের জন্য।^{৯৪৬}

হযরত আবু যর গিফারী (রা.) থেকে বর্ণিত-**أَنَّ النَّبِيَّ صَلَّى اللَّهُ عَلَيْهِ وَسَلَّمَ خَرَجَ زَمَنَ الشَّتَاءِ وَالْوَرَقُ يَتَهَافَتُ فَأَخَذَ بِغُصْنَيْنِ مِنْ شَجَرَةٍ قَالَ فَجَعَلَ ذَلِكَ الْوَرَقُ يَتَهَافَتُ قَالَ فَقَالَ يَا أَبَا ذَرٍّ قُلْتُ لَبَيْكَ يَا رَسُولَ اللَّهِ قَالَ إِنَّ الْعَبْدَ الْمُسْلِمَ لَيُصَلِّ الصَّلَاةَ يُرِيدُ بِهَا وَجْهَ اللَّهِ فَتَهَافَتُ عَنْهُ نَبِيٌّ كَرِيمٌ** একদিন শীতের মৌসুমে বের হলেন। প্রচণ্ড শীতের কারণে বৃক্ষের পাতা ঝরে পড়ছে। বর্ণনাকারী বলেন, তিনি বৃক্ষের দু'টি ডাল ধরে বললেন, হে আবু যর! আমি আরয় করলাম, হে আল্লাহর রাসূল! আমি উপস্থিত। তিনি বললেন, মুসলমান বান্দা আল্লাহর সন্তুষ্টির জন্য যখন নামায পড়ে তখন এই বৃক্ষের পাতা ঝরার ন্যায় বান্দার গুনাহ ঝড়ে পড়ে।^{৯৪৭}

হযরত আনাস (রা.) থেকে বর্ণিত, তিনি বলেন, এক ব্যক্তি এসে বলল, হে আল্লাহর রাসূল! আমি শাস্তিযোগ্য অপরাধ করেছি। আমাকে শরীয়ত মোতাবেক শাস্তি প্রদান করুন। তিনি তাকে কিছু জিজ্ঞাসা করেননি। নামাযের সময় হলে লোকটি রাসূল ﷺ এর সাথে নামায আদায় করল। নামায শেষে লোকটি পুনরায় দাঁড়িয়ে বলল, হে আল্লাহর রাসূল! আমি শাস্তিযোগ্য অপরাধ করেছি। আপনি কিতাবুল্লাহর বিধান মোতাবেক আমাকে শাস্তি দিন। তিনি বললেন-**أَلَيْسَ قَدْ صَلَّيْتَ مَعَنَا** তুমি কি আমাদের সাথে নামায পড়িনি? সে বলল, হ্যাঁ, পড়েছি। রাসূল ﷺ বললেন, নিশ্চয় আল্লাহ তোমার গুনাহ অথবা তোমার শাস্তি ক্ষমা করে দিয়েছেন।^{৯৪৮}

একদিন হযরত ঈসা (আ.) ভ্রমণে বের হলেন এবং আল্লাহর কুদরতী নিদর্শন পর্যবেক্ষণ করতে করতে একটি তীরে গিয়ে পৌঁছেন। সেখানে তিনি একটি সুন্দর পাখি দেখেন যেটি নিজেকে নিজে ময়লা আবর্জনায় নিক্ষিপ্ত করে নাপাক ও দুর্গন্ধযুক্ত হয়ে যেতো আবার নদীতে গিয়ে পরিষ্কার-পরিচ্ছন্ন হয়ে যেতো। এভাবে পাখিটি পাঁচবার

৯৪৬. বুখারী ও মুসলিম, সূত্র: মিশকাত শরীফ, পৃ-৫৮

৯৪৭. মুসনদে আহমদ (র.) সূত্র: মিশকাত শরীফ, পৃ-৫৮

৯৪৮. বুখারী ও মুসলিম, সূত্র: মিশকাত শরীফ, পৃ-৫৮

ময়লাযুক্ত হয়ে পাঁচবার নদীতে গিয়ে পাক-পবিত্র হয়েছে। হযরত ঈসা (আ.)এর রহস্য উদঘাটন করতে অক্ষম হয়ে পড়লে আল্লাহ তায়ালা হযরত জিব্রাইল (আ.)কে প্রেরণ করেন। তিনি ঈসা (আ.)কে সালাম দিয়ে বলেন, হে আল্লাহর নবী! পাখিটির এরূপ করার রহস্য হলো শেষ যামানার নবী মুহাম্মদ ﷺ'র উম্মতের এরূপ অবস্থা হবে। তারা আপাদ-মস্তক গুনাহের আবর্জনায় লিপ্ত হয়ে এই পাখিটির ন্যায় নামায নামের সমুদ্রে ডুব দিয়ে পাঁচবার গোসল করলে যাবতীয় গুনাহ মার্জিত হয়ে পাক-পবিত্র হয়ে যাবে।^{৯৪৯}

হাদিস শরীফে বর্ণিত আছে— **إِنَّ الْعَبْدَ إِذَا قَامَ إِلَى الصَّلَاةِ وَقَالَ اللَّهُ أَكْبَرُ خَرَجَ مِنْ ذُنُوبِهِ** বান্দা যখন নামাযে দাঁড়িয়ে 'আল্লাহু আকবর' বলে নিয়ত বাঁধে তখন সে গুনাহ থেকে এমনভাবে মুক্ত হয়ে যায় যেভাবে মাতৃগর্ভ থেকে আগমনের দিন পাপমুক্ত ছিল।^{৯৫০}

নবী করিম ﷺ থেকে বর্ণিত আছে, তিনি বলেন— **مَنْ صَلَّى رَكَعَتَيْنِ مُقْبِلًا عَلَى اللَّهِ** যে ব্যক্তি আল্লাহ তায়ালা প্রতি মনোযোগের সাথে দু'রাকাত নামায আদায় করবে, সে তার গুনাহসমূহ থেকে সেদিনের মত হয়ে বেরিয়ে আসবে যেদিন তার মাতা তাকে প্রসব করেছিল।^{৯৫১}

ইবনে হিব্বান তাঁর সহীহ গ্রন্থে হযরত আব্দুল্লাহ ইবনে ওমর (রা.) থেকে মারফু হাদিসে বর্ণনা করেন— **إِنَّ الْعَبْدَ إِذَا قَامَ يُصَلِّيَ أَتَى بِذُنُوبِهِ فَوَضَعَتْ عَلَى رَأْسِهِ أَوْ عَاتِقِهِ فَكُلَّمَا** নিশ্চয় বান্দা যখন দাঁড়িয়ে নামায আরম্ভ করে তখন সে তার মাথা কিংবা কাঁধে গুনাহ নিয়ে আগমন করে। সে রুকু-সিজদা করার সময় ঐসব গুনাহ বারে পড়ে ফলে তার কোন গুনাহই অবশিষ্ট থাকেনা।^{৯৫২}

নামায বালা-মুসিবত দূরীভূত করে

হযরত হোয়াইফা (রা.) থেকে বর্ণিত, তিনি বলেন— **كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا** নবী করিম ﷺ কোন বিষয়ে চিন্তিত ও পেরেশান হলে নামায আদায় করতেন।^{৯৫৩} কারণ নামায মু'মিনের জন্য প্রশান্তিস্বরূপ। নামাযী নামাযে দাঁড়ালে

৯৪৯. আব্দুর রহমান সফুরী (র.) (৮৯৪ হি), নুযহাতুল মাজালিস, খণ্ড-১, পৃ-৯০

৯৫০. মাওলানা শরীফ মুহাম্মদ সোলায়মান আল হাছানী, নামাযের হাকীকত, পৃ-৪৭

৯৫১. ফকীহ আবুল লাইস সমরকন্দী (র.) (৩৭৩ হি), তানবীহুল গাফেলীন, বৈরুত, পৃ-১৭৮

৯৫২. আল্লামা শা'রানী (র.) (৯৭৩হি), কাশফুল গুম্মাহ, খণ্ড-১, পৃ-৬৯

৯৫৩. আবু দাউদ, সূত্র: মিশকাত শরীফ, পৃ-১১৭

দুনিয়াবী যাবতীয় চিন্তা মুক্ত হয়ে আল্লাহর প্রতি দৃষ্টি নিবন্ধন করে। যখন চন্দ্র-সূর্য গ্রহণ হতো তখন নবী করিম ﷺ তৎক্ষণাত নামাযে রত হয়ে যেতেন। পূর্ববর্তী আশিয়ায়ে কিরামগণও যেকোন বিপদাপদে নামাযের মাধ্যমে আল্লাহর প্রতি মনযোগী হতেন। ফলে সমস্ত বিপদাপদ থেকে মুক্তিলাভ করতেন।

‘নুহাতুল মাজালিস’ গ্রন্থে বর্ণিত আছে, বনী ইসরাইলের এক মহিলা বড়ই নেককার, পরহেযগার ও নিয়মিত নামাযী ছিলেন। কিন্তু তার স্বামী ছিল বড় কাফির ও যালিম। সে তার স্ত্রীকে নামায থেকে বাঁধা দিত। কিন্তু স্ত্রী নামায ছাড়েন নি। স্বামী পরিশেষে যড়যন্ত্র করল যেন স্ত্রীকে নামায থেকে বিরত রাখা যায়। সে কিছু জিনিস স্ত্রীকে দিয়ে বলল এগুলো ঘরের কোন স্থানে সংরক্ষণ করে রাখ। প্রয়োজন হলে তোমার থেকে চেয়ে নেবো। স্ত্রী জিনিসগুলো নিয়ে নির্দিষ্ট স্থানে রেখে দিলেন। কিছু দিন পর স্বামী জিনিসগুলো স্ত্রীর অগোচরে নিয়ে সমুদ্রে নিক্ষেপ করল। ওদিকে আল্লাহ তায়ালা তার অসৎ উদ্দেশ্য সম্পর্কে জ্ঞাত আছেন এবং তিনি তাঁর বান্দাকে কিভাবে সাহায্য করেন দেখুন। ঐ জিনিসটি সমুদ্রে একটি মাছে খেয়ে ফেলে। এক জেলের জালে মাছটি ধরা পড়লে সে বিক্রির জন্য বাজারে নিয়ে যায়। ঘটনাক্রমে ঐ মাছটি সেই মহিলার স্বামী ক্রয় করে এনে স্ত্রীকে রান্না করার জন্য দিল। স্ত্রী স্বামীর রাখা আমানতের জিনিস মাছের পেটে পেলেন এবং অবাক হয়ে গেলেন। অতঃপর জিনিসটি পূর্বের নির্ধারিত স্থানে সযত্নে রেখে দেন। স্বামী তার পূর্ব পরিকল্পনা অনুযায়ী স্ত্রীর কাছে জিনিসটি চাইলে স্ত্রী সেটি এনে স্বামীকে দিলেন। এতে স্বামী আশ্চর্য হলো যে, এটি তো আমি সমুদ্রে নিক্ষেপ করেছিলাম। এটি আবার এখানে আসল কিভাবে? অত্যাচারী স্বামী ভাবল যে, নিশ্চয় এখানে স্ত্রীর কোন কারসাজি রয়েছে। সে উপদেশ গ্রহণের পরিবর্তে অত্যাচার আরো বাড়িয়ে দিল। স্ত্রীকে জলন্ত আগুনে নিক্ষেপ করল যাতে পুরে ছাই হয়ে যায়। আগুনে নিক্ষেপ হওয়ার সময় স্ত্রী আল্লাহর নিকট ফরিয়াদ করল, হে আল্লাহ! আমি সর্বদা নামায আদায় করেছি। নামাযের সাদকায় আজ আমাকে রক্ষা কর। আল্লাহ তার দোয়া কবুল করেছেন জ্বলন্ত আগুনের অঙ্গারকে আল্লাহ তায়ালা শীতল করে দেন।^{৯৫৪}

কিয়ামত দিবসে সবাত্রে নামাযের হিসাব নেয়া হবে

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন— **إِنَّ أَوَّلَ مَا يُحَاسَبُ بِهِ الْعَبْدُ يَوْمَ الْقِيَامَةِ مِنْ عَمَلِهِ صَلَاتُهُ، فَإِنْ صَلَحَتْ فَقَدْ أَفْلَحَ وَأَنْجَحَ، وَإِنْ فَسَدَتْ فَقَدْ خَابَ وَخَسِرَ، فَإِنْ انْتَقَصَ مِنْ فَرِيضَتِهِ شَيْءٌ، قَالَ الرَّبُّ عَزَّ وَجَلَّ: انْظُرُوا هَلْ**

لَعْبَدِي مَنْ تَطَوَّعَ فَيَكْمُلَ بِهَا مَا انْقَصَ مِنَ الْفَرِيضَةِ، ثُمَّ يَكُونُ سَائِرُ عَمَلِهِ عَلَى هَذَا رَوَاهُ التِّرْمِذِيُّ
কিয়ামতের দিন বান্দার আমলের মধ্যে সর্বপ্রথম হিসাব গ্রহণ করা
হবে নামাযের। যদি এটি নির্ভুল ও সঠিক পাওয়া যায় তাহলে সে সফলকাম হবে আর
যদি এটিতে গলদ পাওয়া যায় তাহলে সে ক্ষতিগ্রস্ত হবে এবং ধ্বংস হয়ে যাবে। যদি
তার ফরযের মধ্যে কমতি থাকে তাহলে মহান আল্লাহ বলবেন, দেখ আমার বান্দার কোন
নফল আছে কিনা? এর সাহায্যে তার ফরযের কমতি পূরণ করে দাও। তারপর সমস্ত
আমলের হিসাব এভাবেই হবে। ইমাম তিরমিযী (র.) হাদিসটি বর্ণনা করেছেন এবং
এটিকে হাসান বলেছেন।^{৯৫৫}

নামায মু'মিনের জন্য মি'রাজ

বান্দা যখন তাকবীরে তাহরীমা দ্বারা দুনিয়াবী কাজ থেকে কান ধরে বিরত হয়ে
একগ্রহিণ্ডে নামাযে দাঁড়িয়ে যায় তখন সে আল্লাহর সামনে দাঁড়ায়। তার সূরা ফাতিহা ও
কিরাত পড়া হলো আল্লাহর সাথে কথপোকথন, সে সিজদা করে আল্লাহর কুদরতী
কদমে, যেমন হাদিস শরীফে আছে— اِنَّ السَّاجِدَ يَسْجُدُ فِي قَدَمَي الرَّحْمَنِ নিশ্চয় সিজদা
কারী আল্লাহর কুদরতী কদম মোবারকেই সিজদা করে।^{৯৫৬} এ কারণে নবী করিম ﷺ
বলেছেন— اَلصَّلَاةُ مِعْرَاجُ الْمُؤْمِنِ নামায মু'মিনের মি'রাজ।^{৯৫৭} এজন্য নামাযে অত্যন্ত
খুশ-খুশ, পাক-পবিত্র ও পরিষ্কার-পরিচ্ছন্ন পোশাক পরিধান করতে হয়।

হযরত আবু হোরাযরা (রা.) থেকে বর্ণিত, নবী করিম ﷺ এরশাদ করেন— اِنَّ الْعَبْدَ
اِذَا قَامَ اِلَى الصَّلَاةِ فَاتَّمَا هُوَا بَيْنَ يَدَيِ الرَّحْمَنِ فَاِذَا اُلْتَفَتْ يَقُوْلُ اللهُ عَزَّوَجَلَّ اِلَى مَنْ تَلْتَفَتَ اِلَى خَيْرٍ
বান্দা যখন নামাযে দাঁড়ায় তখন সে মূলত
আল্লাহ তায়ালাকে একেবারে সম্মুখে দাঁড়ায়। অতএব মুসল্লি যখন নামাযে আল্লাহর ধ্যান
বাদ দিয়ে অন্য কোন দিকে মনযোগী হয়ে পড়ে তখন আল্লাহ তায়ালা তাকে লক্ষ্য করে
বলতে থাকেন— তুমি কি আমার চেয়ে উত্তম কিছু দিকে মনযোগী হচ্ছ? হে আদম সন্ত
ন! তুমি আমারই দিকে মনযোগী হও। কারণ তুমি যেদিকে মনযোগী হচ্ছ আমি তার
চেয়ে অধিক উত্তম।^{৯৫৮}

৯৫৫. আল্লামা ইমাম নববী (র.) (৬৭৬ হি), রিয়াদুস সালাহীন, পৃ-৪৩৩, হাদিস নং-১০৮১, বৈরুত

৯৫৬. আল্লামা জালাল উদ্দিন সুয়ুতী (র.) (৯১১ হি), জামেউস সগীর

৯৫৭. তাফসীরে রুহুর বয়ান, খণ্ড-৬, পৃ-৪৫, তাফসীরে নিশাপুরী, খণ্ড-১, পৃ-৫৩, তাফসীরে হক্কী, খণ্ড-
৮, পৃ-৪৫৩

৯৫৮. মাওলানা শরীফ মুহাম্মদ সোলায়মান আল হাছানী, নামাযের হাকীকত, পৃ-৩৩

হযরত আবু উমামা (রা.) থেকে বর্ণিত আছে, রাসূল ﷺ এরশাদ করেন— اَلْعَبْدُ اِذَا بَانَدا يَخَنُ يَثَنُ اِلَى الصَّلَاةِ فُتِحَتْ لَهُ اَبْوَابُ السَّمَاءِ وَكُشِفَتْ لَهُ الْحُجُبُ بَيْنَهُ وَبَيْنَ رَبِّهِ تَعَالٰى নামাযে দাঁড়ায় তখন তার জন্য আসমানের দরজাসমূহ খুলে দেয়া হয় এবং ঐ নামাযী বান্দা ও আল্লাহর মধ্যকার পর্দা তুলে নেয়া হয়। (ফলে বান্দা অন্তর চোখে আল্লাহর নূরানী দর্শনে বিভোর হয়ে পড়ে)।^{৯৫৯}

নবী করিম ﷺ এরশাদ করেন— اِذَا قَامَ اَحَدُكُمْ اِلَى الصَّلَاةِ فَلَا يَصُصُقْ اَمَامَهُ فَاَيُّمَا يَنَاجِي اللّٰهَ مَا دَامَ فِيْ مُصَلَّاهُ তোমাদের কেউ যখন নামায পড়তে দাঁড়ায় তখন সে যেন সামনের দিকে থুথু না ফেলে কেননা যতক্ষণ সে তার মুসাল্লায় থাকে ততক্ষণ সে আল্লাহর সাথে মুনাযাত তথা গোপন কথায় লিপ্ত থাকে।^{৯৬০}

নামায বেহেস্তের চাবিকাঠি

হযরত জাবির (রা.) থেকে বর্ণিত, নবী করিম ﷺ এরশাদ করেন— مِفْتَاحُ الْجَنَّةِ الصَّلَاةُ জান্নাতের চাবি হল নামায।^{৯৬১}

নামায নামাযীর জন্য নূর, দলীল ও নাজাত

হযরত আব্দুল্লাহ ইবনে আমর (রা.) থেকে বর্ণিত, নবী করিম ﷺ এরশাদ করেন— هُوَ مَنْ حَافِظٌ عَلَيْهَا كَانَتْ لَهُ نُورًا، وَنُورُهَا، وَنَجَاةٌ يَوْمَ الْقِيَامَةِ যে ব্যক্তি যথাযথভাবে নামায আদায় করবে তার জন্য নামায কবর, হাশর ও পুলসিরাতে নূর বা জ্যোতি হবে (হিসাবের সময়) তার পক্ষে দলীল হবে এবং কিয়ামত দিবসে নামায তার জন্য মুক্তির সনদ হবে।^{৯৬২}

নামাযের ফযিলতের উপর কেবল আহলে বাইতে রাসূল ﷺ কর্তৃক বর্ণিত একটি হাদিস আছে, যার সূত্র হলো হযরত ইমাম জাফর সাদেক (র.) তাঁর পিতা হযরত ইমাম বাকের (র.) থেকে, তিনি তাঁর পিতা হযরত জয়নুল আবেদীন (র.) থেকে, তিনি তাঁর পিতা হযরত ইমাম হোসাইন (রা.) থেকে, তিনি তাঁর পিতা হযরত আলী (রা.) থেকে, তিনি নবী করিম ﷺ থেকে বর্ণনা করেন, তিনি বলেন, اَلصَّلَاةُ مَرْصَادٌ لِلرَّبِّ تَبَارَكَ وَتَعَالٰى وَحُبُّ الْمَلَائِكَةِ وَسُنَّةُ الْاَنْبِيَاءِ وَنُورُ الْمَعْرِفَةِ وَاصْلُ الْاِيْمَانِ وَاجَابَةُ الدُّعَاءِ وَقَبُولُ الْاَعْمَالِ وَبَرَكَةٌ فِي الرِّزْقِ وَسَلَاخٌ عَلَى الْاَعْدَاءِ وَلِلشَّيْطَانِ وَشَفِيعٌ بَيْنَ صَاحِبِهَا وَبَيْنَ مَلِكِ الْمَوْتِ وَنُورٌ فِي قَلْبِهِ وَفِرَاشٌ تَحْتَ جَنَّتِهِ وَجَوَابٌ مُّتَكْرِرٌ وَتَكْوِيْنٌ فِي قَبْرِهِ اِلَى يَوْمِ الْقِيَامَةِ فَاِذَا كَانَتْ الْقِيَامَةُ كَانَتْ الصَّلَاةُ

^{৯৫৯} প্রাগুক্ত, পৃ-৩২

^{৯৬০} বুখারী ও মুসলিম, সূত্র: মিশকাত শরীফ, পৃ-৬৯

^{৯৬১} ইমাম আহমদ ইবনে হাম্বল (র.) (২৪১ হি), মুসনাদে আহমদ

^{৯৬২} ইমাম আহমদ ইবনে হাম্বল (র.) (২৪১ হি), মুসনাদে আহমদ, সূত্র: মিশকাত শরীফ, পৃ-৫৮

ظَلًّا فَوْقَهُ وَتَاجًا عَلَى رَأْسِهِ وَلِبَاسًا عَلَى بَدَنِهِ وَتَوَرًّا يَسْعَى بَيْنَ يَدَيْهِ وَسِتْرًا بَيْنَهُ وَبَيْنَ النَّارِ وَحِجَّةً لِلْمُؤْمِنِينَ بَيْنَ يَدَيِ رَبِّ الْعَالَمِينَ وَثَقْلًا فِي الْمِيزَانِ وَجَوَازًا عَلَى الصِّرَاطِ وَمِفْتَاحًا لِلْجَنَّةِ لِأَنَّ الصَّلَاةَ نَامَايَ أَهْلِ الْإِسْلَامِ تَحْمِيدٌ وَتَسْبِيحٌ وَتَقْدِيسٌ وَتَعْظِيمٌ وَقِرَاءَةٌ وَدُعَاءٌ وَتَجِيدٌ

উপকরণ, ফেরেশতাদের প্রিয়ভাজন হওয়ার মাধ্যম, নবীগণের সুলভ, আল্লাহর পরিচয় লাভের আলোকবর্তিকা, ঈমানের মূল, দোয়া কবুল হওয়ার উত্তম উসীলা, আমল কবুল হওয়ার উসীলা, রিযিকে বরকত হয়, শত্রু ও শয়তানের বিরুদ্ধে বড় হাতিয়ার, মৃত্যু সহজ করার জন্য আজরাঈল (আ.)কে সুপারিশকারী হবে, অন্তরে নূর হবে, জান্নাতে বিছানা হবে, কবরে মুনকার-নাকীরের প্রশ্নের উত্তর হবে, কিয়ামত পর্যন্ত কবরে বন্ধু হবে, কিয়ামত দিবসে মুসল্লীর মাথার উপর ছায়া হবে, মুসল্লীর মাথার তাজ হবে, নামাযীর শরীরের পোশাক হবে, নামায আলোর মশালস্বরূপ নামাযী আগে আগে চলতে থাকবে, নামাযী ও জাহান্নামের মাঝখানে আড়াল হবে, আল্লাহর সামনে দলীলস্বরূপ উপস্থিত হবে, মীযানে ভারী হবে, পুলসিরাত পার হওয়ার ছাড়পত্র হবে এবং জান্নাতের চাবিকাঠি হবে। কেননা নামায হলো (আল্লাহর) প্রশংসা করা, তাসবীহ পড়া, পবিত্রতা বর্ণনা করা, সম্মান প্রদর্শন করা, কিরাত পড়া, দোয়া করা এবং মাহাত্ম্য প্রকাশ করা।^{১৬৩}

مَنْ حَافَظَ عَلَى الصَّلَاةِ أَكْرَمَهُ اللَّهُ بِخَمْسِ خِصَالٍ يُرْفَعُ عَنْهُ ضِيقُ الْمَوْتِ وَعَذَابُ الْقَبْرِ وَيُعْطِيهِ يَمِينَهُ وَيَمُرُّ عَلَى الصِّرَاطِ كَالْبَرْقِ وَيَدْخُلُ الْجَنَّةَ بِغَيْرِ حِسَابٍ

যে ব্যক্তি (পাঁচওয়াক্ত) নামায আদায়ে যত্ববান হয়, আল্লাহ তাকে পাঁচটি নিয়ামত প্রদান করেন। ১. মৃত্যুর কঠিন যন্ত্রণা লাঘব করা হয়। ২. কবর আযাব তুলে নেয়া হয়। ৩. আমলনামা ডান হাতে প্রদান করা হবে। ৪. বিদ্যুৎগতিতে পুলসিরাত অতিক্রম করবে এবং ৫. বিনা হিসাবে জান্নাতে প্রবেশ করবে।^{১৬৪}

ফজর ও আসর নামাযের ফযিলত

হযরত আবু মূসা (রা.) থেকে বর্ণিত, রাসূল ﷺ এরশাদ করেন— مَنْ صَلَّى الْبُرْدَيْنِ

যে ব্যক্তি দু'টি ঠাণ্ডা সময়ে তথা ফজর ও আসর নামায পড়ে সে জান্নাতে প্রবেশ করবে।^{১৬৫}

হযরত আবু যুহাইর উমারা ইবনে রুওয়াইবা (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি— لَنْ يَلِجَ النَّارَ أَحَدٌ صَلَّى قَبْلَ طُلُوعِ الشَّمْسِ وَقَبْلَ غُرُوبِهَا يَعْنِي

১৬৩. মাওলানা শরীফ মুহাম্মদ সোলায়মান আল হাছানী, নামাযের হাকীকত, পৃ-৩৭ ও ফকীহ আবুল লাইস সমরকন্দী (র.) (৩৭৩ হি), তানবীহুল গাফেলীন, আরবী, বৈরুত, পৃ-১৭৬

১৬৪. আল্লামা ইবনে হাজার আসকালানী (র.) (৮৫২ হি.), আল মুনাঈহাত

১৬৫. বুখারী ও মুসলিম, সূত্র: ইমাম নববী (র.) (৬৭৬ হি), রিয়াদুস সালেহীন, পৃ-৪২৪, হাদিস নং-১০৪৭

الْفَجْرَ وَالْعَصْرَ যে ব্যক্তি সূর্যোদয়ের পূর্বে (ফজর) ও সূর্যাস্তের পূর্বে (আসর) নামায পড়ে সে কখনো জাহান্নামে প্রবেশ করবেনা। অর্থাৎ ফজর ও আসর।^{৯৬৬}

হযরত বুরাইদা (রা.) থেকে বর্ণিত, তিনি বলেন, রাসূল ﷺ এরশাদ করেন- مَنْ تَرَكَ صَلَاةَ الْعَصْرِ فَقَدْ حَبَطَ عَمَلُهُ যে ব্যক্তি আসরের নামায ত্যাগ করল তার আমল বাজেয়াপ্ত হয়ে গেল।^{৯৬৭}

নামাযের জন্য মসজিদে যাওয়ার ফযিলত

হযরত আবু হোরাযরা (রা.) থেকে বর্ণিত, নবী করিম ﷺ এরশাদ করেন,

مَنْ غَدَا إِلَى الْمَسْجِدِ وَرَاحَ أَعَدَّ اللَّهُ لَهُ نَزْلَهُ مِنَ الْجَنَّةِ كُلَّمَا غَدَا أَوْ رَاحَ

যে ব্যক্তি সকালে বা সন্ধ্যায় মসজিদে যায়, আল্লাহ তার জন্য বেহেস্তে মেহমানদারীর আয়োজন করেন। যতবার সে সকালে বা সন্ধ্যায় যায় ততবারই।^{৯৬৮}

হযরত আবু হোরাযরা (রা.) থেকে বর্ণিত, নবী করিম ﷺ এরশাদ করেন- مَنْ تَطَهَّرَ فِي بَيْتِهِ ثُمَّ مَشَى إِلَى بَيْتٍ مِنْ بُيُوتِ اللَّهِ لِيَقْضِيَ فَرِيضَةً مِنْ فَرَائِضِ اللَّهِ كَانَتْ خَطْوَتَاهُ إِحْدَاهُمَا فِي بَيْتِهِ ثُمَّ مَشَى إِلَى بَيْتٍ مِنْ بُيُوتِ اللَّهِ لِيَقْضِيَ فَرِيضَةً مِنْ فَرَائِضِ اللَّهِ كَانَتْ خَطْوَتَاهُ إِحْدَاهُمَا تَحُطُّ خَطِيئَةً وَالْأُخْرَى تَرْفَعُ دَرَجَةً যে ব্যক্তি নিজের ঘর থেকে পবিত্রতা অর্জন করে আল্লাহর কোন একটি ঘরের দিকে যায় আল্লাহর ফরযসমূহ থেকে কোন একটি ফরয আদায় করার জন্য, তখন তার এক পদক্ষেপে একটি গুনাহ মাফ হয় এবং অপর পদক্ষেপে তার এক ধাপ মর্যাদা বৃদ্ধি হয়।^{৯৬৯}

হযরত জাবির (রা.) থেকে বর্ণিত, তিনি বলেন, মসজিদে নববীর চারপাশে কিছু খালি জায়গা ছিল। বণি সালেমা গোত্র (সেই জমি কিনে) মসজিদের কাছে স্থানান্তরিত হতে চাইল। এ সংবাদ নবী করিম ﷺ এর কাছে পৌঁছলে তিনি তাদের বললেন- আমরা জানতে পারলাম, তোমরা নাকি মসজিদের সন্নিহনে স্থানান্তরিত হতে চাও। তারা বলল, হ্যাঁ, হে আল্লাহর রাসূল! আমরা এরকম ইচ্ছে করছি। তিনি বললেন, يَا بَنِي سَلَمَةَ، دِيَارُكُمْ تُكْتَبُ أَثَرُكُمْ دِيَارُكُمْ تُكْتَبُ أَثَرُكُمْ হে বনী সালেমা! তোমরা তোমাদের নিজেদের বর্তমানে স্থানেই অবস্থান কর। তোমাদের মসজিদে আসা-যাওয়ার পদক্ষেপগুলো লিখিত হচ্ছে। এ কথা শুনে তারা বলল, তাহলে আমাদের স্থানান্তরিত হওয়ায় মধ্যে আমাদের

৯৬৬. মুসলিম, সূত্র: ইমাম নববী (র.) (৬৭৬ হি), রিয়াদুস সালাহীন, পৃ-৪২৪, হাদিস নং-১০৪৮

৯৬৭. বুখারী, সূত্র: প্রাগুক্ত, পৃ-৪২৫, হাদিস নং-১০৫২

৯৬৮. বুখারী ও মুসলিম, সূত্র: ইমাম নববী (র.) (৬৭৬ হি), রিয়াদুস সালাহীন, পৃ-৪২৬, হাদিস নং-১০৫৩

৯৬৯. মুসলিম, সূত্র: প্রাগুক্ত, হাদিস নং-১০৫৪

কি-ইবা আনন্দিত করতে পারে?^{৯০} উক্ত হাদিস শরীফ দ্বারা প্রতীয়মান হয় যে, নামাযের জন্য মসজিদে যাওয়া-আসার প্রতি কদমে সাওয়াব লিখা হয়। যত দূর থেকে মসজিদে আসবে তত বেশী সাওয়াব প্রাপ্ত হবে।

হযরত আবু মূসা (রা.) থেকে বর্ণিত, তিনি বলেন, রাসূল ﷺ এরশাদ করেন- **إِنَّ أَكْثَرَ النَّاسِ أَجْرًا فِي الصَّلَاةِ أَبْعَدُهُمْ إِلَيْهَا مَمَشَى فَأَبْعَدُهُمُ وَالَّذِي يَنْتَظِرُ الصَّلَاةَ حَتَّى يُصَلِّيَهَا مَعَ أَكْثَرِ النَّاسِ أَجْرًا فِي الصَّلَاةِ أَبْعَدُهُمْ إِلَيْهَا مَمَشَى فَأَبْعَدُهُمُ** নিশ্চয় নামাযের জন্য সবচেয়ে বেশী প্রতিদান পাবে সেই ব্যক্তি, যে সবচেয়ে বেশী দূর থেকে হেঁটে নামাযে আসে। অতঃপর যে আরো বেশী দূর থেকে আসবে, সে আরো বেশী প্রতিদান পাবে। আর যে ব্যক্তি ইমামের সাথে (জামাআতে) নামায পড়ার জন্য অপেক্ষা করতে থাকে, সে ঐ ব্যক্তির চেয়ে বেশী প্রতিদান পায়, যে একাকী নামায পড়ে অতঃপর ঘুমিয়ে পড়ে।^{৯১}

হযরত বুরাইদা (রা.) নবী করিম ﷺ থেকে বর্ণনা করেন, তিনি বলেন, **بَشَّرَ أَكْثَرُ النَّاسِ الْمَشَائِينَ فِي الظُّلَمِ إِلَى الْمَسَاجِدِ بِالْثَّوْرِ النَّامِ يَوْمَ الْقِيَامَةِ** অধিকাংশের পক্ষে হেঁটে মসজিদে আগমনকারীগণকে কিয়ামত দিবসের পরিপূর্ণ আলোর সুসংবাদ দাও।^{৯২}

হযরত আবু হোরাযরা (রা.) থেকে বর্ণিত, রাসূল ﷺ এরশাদ করেন- আমি কি তোমাদেরকে এমন বিষয় জানাব না, যার মাধ্যমে আল্লাহ গুনাহসমূহ মুছে দেন এবং মর্যাদা বৃদ্ধি করেন? সাহাবায়ে কিরামগণ বললেন, হ্যাঁ, হে আল্লাহর রাসূল! তিনি বললেন- **إِسْبَاغُ الْوُضُوءِ عَلَى الْمَكَارِهِ وَكَثْرَةُ الْخُطَا إِلَى الْمَسَاجِدِ وَاتِّظَارُ الصَّلَاةِ بَعْدَ الصَّلَاةِ** অসুবিধাজনক অবস্থায় পরিপূর্ণ উষু করা, মসজিদের দিকে বেশী পদক্ষেপ করা এবং এক নামাযের পর পরবর্তী নামাযের জন্য অপেক্ষা করা এটিই হচ্ছে তোমাদের সীমান্ত প্রহরা, এটিই হচ্ছে তোমাদের সীমান্ত প্রহরা।^{৯৩}

হযরত আবু সাঈদ খুদুরী (রা.) নবী করিম ﷺ থেকে বর্ণনা করেন, তিনি বলেন- **إِذَا رَأَيْتُمُ الرَّجُلَ يَعْتَاذُ الْمَسْجِدَ فَاشْهَدُوا لَهُ بِالْإِيمَانِ قَالَ اللَّهُ تَعَالَى { إِنَّمَا يَغْمُرُ مَسَاجِدَ اللَّهِ مَنْ آمَنَ }** যখন তোমরা কোন লোককে মসজিদে যাতায়াতে অভ্যস্ত দেখ তখন তার ঈমানদারীর সাক্ষ্য দাও। কেননা আল্লাহ তায়ালা বলেন- কেবল তারাই আল্লাহর মসজিদসমূহ আবাদ করে, যারা আল্লাহর উপর এবং শেষদিনের উপর ঈমান এনেছে।^{৯৪}

^{৯০}. প্রাগুক্ত, হাদিস নং-১০৫৬

^{৯১}. বুখারী ও মুসলিম, সূত্র: প্রাগুক্ত, পৃ-৪২৭, হাদিস নং-১০৫৭

^{৯২}. আবু দাউদ ও তিরমিযী, সূত্র: প্রাগুক্ত, হাদিস নং-১০৫৮

^{৯৩}. মুসলিম, সূত্র: প্রাগুক্ত, হাদিস নং-১০৫৯

^{৯৪}. সূরা তাওবা, আয়াত-১৮, ইমাম তিরমিযী হাদিসটিকে হাসান বলেছেন। (তিরমিযী, সূত্র: প্রাগুক্ত, হাদিস নং-১০৬০)

নামাযের জন্য অপেক্ষা করার ফযিলত

হযরত আবু হোরায়ারা (রা.) থেকে বর্ণিত, রাসূল ﷺ এরশাদ করেন—**إِنَّ الْمَلَائِكَةَ تُصَلِّي عَلَى أَحَدِكُمْ مَا دَامَ فِي مُصَلَّاهُ الَّذِي صَلَّى فِيهِ مَا لَمْ يُخْذِثْ تَقُولُ اللَّهُمَّ اغْفِرْ لَهُ اللَّهُمَّ ارْحَمْهُ** তোমাদের কোন ব্যক্তি নামায পড়ার পর নিজের জায়নামাযে (পরবর্তী নামাযের জন্য) বসে থাকে তার উযু না ভাঙ্গা পর্যন্ত ফেরেশ্তারা তার জন্য দোয়া করতে থাকে। ফেরেশ্তারা বলেন, হে আল্লাহ! তাকে ক্ষমা করে দিন, হে আল্লাহ! তাকে দয়া করুন।^{৯৭৫}

হযরত আনাস (রা.) থেকে বর্ণিত, এক রাতে রাসূল ﷺ এশার নামায মধ্যরাত পর্যন্ত বিলম্ব করে পড়লেন। নামাযের পর তিনি আমাদের দিকে মুখ ফিরিয়ে বললেন—**سَلَّى النَّاسُ وَرَقَدُوا وَلَمْ تَزَالُوا فِي صَلَاةٍ مُنْذُ انْتَضَرْتُمُوهَا** সকল লোক নামায পড়ার পর ঘুমিয়ে পড়েছে কিন্তু তোমরা যখন থেকে নামাযের অপেক্ষায় আছ তখন থেকে নামাযের মধ্যেই আছ। অর্থাৎ নামাযের জন্য অপেক্ষা করা নামায আদায়ের সমান সওয়াব।^{৯৭৬}

জামাআতে নামায পড়ার ফযিলত

জামাআতের সাথে নামায আদায় করা সুন্নাতে মুয়াক্কাদা এবং ওয়াজিবের কাছাকাছি। পবিত্র কুরআনে নামাযের ব্যাপারে **وَأَقِيمُوا الصَّلَاةَ** তথা নামায কায়েম কর বলেছেন। এর উদ্দেশ্য হলো সম্মিলিতভাবে জামাআতের সাথে নামায প্রতিষ্ঠা কর। আল্লাহ তায়ালা আরো বলেন—**وَارْكَعُوا مَعَ الرَّاكِعِينَ** তোমরা রুকুকারীদের তথা নামাযীদের সাথে নামায আদায় কর।^{৯৭৭}

হযরত ইবনে ওমর (রা.) থেকে বর্ণিত, রাসূল ﷺ এরশাদ করেন—**صَلَاةُ الْجَمَاعَةِ أَفْضَلُ مِنْ صَلَاةِ الْفَذِّ بِسَبْعٍ وَعِشْرِينَ دَرَجَةً** জামাআতের সাথে নামায পড়া একাকী নামায পড়ার চেয়ে সাতাশগুণ বেশী মর্যাদাপূর্ণ।^{৯৭৮}

হযরত আবু হোরায়ারা (রা.) থেকে বর্ণিত, তিনি বলেন, জনৈক অন্ধ ব্যক্তি নবী ﷺ এর কাছে এসে বলল, হে আল্লাহর রাসূল! আমার এমন কোন লোক নেই যে আমাকে মসজিদে আনা-নেয়া করতে পারে। সে রাসূল ﷺ'র কাছে আবেদন করল যেন মসজিদে না এসে ঘরে নামায পড়তে পারে। তিনি তাকে অনুমতি দিলেন। যখন লোকটি

^{৯৭৫}. বুখারী, সূত্র: ইমাম নববী (র.), (৬৭৬ হি), রিয়াদুস সালাহীন, বৈরুত, পৃ-৪২৮, হাদিস নং-১০৬২

^{৯৭৬}. বুখারী, সূত্র: প্রাগুক্ত, হাদিস নং-১০৬৩

^{৯৭৭}. সূরা বাকারা, আয়াত-৪২

^{৯৭৮}. বুখারী ও মুসলিম, সূত্র: ইমাম নববী (র.), (৬৭৬ হি), রিয়াদুস সালাহীন, বৈরুত, পৃ-৪২৮, হাদিস নং-১০৬৪ ও মিশকাত শরীফ, পৃ-৯৫

চলে যাচ্ছিল তখন তিনি তাকে জিজ্ঞাসা করলেন, তুমি কি আযান শুনতে পাও? সে বলল, হ্যাঁ। তিনি বললেন, তাহলে তুমি সাড়া দাও। অর্থাৎ জামাআতের সাথে নামায পড়ার জন্য মসজিদে চলে এসো।^{৯৭৯}

হযরত আব্দুল্লাহ ইবনে উম্মে মাকতুম মুয়াযযিন (রা.) থেকে বর্ণিত, তিনি বলেন, হে আল্লাহর রাসূল! মদীনায় বিষাক্ত প্রাণী ও হিংস্র পশুর যথেষ্ট উৎপাত দেখা যাচ্ছে। (ফলে মসজিদে না আসার কোন সুযোগ আছে কিনা?) রাসূল ﷺ বললেন, তুমি যখন হাইয়া আলাস সালাহ, হাইয়া আলাল ফালাহ শুনবে তখন নামাযের জন্য চলে আসবে।^{৯৮০} উক্ত হাদিসদ্বয়ে নবী করিম ﷺ অন্ধ সাহাবীকেও মসজিদে না আসার অনুমতি দেননি এবং পথঘাট নিরাপদ হলেও মসজিদে এসে জামাআতে নামায পড়ার তাগীদ দিয়েছেন।

হযরত আবু দারদা (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি— যে গ্রাম বা জনবসতিতে তিনজন লোকও অবস্থান করে, অথচ তারা জামাআতে নামায প্রতিষ্ঠা করে না, তাদের উপর শয়তান সওয়ার হয়ে যায়। সুতরাং জামাআতে নামায পড়া তোমাদের জন্য আবশ্যিক। কেননা দলছুট বকরীকেই বাঘে ধরে খায়।^{৯৮১}

হযরত ওসমান ইবনে আফফান (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি— مَنْ صَلَّى الْعِشَاءَ فِي جَمَاعَةٍ فَكَأَنَّمَا قَامَ نِصْفَ اللَّيْلِ وَمَنْ صَلَّى الصُّبْحَ فِي جَمَاعَةٍ فَكَأَنَّمَا صَلَّى اللَّيْلَ كُلَّهُ যে ব্যক্তি এশার নামায জামাআতের সাথে পড়ল সে যেন অর্ধরাত অবধি নামায পড়ল। আর যে ব্যক্তি ফজরের নামায জামাআতে পড়ল সে যেন সারা রাত নামায পড়ল।^{৯৮২}

হযরত আবু হোরাইরা (রা.) থেকে বর্ণিত, রাসূল ﷺ এরশাদ করেন— وَلَوْ يَغْلُمُونَ مَا فِي الْعَتَمَةِ وَالصُّبْحِ لَأَتَوْهُمَا وَلَوْ حَبَوًّا যদি তারা এশা ও ফজরের নামাযের মধ্যে কী ফযিলত আছে তা জানত, তাহলে তারা হামাগুড়ি দিয়ে হলেও এ দু'টি নামাযের জামাআতে शामिल হত।^{৯৮৩}

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন— مَنْ صَلَّى لِلَّهِ أَرْبَعِينَ يَوْمًا فِي جَمَاعَةٍ يُدْرِكُ التَّكْبِيرَ الْأَوَّلَى كُتِبَتْ لَهُ بَرَاءَتَانِ بَرَاءَةٌ مِنَ النَّارِ وَبَرَاءَةٌ مِنْ النَّفَاقِ যে ব্যক্তি আল্লাহর সন্তুষ্টির উদ্দেশ্যে চল্লিশ দিন যাবৎ জামাআত সহকারে প্রথম

৯৭৯. মুসলিম, সূত্র: রিয়াদুস সালেহীন, পৃ-৪২৯, হাদিস নং-১০৬৬ ও মিশকাত শরীফ, পৃ-৯৫
 ৯৮০. আবু দাউদ, সূত্র: মিশকাত শরীফ, পৃ-৯৭ ও রিয়াদুস সালেহীন, পৃ-৪২৯, হাদিস নং-১০৬৭
 ৯৮১. আবু দাউদ ও নাসাঈ, সূত্র: রিয়াদুস সালেহীন, পৃ-৪৩০, হাদিস নং-১০৭০ ও মিশকাত শরীফ, পৃ-৯৬
 ৯৮২. মুসলিম ও তিরমিযী, সূত্র: রিয়াদুস সালেহীন, পৃ-৪৩১, হাদিস নং-১০৭
 ৯৮৩. বুখারী ও মুসলিম, সূত্র: রিয়াদুস সালেহীন, পৃ-৪৩১, হাদিস নং-১০৭২

তাকবীরের সাথে নামায পড়বে, তার জন্য দু'টি মুক্তি লেখা হবে। এক. জাহান্নাম থেকে মুক্তি এবং দুই. মুনাফেকী থেকে মুক্তি।^{৯৮৪}

হযরত আবু বকর ইবনে সুলায়মান (রা.) থেকে বর্ণিত, একদিন হযরত ওমর (রা.) ফজরের জামাআতে সুলায়মান ইবনে আবু হুসামাহ (রা.)কে দেখেন নি। ওমর (রা.) সকালে বাজারের দিকে যাচ্ছিলেন। আর সুলায়মান (রা.)'র ঘর ছিল মসজিদ ও বাজারের মধ্যবর্তী স্থানে। হযরত ওমর (রা.) সুলায়মান (রা.)'র মাতার সাথে সাক্ষাত করেন এবং তার ছেলে সকালে ফজরের নামাযের জন্য মসজিদে না যাওয়ার কারণ জানতে চাইলেন। মাতা বলল, সে সারারাত ইবাদতে মশগুল ছিল। সকালে প্রচণ্ড ঘুম আসাতে ঘুমিয়ে পড়ল, যার ফলে জামাআতে शामिल হতে পারেনি। তখন ওমর (রা.) বললেন, لَأَنْ أَشْهَدَ صَلَاةَ الصُّبْحِ فِي الْجَمَاعَةِ أَحَبُّ إِلَيَّ مِنْ أَنْ أَقُومَ لَيْلَةً ফজরের নামায জামাআতে আদায় করা আমার নিকট সারা রাত ইবাদত করার চেয়ে উত্তম ও প্রিয়।^{৯৮৫}

জামাআত পরিত্যাগ করার পরিণতি

হযরত আব্দুল্লাহ ইবনে মাসউদ (রা.) বলেন, যে ব্যক্তি কাল কিয়ামত দিবসে আল্লাহর সাথে মুসলিম হিসাবে সাক্ষাত করতে ভালবাসে তার সেই সব নামাযগুলোর গুরুত্ব দেয়া কর্তব্য, যেগুলোর জন্য আযান দেওয়া হয়। কারণ আল্লাহ তোমাদের নবী ﷺ এর জন্য কিছু হিদায়তের বিধান নির্ধারণ করে দিয়েছেন। নামায এই হিদায়তের বিধানের অন্তর্ভুক্ত। সুতরাং যদি তোমরা নিজেদের ঘরে নামায পড়তে থাক, যেমন এই সব ব্যক্তি জামাআত ছেড়ে নিজেদের ঘরে একাকী নামায পড়ে, তাহলে তোমরা তোমাদের নবীর বিধান ত্যাগ করলে। আর তোমাদের নবীর বিধান ত্যাগ করলে অবশ্যই তোমরা পথভ্রষ্ট হয়ে গেলে। আমরা আমাদের লোকদের এমন অবস্থা দেখছি যে, তাদের মধ্যে একমাত্র পরিচিত মুনাফিক ছাড়া আর কেউ জামাআত ত্যাগ করতো না। আর কোন কোন লোক এমনও আছে যে, দু'জন লোকের সহায়তায় তাকে (মসজিদে) আনা হত এবং নামাযের কাতারে দাড় করিয়ে দেয়া হত।^{৯৮৬}

হযরত আবু হোরায়া (রা.) থেকে বর্ণিত, রাসূল ﷺ এরশাদ করেন— যার হাতে আমার প্রাণ, তাঁর শপথ, অবশ্যই আমি সংকল্প করেছি, আমি কাঠ সংগ্রহ করার নির্দেশ দেবো, তারপর নামাযের আদেশ দেবো এবং এজন্য আযান দেয়া হবে। আর আমি ঐ

৯৮৪. তিরমিযী, সূত্র: মিশকাত শরীফ, পৃ-১০২

৯৮৫. ইমাম মালিক (রা.) (১৭৯ হি) সূত্র: মিশকাত শরীফ, পৃ-৯৭

৯৮৬. মুসলিম, সূত্র: রিয়াদুস সালেহীন, পৃ-৪৩০, হাদিস নং-১০৬৯ ও মিশকাত শরীফ, পৃ. ৯৬-৯৭

সব লোকদের নিকট যাব যারা জামাআতে উপস্থিত হয়নি এবং তাদের বাড়ী-ঘর তাদের সামনেই জ্বালিয়ে দেবো।^{৯৮৭}

হযরত ইবনে আব্বাস (রা.) থেকে বর্ণিত, তিনি বলেন, রাসূল ﷺ এরশাদ করেন- **مَنْ سَمِعَ الْمُنَادِيَ فَلَمْ يَمْنَعْهُ مِنْ أَتْبَاعِهِ غُذْرٌ قَالُوا وَمَا الْغُذْرُ قَالَ خَوْفٌ أَوْ مَرَضٌ لَمْ تُقْبَلْ**—যে ব্যক্তি আযান শুনে মসজিদে আসতে অপারগ হয় এবং কোন ওযরও না থাকে তাহলে তার একাকী মসজিদবিহীন আদায়কৃত নামায কবুল করা হবে না। সাহাবীগণ জিজ্ঞাসা করলেন, ওযর কি? উত্তরে তিনি বললেন, ভয় ও রোগ-ব্যাধি।^{৯৮৮}

হযরত আবু হোরাযরা (রা.) থেকে বর্ণিত, নবী করিম ﷺ এরশাদ করেন— যদি জামাআত ত্যাগকারীদের ঘরে নারী ও শিশু সন্তান না থাকত তবে আমি ঐসব ঘর জ্বালিয়ে ফেলতে নির্দেশ দিতাম।^{৯৮৯}

জামাআত পরিত্যাগকারীর মৃত্যুর পর বিষাক্ত সাপের আযাব

হযরত আবু বকর (রা.)'র সময়কালে জনৈক ব্যক্তির মৃত্যু হলে লোকেরা জানাযা নামাযের জন্য দণ্ডায়মান হল। হঠাৎ তারা অনুধাবন করল যে, তার কাফনের ভিতর কি যেন নড়াচড়া করছে। লোকেরা দেখল যে, তার গলায় ভেড়ীর ন্যায পেঁচিয়ে আছে একটি বিষাক্ত সাপ। সেটি তার গোশত খাচ্ছে আর রক্ত পান করছে। লোকেরা যখন সেটাকে মারতে চাইল তখন সাপ লা ইলাহা ইল্লাল্লাহ মুহাম্মদুর রাসূলুল্লাহ বলে বলতে লাগল আমাকে কেন মারছেন? আমার কোন অপরাধ নেই। কেননা আল্লাহ তায়ালা আমাকে হুকুম দিয়েছেন যেন তাকে কিয়ামত পর্যন্ত আযাব দেই। লোকেরা বলল, তার অপরাধ কি? সাপ বলল— **ثَلَاثُ خَطَايَا الْأَوَّلَى كَانَ إِذَا سَمِعَ الْأَذَانَ لَا يُحْيِي الْجَمَاعَةَ وَالثَّانِيَةَ لَا يُخْرِجُ**—তার তিনটি গুনাহ রয়েছে। একটি হলো যখন সে আযান শুনত জামাআতে নামাযের জন্য মসজিদে যেতো না। দ্বিতীয়টি হলো— সে তার সম্পদের যাকাত দিতনা এবং তৃতীয়টি হলো সে আলেমদের কথা শুনত না। সুতরাং তার শাস্তি এটিই।^{৯৯০}

‘আল-মানার’ গ্রন্থে বলা হয়েছে, জামাআত সহকারে নামায আদায় করা হলো আদায়ে কামেল বা পরিপূর্ণ আদায় আর একাকী নামায পড়া হলো আদায়ে কাসের তথা অসম্পূর্ণ আদায়। এর ব্যাখ্যায় মোল্লা জীওন (র.) বলেন— **فَأَنَّهُ إِذَا عَلِيَ حَسْبٌ مَا شَرَعَ فَإِنَّ**

৯৮৭. বুখারী ও মুসলিম, সূত্র: রিয়াদুস সালেহীন, পৃ-৪২৯, হাদিস নং-১০৬৮ ও মিশকাত শরীফ, পৃ-৯৫
 ৯৮৮. আবু দাউদ ও দারে কুতনী, সূত্র: মিশকাত শরীফ, পৃ-৯৬
 ৯৮৯. মুসনদে আহমদ (র.), সূত্র: মিশকাত শরীফ, পৃ-৯৭
 ৯৯০. দুররাতুন নাসেহীন, পৃ-৩০৭, সূত্র: মাওয়ায়েযে রেজভীয়াহ, পৃ-১০০

الصَّلَاةُ مَا شَرَعَتْ إِلَّا بِجَمَاعَةٍ لَّانَّ جِبْرِئِيلَ عَلَيْهِ السَّلَامُ عَلَّمَ الرُّسُولَ عَلَيْهِ السَّلَامُ بِالْجَمَاعَةِ فِي يَوْمَيْنِ কেননা জামাআতে নামায আদায় করা হলো শরীয়ত সম্মত আদায়। কারণ নামায জামাআত সহকারে শরীয়তের বিধান হয়েছে। জিব্রাইল (আ.) রাসূল ﷺ কে দু'দিন যাবৎ নামাযের তালীম দিয়েছিলেন জামাআত সহকারে।^{৯৯১}

জামাআতে নামাযের উদ্দেশ্যে দৈনিক পাঁচবার মসজিদে যাওয়া-আসা করলে শারিরীক ব্যায়াম হয়ে যায় শরীরের সুস্থতার জন্য অত্যন্ত উপকারী। তাছাড়া একই ইমামের অনুগত ও অনুসরণের মাধ্যমে জামাআতে নামায পড়লে শৃঙ্খলাবোধ ও আনুগত্যের প্রশিক্ষণ হয়। মুসল্লিদের মধ্যে ভ্রাতৃত্ববোধ, বন্ধুত্ব ও আন্তরিকতা সৃষ্টি হয় এবং মুসলিম ঐক্যের ভিত্তি সুদৃঢ় হয়। এছাড়াও ইহকালীন ও পরকালীন আরো অনেক উপকারীতা রয়েছে। সুতরাং নামায পরিপূর্ণ ও গ্রহণযোগ্য হওয়ার জন্য মসজিদে গিয়ে জামাআতে নামায আদায় করা প্রত্যেক মুসলমানের উপর অপরিহার্য।

নামায তরক করার পরিণতি

নামায তরক করা কবীরা গুনাহ এবং অস্বীকার করা কুফরী। কোন অবস্থাতেই নামায পরিত্যাগ করা জায়েয নেই। নামায তরককারীকে সাহাবায়ে কিরাম কুফরী মনে করতেন। পবিত্র কুরআনে এরশাদ হয়েছে— فَخَلَفَ مِنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهْوَاتِ فَسُوفَ يَلْقَوْنَ غِيًّا অতঃপর তাদের পর এল অপদার্থ পরবর্তীরা। তারা নামায নষ্ট করল এবং কুপ্রবৃত্তির অনুবর্তী হল। সুতরাং অচিরেই জাহান্নামের গর্তে নিক্ষিপ্ত হবে।^{৯৯২}

হযরত ইবনে আব্বাস (রা.) বলেন غي জাহান্নামের একটি গুহার নাম। জাহান্নামও এর থেকে আশ্রয় প্রার্থনা করবে। ইবনে মাসউদ (রা.) বলেন, غي জাহান্নামের একটি গর্তের নাম। এতে সমগ্র জাহান্নামের চেয়ে অধিক আযাবের সমাবেশ রয়েছে। নামায তরককারীদের সেই গর্তে নিক্ষেপ করা হবে।

কুরআনে আরো বলা হয়েছে, مَا سَلَكَكُمْ فِي سَقَرٍ، قَالُوا لَمْ نَكُ مِنَ الْمُصَلِّينَ জাহান্নামীদেরকে জিজ্ঞাসা করা হবে, তোমাদেরকে কিসে জাহান্নামে নীত করেছে? তারা বলবে, আমরা নামায পড়তাম না।^{৯৯৩}

হযরত জাবির (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি— মানুষের এবং শিরক ও কুফরের মধ্যে পার্থক্য হচ্ছে নামায ত্যাগ করা।^{৯৯৪}

৯৯১. আবুল বারাকাত নসফী (র.) ও মোল্লা জীওন (র.), নুরুল আনোয়ার, পৃ-৪০

৯৯২. সূরা মরিয়ম, আয়াত-৫৯

৯৯৩. সূরা মুদ্দাসসির, আয়াত. ৪২-৪৩

৯৯৪. মুসলিম, সূত্র: রিয়াদুস সালেহীন, পৃ-৪৩৩, হাদিস নং-১০৭৮

হযরত বুরাইদা (রা.) থেকে বর্ণিত, নবী করিম ﷺ এরশাদ করেন-«الْعَهْدُ الَّذِي بَيْنَنَا وَبَيْنَهُمُ الصَّلَاةُ، فَمَنْ تَرَكَهَا فَقَدْ كَفَرَ»^{৯৯৫} আমাদের এবং তাদের (মুনাফিক) মধ্যে যে চুক্তি হয়েছে তা হচ্ছে নামায। সুতরাং যে ব্যক্তি নামায ত্যাগ করল সে কুফরী করল।^{৯৯৫}

হযরত শফীক ইবনে আব্দুল্লাহ থেকে বর্ণিত, যিনি একজন তাবেঈ ছিলেন এবং যার মর্যাদা ও শ্রেষ্ঠত্ব সম্পর্কে সবাই একমত। তিনি বলেন, মুহাম্মদ ﷺ এর সাহাবীগণ নামায ছাড়া অন্য কোন আমল ত্যাগ করা কুফরী মনে করতেন না। অর্থাৎ তারা নামায ত্যাগ করাকে কুফুরী মনে করতেন।^{৯৯৬}

হযরত মুয়ায ইবনে জাবল (রা.) থেকে বর্ণিত হাদিসে আছে, তিনি বলেন, রাসূল ﷺ আমাকে দশটি বিষয়ে উপদেশ দিয়েছেন। তন্মধ্যে একটি হল, صَلَاةٌ وَلَا تَتْرُكَنَّ صَلَاةً ফরয নামাযকে مَكْتُوبَةً مُتَعَمِّدًا؛ فَإِنَّ مَنْ تَرَكَ صَلَاةً مَكْتُوبَةً مُتَعَمِّدًا فَقَدْ بَرِئَتْ مِنْهُ ذِمَّةُ اللَّهِ ইচ্ছাকৃতভাবে ছেড়ে দিওনা। কেননা যে ইচ্ছাকৃতভাবে ফরয নামায ছেড়ে দেবে সে আল্লাহর দায়িত্ব থেকে মুক্ত হয়ে যাবে।^{৯৯৭}

হযরত ইবনে ওমর (রা.) থেকে বর্ণিত, তিনি বলেন, রাসূল ﷺ এরশাদ করেন-الَّذِي يَفُوتُهُ صَلَاةُ الْعَصْرِ فَكَأَنَّمَا وَتَرَأَهُلَهُ وَمَالَهُ যে ব্যক্তি আসরের নামায ছেড়ে দিল সে স্বীয় পরিবার-পরিজন ও ধনসম্পদ থেকে বঞ্চিত হল।^{৯৯৮}

হযরত আমর ইবনুল আস (রা.) থেকে বর্ণিত, وَمَنْ لَمْ يُحَافِظْ عَلَيْهَا لَمْ يَكُنْ لَهُ نُورٌ, وَكَانَ يَوْمَ الْقِيَامَةِ مَعَ قَارُونَ، وَفِرْعَوْنَ، وَهَامَانَ، وَأَبِي بَنْ خَلْفٍ আর যে ব্যক্তি নামায সংরক্ষণ করবেনা নামায তার জন্য নূর, দলীল এবং মুক্তিদানকারী হবে না। আর কিয়ামত দিবসে তার হাশর হবে কারুন, ফেরাউন, হামান ও উবাই ইবনে খালফের সাথে।^{৯৯৯}

মাজালীসুল আবরার গ্রন্থে বর্ণিত আছে, নবী করিম ﷺ এরশাদ করেন-مَنْ تَرَكَ الصَّلَاةَ مَضَى وَفَتِهَا ثُمَّ قَضَى غُذِبَ فِي النَّارِ حَقْبًا وَالحَقْبُ ثَمَانُونَ سَنَةً وَالسَّنَةُ ثَلَاثُ مِائَةٍ وَسِتُونَ يَوْمًا كُلُّ يَوْمٍ كَانَ مِقْدَارُهُ أَلْفَ سَنَةٍ যে ব্যক্তি অবহেলাবশত নামায তরক করল ফলে

৯৯৫. প্রাণ্ডজ, হাদিস নং-১০৭৯

৯৯৬. তিরমিযী, কিতাবুল ঈমান, সূত্র: রিয়াদুস সালাহীন, পৃ-৪৩৩, হাদিস নং-১০৮০

৯৯৭. আহমদ, সূত্র: মিশকাত শরীফ, পৃ-১৮

৯৯৮. বুখারী ও মুসলিম, সূত্র: মিশকাত শরীফ, পৃ-৬০

৯৯৯. আহমদ, সূত্র: মিশকাত শরীফ, পৃ. ৫৮-৫৯

নামাযের ওয়াক্ত চলে গেল অতঃপর নামায কাযা আদায় করল, তাকে জাহান্নামে এক ‘হাকবা’ পরিমাণ সময় শাস্তি ভোগ করতে হবে। এক ‘হাকবা’ পরিমাণ হবে (পরকালের হিসাবে) আশি বছরের সমান। আর প্রত্যেক বছর হবে ৩৬০ দিনের এবং প্রতিটি দিন হবে (দুনিয়ার) এক হাজার বছরের সমান। এ হিসাবে তিন লক্ষ ষাট হাজার বছরের সমান হবে পরকালের এক বছর। এ অনুপাতে পরকালের আশি বছর হবে দুনিয়াবী দু’ কোটি আটাশি লক্ষ বছরের সমান। এটা কেবল এক ওয়াক্ত নামায অবহেলা বশত কাযা করলে। আর ইচ্ছাকৃত ভাবে তরক করলে কত ‘হাকবা’ দোযখের আগুনে জ্বলতে হবে তা আল্লাহই ভাল জানেন।

বর্ণিত আছে যে, একদিন নবী করিম ﷺ তাঁর সাহাবীদের সাথে বসে আছেন। এ সময় এক আরব্য যুবক কাঁদতে কাঁদতে মসজিদের দরজায় এসে দাঁড়াল। রাসূল ﷺ জিজ্ঞাসা করলেন, হে যুবক! তুমি কাঁদছ কেন? সে বলল, হে আল্লাহর রাসূল! আমার পিতা মৃত্যুবরণ করেছেন। তাকে গোসল দেওয়ার ও কাফন পরিধান করানোর কোন লোক নেই। তিনি হযরত আবু বকর ও ওমর (রা.)কে পাঠান। তারা গিয়ে দেখেন মৃত ব্যক্তির চেহারা কালো শুকরের ন্যায় হয়ে গেল। তাঁরা রাসূল ﷺ-এর নিকট এসে আরয় করলেন, আমরা তাকে কাল শুকরের ন্যায় দেখছি। অতঃপর নবী করিম ﷺ মৃতের কাছে দাঁড়িয়ে দোয়া করেন ফলে সে পূর্বের ন্যায় হয়ে গেল। তারপর তিনি তার জানাযা পড়ালেন। লোকেরা তাকে দাফন করতে গিয়ে দেখেন তার চেহারা পুনরায় কাল হয়ে গেছে। তখন রাসূল ﷺ যুবককে জিজ্ঞাসা করলেন যে, তোমার পিতা দুনিয়াতে কি কাজ করত? যুবক বলল—كَانَ تَارِكُ الصَّلَاةِ فَقَالَ يَا أَصْحَابِي أَنْظَرُوا حَالَ مَنْ تَرَكَ الصَّلَاةَ ۖ قَالَ يَبْعَثُهُ اللَّهُ يَوْمَ الْقِيَامَةِ مِثْلَ الْخَنزِيرِ الْأَسْوَدِ نَعُوذُ بِاللَّهِ تَعَالَى مِنْهُ ছিলেন। অতঃপর নবী করিম ﷺ বললেন— হে আমার সঙ্গীরা! তোমরা বে-নামাযীর অবস্থা দেখ, কিয়ামতের দিন আল্লাহ তায়ালা বেনামাযীকে কাল শুয়রের ন্যায় উঠাবে। আমরা আল্লাহর কাছে তা থেকে আশ্রয় চাই।^{১০০০}

নামাযে খুশু-খুযু তথা বিনয় ও একাগ্রতা

নামাযে বিনয় ও একাগ্রতাকে খুশু-খুযু বলা হয়। এটি নামাযের গুরুত্বপূর্ণ অংশ। আল্লাহ তায়ালা বলেন- **الَّذِينَ هُمْ فِي صَلَاتِهِمْ خَاشِعُونَ** নিশ্চয়ই সফলকাম হয়েছে মু'মিনগণ, যারা নিজেদের নামাযে বিনয়-নম্র।^{১০০১}

১০০০. বাহজাতুল আনওয়ার, সূত্র: মাওয়ায়েযে রেজভীয়াহ, খণ্ড-১, পৃ-১২৮

১০০১. সূরা মু'মিনুন, আয়াত. ১-২

خشوع শব্দের আভিধানিক অর্থ হল স্থিরতা। পরিভাষায় অন্তর এবং অঙ্গ-প্রত্যঙ্গের স্থিরতাকে خشوع বলা হয়। ইবনে আব্বাস (রা.) বলেন- خشوع হল অন্তরের ভয় এবং শরীরের স্থিরতা। অর্থাৎ নামাযে অন্তর এবং শরীরকে স্থির রাখা, হাত, পা, চোখ ইত্যাদি এদিকে-সেদিকে নাড়াচাড়া না করা। নবী করিম ﷺ এক ব্যক্তিকে নামাযে দাড়ি নিয়ে খেলতে দেখে বললেন-«لَوْ خَشَعَ قَلْبُ هَذَا خَشَعَتْ جَوَارِحُهُ» যদি ঐ ব্যক্তির অন্তরে খুশু থাকত। তবে তার অঙ্গ-প্রত্যঙ্গগুলো স্থির থাকত।^{১০০২}

ইমাম কুরতুবী (র.) নামাযে খুশু ফরয বলেছেন। কিন্তু ইমাম নববী (র.) বলেছেন সুন্নাত। আল্লামা আলুসী (র.) বলেন, নামাযে খুশু পরিত্যাগ করা মাকরুহ। নামায শুদ্ধ হলেও নামায কবুল হওয়ার জন্য খুশু শর্ত। হযরত হুযাইফা (রা.) থেকে বর্ণিত, রাসূল ﷺ এরশাদ করেন-«أَوَّلُ مَا تَفْقِدُونَ مِنْ دِينِكُمُ الْخُشُوعُ، وَآخِرُ مَا تَفْقِدُونَ مِنْ دِينِكُمُ الصَّلَاةُ»-তোমাদের দ্বীন থেকে প্রথমে যা হারাবে তা হল খুশু আর শেষে যা হারাবে তা হল নামায। আর ইসলামের বাঁধনগুলো একটি একটি করে এভাবে নষ্ট হয়ে যাবে।^{১০০৩}

হাকীম তিরমিযী হযরত আয়েশা (রা.) থেকে বর্ণনা করেন, রাসূল ﷺ এরশাদ করেন-«إِذَا قَامَ أَحَدُكُمْ فِي الصَّلَاةِ فَلْيُسْكِنِ أَطْرَفَهُ لَا يَتَمَيَّلُ تَمَيُّلُ الْيَهُودِ فَإِنْ سَكُنَ الْأَطْرَافَ»-তোমাদের কেউ নামাযে দাঁড়ালে যেন অঙ্গ-প্রত্যঙ্গগুলো স্থির রাখে। ইহুদীদের ন্যায় নামাযে না হেলে। কেননা নামাযে অঙ্গ-প্রত্যঙ্গের স্থিরতা নামায পূর্ণাঙ্গ হওয়ার কারণ।^{১০০৪}

নামাযে অলসতা প্রদর্শন করা মুনাফেকীর আলামত

আল্লাহ তায়ালা বলেন, إِنَّ الْمُنَافِقِينَ يُخَادِعُونَ اللَّهَ وَهُوَ خَادِعُهُمْ وَإِذَا قَامُوا إِلَى الصَّلَاةِ فَإِنِ اسْتَفْسَحُوا فَسُكِّنُوا كَسَالَى يُرَاءُونَ النَّاسَ وَلَا يَذْكُرُونَ اللَّهَ إِلَّا قَلِيلًا নিশ্চয় মুনাফিকরা প্রতারণা করছে আল্লাহর সাথে অথচ তারা নিজেরাই নিজেদের প্রতারিত করে। বস্তুত তারা যখন নামাযে দাঁড়ায় তখন দাঁড়ায় একান্ত শিথিলভাবে লোক দেখানোর জন্য। আর তারা আল্লাহকে অল্পই স্মরণ করে।^{১০০৫} অন্যত্র আল্লাহ তায়ালা বলেন-«الَّذِينَ هُمْ عَنْ صَلَاتِهِمْ سَاهُونَ» অতএব দুর্ভোগ সেসব নামাযীর, যারা তাদের নামায সম্পর্কে

^{১০০২}. ইমাম বায়হাকী (র.) (৪৫৮ হি), শুআবুল ঈমান

^{১০০৩}. মুস্তাদরাক, লিল হাকেম

^{১০০৪}. রুহুল মায়ানী

^{১০০৫}. সূরা নিসা, আয়াত-১৪২

বেখবর।^{১০০৬} আল্লাহ তায়ালা আরো বলেন, وَلَا يَأْتُونَ الصَّلَاةَ إِلَّا وَهُمْ كُسَالَى তারা নামাযে আসে অলসতার সাথে।^{১০০৭}

রাসূল ﷺ এরশাদ করেন, যদি কোন ব্যক্তি ওয়াক্ত মত নামায আদায় করে, নামায আদায়ের উদ্দেশ্যে পরিপূর্ণভাবে উযু করে এবং কিয়াম, রুকু ও সিজদা ইত্যাদি খুশু-খুযূর সাথে আদায় করে তবে তার নামায দীপ্তিময় উজ্জ্বল হয়ে উঠে এবং নামাযীর জন্য এ বলে দোয়া করতে থাকে, তুমি যেমনভাবে আমার হিফাযত করলে আল্লাহ তায়ালাও অনুরূপভাবে তোমার হিফাযত করুন। পক্ষান্তরে কোন ব্যক্তি যদি ওয়াক্ত মত নামায আদায় না করে, পরিপূর্ণভাবে উযু না করে এবং রুকু-সিজদা ইত্যাদি খুশু-খুযূর সাথে আদায় না করে তবে তার এ নামায কৃষ্ণবর্ণ হয়ে উঠে এবং এই মর্মে বদদোয়া করে যে, আল্লাহ তোমাকে ধ্বংস করুন, যেমন তুমি আমাকে ধ্বংস করলে। তার এ নামাযকে পুরানো কাপড়ের মত পেছিয়ে তার মুখে সজোরে নিক্ষেপ করা হয়।^{১০০৮}

ধীর-স্থিরভাবে নামায আদায় করা

ধীর-স্থিরভাবে নামায আদায় করা খুশু-খুযূর অন্তর্ভুক্ত। অন্তরে খুশু-খুযূ থাকলেই নামাযে ধীর-স্থিরতা আসে। আর এটি ইমাম শাফেঈ (র.)'র মতে, ফরয। পক্ষান্তরে ইমাম আবু হানিফা (রা.)'র মতে ওয়াজিব। নামাযে তাড়াহুড়া করা মুনাফিকের চরিত্র। يَرْقُبُ الشَّمْسَ حَتَّىٰ إِذَا كَانَتْ بَيْنَ قَرْنَيْ الشَّيْطَانِ، قَامَ فَتَقَرَّهَا নবী করিম ﷺ এরশাদ করেন- সে সূর্যের অপেক্ষায় বসে থাকে। যখন সূর্য শয়তানের দুই শিংয়ের মাঝখানে থাকে, তখন উঠে দ্রুত চারটি ঠোকর মারে অর্থাৎ তাড়া-হুড়া করে চারটি সিজদা দিয়ে দু'রাকাত নামায পড়ে। সে নামাযে অল্পই আল্লাহর যিকর করে। অর্থাৎ তাসবীহ ইত্যাদি কম করেন।^{১০০৯}

ধীর-স্থিরের সাথে নামায আদায় না করলে নামায পরিপূর্ণভাবে আদায় হয়না। নবী করিম ﷺ এক মুসল্মীকে তাড়াহুড়া করে রুকু-সিজদা যথাযথভাবে আদায় না করে নামায পড়তে দেখে তাকে পুনরায় নামায পড়তে নির্দেশ দেন এবং তাড়া-হুড়া করে আদায়কৃত নামায হয়নি বলে উল্লেখ করেন।^{১০১০}

১০০৬. সূরা মাউন; ৪-৫

১০০৭. সূরা তাওবা, আয়াত-৫৪

১০০৮. তাবরানী ও ইবনে হাজর মক্কী (র.) জাওয়াজির, খণ্ড-১, পৃ-১৬৬

১০০৯. মুসলিম, সূত্র: মিশকাত শরীফ, পৃ: ৬০

১০১০. বুখারী ও মুসলিম সূত্র: মিশকাত শরীফ পৃ: ৭৫

হযরত হোযাইফা (রা.) রুকু-সিজদা পরিপূর্ণভাবে অনাদায়কারী এক মুসল্লীকে দেখেন। নামায শেষে তাকে ডেকে বলেন, তুমি নামায পড়নি। অর্থাৎ তোমার নামায হয়নি।^{১০১১}

হযরত আবু কাতাদা (রা.) থেকে বর্ণিত, রাসূল ﷺ এরশাদ করেন, সবচেয়ে বড় চোর হল যে তার নামাযে চুরি করে। সাহাবায়ে কিরাম জিজ্ঞাসা করলেন, হে আল্লাহর রাসূল! সে তার নামাযে কিভাবে চুরি করে? رُكُوعَهَا وَلَا سُجُودَهَا তিনি বলেন- সে নামাযে রুকু-সিজদা পরিপূর্ণভাবে আদায় করেনা।^{১০১২}

আনীসুল ওয়ায়েযীন গ্রন্থের ৩৩ পৃষ্ঠায় বর্ণিত আছে- একদিন হযরত আলী (রা.)'র পায়ের গোড়ালীতে তীরবিদ্ধ হয়েছিল। লোকেরা অনেক চেষ্টা করেও সেটি বের করতে পারেনি। কিন্তু যখন নামাযে দাঁড়ালেন তখন সেই তীর লোকেরা বের করে আনেন কিন্তু তিনি নামাযে এতই ধ্যানে মগ্ন ছিলেন যে, তার মোটেই খবর ছিলনা। খুশু-খুযু হলো নামাযের প্রাণ। প্রাণবিহীন দেহের যেমন কোন মূল্য নেই তেমনি খুশু-খুযু বিহীন নামাযের আল্লাহর কাছে কোন মূল্য নেই। হাদিস শরীফে আছে, فَإِنْ لَمْ تَكُنْ عَبْدُ اللَّهِ كَأَنَّكَ تَرَاهُ, فَإِنْ لَمْ تَكُنْ عَبْدُ اللَّهِ كَأَنَّكَ تَرَاهُ আল্লাহর ইবাদত এমনভাবে কর যেন তুমি আল্লাহকে দেখতে পাচ্ছ। যদি তুমি তাকে দেখতে না পাও, তবে এতটুকু মনে কর যে, অন্তত তিনি তোমাকে দেখছেন। নামাযে দাঁড়ানো আল্লাহর সামনে দাঁড়ানো। নামাযে সিজদা করা মানে হল আল্লাহর কদমে সিজদা করা। সুতরাং অত্যন্ত বিনয়, নম্র ও আদবের সাথে এবং ধীর-স্থিরভাবে নামাযের আরকানসমূহ আদায় করতে হবে যাতে মহান সৃষ্টিকর্তা ও পালনকর্তার সামনে কোন ধরণের বেয়াদবী পরিলক্ষিত না হয়। তবেই এই নামায আল্লাহ কবুল করবেন এবং এর পূর্ণ প্রতিদান প্রদান করবেন।

মসজিদ

মসজিদ আল্লাহর ঘর। পৃথিবীর শ্রেষ্ঠতর স্থান। মসজিদকে কেন্দ্র করেই মানুষের উপর আসমানী রহমত বর্ষিত হয়। যুগে যুগে নবী-রাসূলগণ এবং তাঁদের উত্তরসূরী অলি-আল্লাহগণ এ মসজিদকে কেন্দ্র করেই নিজেদের দাওয়াত ও হিদায়াতের কাজ সম্পাদন করতেন। তবে পূর্বকালে মসজিদের সংখ্যা খুবই কম ছিল। শেষ নবীর কদমের উসিলায় আল্লাহ তায়ালা সমগ্র পৃথিবীতে ব্যাপকভাবে মসজিদ প্রতিষ্ঠার অনুমতি দিয়েছেন। হেদায়াতের প্রাণকেন্দ্র হিসাবে মসজিদ ইসলামী জীবন ব্যবস্থার সকল অধ্যায়ের সঙ্গে

^{১০১১}. বুখারী, সূত্র: মিশকাত শরীফ, পৃ:৮৩

^{১০১২}. মুসনদে আহমদ, সূত্র: মিশকাত শরীফ, পৃ:৮৩

জড়িত। রাসূল ﷺ'র যুগে প্রশাসনিক গুরুত্বপূর্ণ কাজসহ বিয়ে শাদী ও দৈনন্দিন নামায আদায় মসজিদেই সম্পাদিত হত। মসজিদ নিমাণের অন্যতম প্রধান লক্ষ্য হলো আল্লাহর ইবাদত ও যিকর করা, মুসলিমদের মধ্যে ভ্রাতৃত্ববোধ কায়েম করা, তাদের পরস্পরের মধ্যে সহমর্মিতা ও সহানুভূতি সৃষ্টি করা। মসজিদ মানুষের অন্তরের পবিত্রতার অনুভূতি সৃষ্টি করে। কারণ এতে অপবিত্র অবস্থায় প্রবেশের অনুমতি নেই। সুতরাং সকল মুসলমানের মসজিদভিত্তিক সমাজব্যবস্থা প্রতিষ্ঠা করা উচিত।

মসজিদের সংজ্ঞা: الموضع الذى يسجد منها وبيت الصلوة وهو اصطلاحا الارض التى جعلها المالك مسجداً بقوله جعلته مسجداً وافرز طريقة واذن بالصلوة فيه فان صلى واحداً زال ملكه মসজিদ হলো সিজদা করার স্থান এবং নামাযের ঘর। পরিভাষায় ঐ স্থানকে মসজিদ বলা হয়, যার মালিক এই বলে বানিয়ে দিল যে, আমি ওটাকে মসজিদ বানালাম এবং ঐ স্থানে যাওয়ার রাস্তাও পৃথক করে দেয় এবং নামায পড়ার জন্য অনুমতি দিয়ে দেয়। যদি একজনও নামায পড়ে তাহলে মালিকের মালিকানা চলে যাবে।^{১০১৩}

মসজিদ নির্মাণ, পরিচর্যা ও রক্ষণাবেক্ষণ

মসজিদ আল্লাহর ঘর। আল্লাহ নিজে এসে যেমন মসজিদ নির্মাণ করেন না ঠিক তেমনি তার পরিচর্যা, রক্ষণাবেক্ষণ এবং পরিচালনাও নিজে করেন না। বরং যারা তাঁর প্রতি ঈমান রাখে এবং তদানুযায়ী কাজ করে তারাই মসজিদ নির্মাণ ও এর পরিচালনা করে। আল্লাহ তায়ালা বলেন, إِنَّمَا يَعْمُرُ مَسَاجِدَ اللَّهِ مَنِ آمَنَ بِاللَّهِ وَالْيَوْمِ الْآخِرِ وَأَقَامَ الصَّلَاةَ وَآتَى الزَّكَاةَ وَلَمْ يَخْشَ إِلَّا اللَّهَ فَعَسَىٰ أُولَٰئِكَ أَن يَكُونُوا مِنَ الْمُهْتَدِينَ কেবল তারাই আল্লাহর মসজিদসমূহ রক্ষণাবেক্ষণ করবে, যারা ঈমান আনে আল্লাহ ও পরকালের প্রতি এবং নামায কায়েম করে, যাকাত দেয় ও আল্লাহ ছাড়া অন্য কাউকে ভয় করে না। তাদেরই সৎ পথপ্রাপ্তির আশা আছে।^{১০১৪}

আল্লাহর ঘরে আল্লাহর কথা নিঃসংকোচে বলার অধিকার থাকবে। কারো অনুরাগ কিংবা রাগের বশবর্তী হয়ে আল্লাহর নির্দেশের খেলাফ কোন কথা বলা যাবে না এবং কোন কাজ করা যাবে না। মসজিদে ব্যক্তি, সমাজ বা রাষ্ট্রের কোন এখতিয়ার নেই। একমাত্র কুরআন-সুন্নাহ অনুযায়ী মসজিদ পরিচালনা ও নিয়ন্ত্রিত হবে।

উপরোক্ত আয়াত দ্বারা প্রমাণিত হয় যে, মসজিদের পরিচর্যা ও রক্ষণাবেক্ষণের জন্য ঈমান ও আমল শর্ত। আল্লাহ তায়ালা বলেন—مَا كَانَ لِلْمُشْرِكِينَ أَنْ يَعْمُرُوا مَسَاجِدَ اللَّهِ وَفِي النَّارِ هُمْ خَالِدُونَ এমন হতে পারেনা

^{১০১৩} মুফতি আমীমুল ইহসান (র.), কাওয়ায়েদুল ফিকহ, পৃ-৪৮৩

^{১০১৪} সূরা তাওবা, আয়াত-১৮

যে, মুশরিকরা আল্লাহর মসজিদ সমূহের রক্ষণাবেক্ষণ করবে যখন তারা নিজেদের কুফরী স্বীকৃতিদাতা। তাদের সকল কর্ম নিষ্ফল এবং তারা জাহান্নামে স্থায়ীভাবে থাকবে।^{১০১৫}

মসজিদ নির্মাণ সম্পর্কে হযরত ওসমান (রা.) থেকে বর্ণিত আছে, তিনি বলেন রাসূল ﷺ এরশাদ করেন- الْجَنَّةُ لِلَّهِ لَهُ بَيْتًا فِي الْجَنَّةِ - যেন ব্যক্তি আল্লাহর সম্ভ্রষ্টির উদ্দেশ্যে মসজিদ নির্মাণ করবে, আল্লাহ তায়ালা তার জন্য জান্নাতে একটি ঘর নির্মাণ করবেন।^{১০১৬}

হযরত আবু সাঈদ খুদুরী (রা.) থেকে বর্ণিত, তিনি বলেন, রাসূল ﷺ এরশাদ করেন, إِذَا رَأَيْتُمُ الرَّجُلَ يَتَعَاهَدُ الْمَسْجِدَ فَاشْهَدُوا لَهُ بِالْإِيمَانِ، فَإِنَّ اللَّهَ تَعَالَى يَقُولُ: {إِنَّمَا يَعْمُرُ} তোমরা যখন কোন ব্যক্তিকে মসজিদ নির্মাণ ও পরিচর্যা করতে দেখ, তখন তোমরা তার ঈমান সম্পর্কে সাক্ষ্য দিতে পার। কারণ আল্লাহ তায়ালা বলেন, কেবল সেই ব্যক্তিই আল্লাহর মসজিদসমূহ আবাদ করবে, যে আল্লাহ ও পরকালের প্রতি ঈমান এনেছে।^{১০১৭}

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, «أَحَبُّ الْبِلَادِ إِلَى اللَّهِ مَسَاجِدُهَا، وَأَبْغَضُ الْبِلَادِ إِلَى اللَّهِ أَسْوَاقُهَا» আল্লাহর নিকট সবচেয়ে প্রিয় স্থান হল মসজিদসমূহ আর সবচেয়ে অপছন্দনীয় হল বাজারসমূহ।^{১০১৮}

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, «إِذَا مَرَرْتُمْ بِرِيَاضِ الْجَنَّةِ فَارْتَعُوا». قِيلَ: يَا رَسُولَ اللَّهِ وَمَا رِیَاضُ الْجَنَّةِ؟ قَالَ: «الْمَسَاجِدُ»، যখন وَمَا الرَّتُّعُ؟ قَالَ: «سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ» তোমরা জান্নাতের বাগান অতিক্রম কর তখন তার ফলসমূহ ভোগ কর। কেউ জিজ্ঞাসা করল, হে আল্লাহর রাসূল! জান্নাতের বাগান কোনটি? উত্তরে তিনি বলেন মসজিদসমূহ হল জান্নাতের বাগান। পুনরায় জিজ্ঞাসা করা হল হে আল্লাহর রাসূল! এর ফল ভোগ করার অর্থ কি? উত্তরে তিনি বলেন- (মসজিদে বসে নিম্নোক্ত দোয়া পাঠ করা)^{১০১৯} «سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ»

হযরত ইবনে ওমর (রা.) থেকে বর্ণিত, নবী করিম ﷺ এরশাদ করেন, কিয়ামত দিবসে মসজিদ ছাড়া সমস্ত পৃথিবী বিলীন হয়ে যাবে। আর এই মসজিদসমূহ একটি অপরটির সাথে মিলিত হয়ে এক স্থানে অবস্থান করবে। অর্থাৎ মসজিদসমূহ ধ্বংস হবে না।^{১০২০}

১০১৫. সূরা তাওবা, আয়াত-১৭

১০১৬. বুখারী ও মুসলিম, সূত্র: মিশকাত শরীফ, পৃ-৬৮

১০১৭. তিরমিযী, ইবনে মাজাহ ও দারেমী, সূত্র: মিশকাত শরীফ, পৃ-৬৯

১০১৮. মুসলিম, সূত্র: মিশকাত শরীফ, পৃ-৬৮

১০১৯. তিরমিযী, সূত্র: মিশকাত শরীফ, পৃ-৭০

১০২০. তিবরানী, কানযুল উম্মাহ

হযরত আবু সাঈদ খুদুরী (রা.) থেকে বর্ণিত, নবী করিম ﷺ এরশাদ করেন, যে ব্যক্তি মসজিদের সাথে ভালবাসা রাখে আল্লাহ তায়ালাও তার সাথে ভালবাসা রাখেন।^{১০২১}

হযরত আবু সাঈদ খুদুরী (রা.) থেকে বর্ণিত, রাসূল ﷺ এরশাদ করেন— আল্লাহ তায়ালা কিয়ামত দিবসে বলবেন, আমার প্রতিবেশীরা কোথায়? ফেরেশ্তারা বলবেন, আপনার প্রতিবেশী কারা? আল্লাহ বলবেন, মসজিদ সমূহকে আবাদকারীরা হচ্ছে আমার প্রতিবেশী।^{১০২২}

হযরত ইবনে মাসউদ (রা.) থেকে বর্ণিত, রাসূল ﷺ এরশাদ করেন, সমগ্র পৃথিবীতে আল্লাহর ঘর হল মসজিদ। আল্লাহ নিজের উপর আবশ্যক করে নিয়েছেন যে, তার ঘরে আগমনকারীকে সম্মান করা অর্থাৎ ক্ষমা ও দয়া করা।^{১০২৩}

মসজিদের আদব

মসজিদ পবিত্র স্থান। তাই মসজিদের পবিত্রতা বজায় রাখা প্রত্যেক মুসল্লীর কর্তব্য। মুশরিকরা যেহেতু নাপাক তাই মসজিদে প্রবেশ করা তাদের জন্য অনুমতি নেই। আল্লাহ তায়ালা বলেন— **يَا أَيُّهَا الَّذِينَ آمَنُوا إِنَّمَا الْمُشْرِكُونَ نَجَسٌ فَلَا يَقْرَبُوا الْمَسْجِدَ الْحَرَامَ بَعْدَ** হে মু'মিনগণ! মুশরিকরা তো অপবিত্র, সুতরাং এ বছরের পর যেন তারা মসজিদুল হারামের কাছেও না আসে।^{১০২৪}

মুসল্লী মসজিদে যাওয়ার সময় পাক-পবিত্র হয়ে পরিকার-পরিচ্ছন্ন পোশাক পরিধান করে সম্ভব হলে সুগন্ধি ব্যবহার করে মসজিদে যাবে। আল্লাহ তায়ালা এরশাদ করেন, **يَا أَيُّهَا النَّاسُ اتَّقُوا اللَّهَ حَقَّ تَقَاتِهِ لَعَلَّكُمْ تُفْلِحُونَ** হে আদম সন্তান! তোমরা প্রত্যেক নামাযের জন্য মসজিদে যাওয়ার সময় সুন্দর পোশাক পরিধান করবে।^{১০২৫}

আল্লাহ আরো বলেন, **وَعَهْدُنَا إِلَىٰ إِبْرَاهِيمَ وَإِسْمَاعِيلَ أَن طَهِّرَا بَيْتِيَ** আমি ইব্রাহিম ও ইসমাঈলকে আদেশ দিয়েছিলাম আমার ঘর পবিত্র রাখতে।^{১০২৬}

হযরত আয়েশা (রা.) থেকে বর্ণিত, তিনি বলেন— **«أَمَرَ رَسُولُ اللَّهِ صَلَّى اللَّهُ عَلَيْهِ وَسَلَّمَ بِبِنَاءِ الْمَسَاجِدِ فِي الدُّورِ وَأَنْ تُنْظَفَ وَتُطَيَّبَ»** রাসূল ﷺ মহল্লায় মহল্লায় মসজিদ

-
১০২১. তিবরানী, সূত্র: নামাযের হাকীকত, পৃ-৪৩২ ও আল জামেউস সগীর লিস সুয়ূতী, সূত্র: শরহে মুসলিম, খণ্ড-২, পৃ-৩১
 ১০২২. হুলিয়াতুল আউলিয়া, সূত্র: শরহে মুসলিম, খণ্ড-২, পৃ-৩২
 ১০২৩. তিবরানী, আল-মু'জামুল কবীর, সূত্র: শরহে মুসলিম, খণ্ড-২, পৃ-৩২
 ১০২৪. সূরা তাওবা, আয়াত-২৮
 ১০২৫. সূরা আরাফ, আয়াত-২৯
 ১০২৬. সূরা বাকারা, আয়াত-১২৫

নির্মাণ করতে নির্দেশ দিয়েছেন তিনি আরো নির্দেশ দিয়েছেন, মসজিদসমূহ যেন পরিষ্কার-পরিচ্ছন্ন ও পবিত্র রাখা হয়।^{১০২৭}

যেসব খাদ্য ও পানীয় বস্তু পানাহার করলে মুখ দিয়ে দুর্গন্ধ হয় সে সব বস্তু পানাহার করে মুখে দুর্গন্ধ নিয়ে মসজিদে আসতে নিষেধ করা হয়েছে। হযরত জাবির (রা.) থেকে বর্ণিত, তিনি বলেন, রাসূল ﷺ এরশাদ করেন— «مَنْ أَكَلَ مِنْ هَذِهِ الشَّجَرَةِ الْمُسْنَةِ، فَلَا» যে ব্যক্তি এই দুর্গন্ধময় বৃক্ষ (পিঁয়াজ) খাবে সে যেন মসজিদের কাছে না আসে। কেননা যেসব কারণে মানুষের কষ্ট হয় এসব কারণে ফেরেশতাদেরও কষ্ট হয়।^{১০২৮}

হযরত আবু সাঈদ খুদুরী (রা.) থেকে বর্ণিত, তিনি বলেন, রাসূল ﷺ এরশাদ করেন— «مَنْ أَخْرَجَ أَذَى مِنَ الْمَسْجِدِ، بَنَى اللَّهُ لَهُ بَيْتًا فِي الْجَنَّةِ» যে ব্যক্তি মসজিদ থেকে কষ্টদায়ক বস্তু বিদূরিত করবে, আল্লাহ তার জন্য জান্নাতে একটি ঘর নির্মাণ করবেন।^{১০২৯}

হযরত জাবির (রা.) থেকে বর্ণিত, তিনি বলেন নবী করিম ﷺ বলেছেন, مَنْ أَكَلَ، যে ব্যক্তি কাঁচা রসুন কিংবা কাঁচা পিঁয়াজ খেলে, সে যেন আমাদের মসজিদ থেকে দূরে থাকে এবং সে যেন তার ঘরে বসে থাকে।^{১০৩০}

হযরত ওয়াসিলা ইবনে আসকা (রা.) থেকে বর্ণিত, নবী করিম ﷺ এরশাদ করেন— তোমরা মুক্ত রাখবে তোমাদের মসজিদকে তোমাদের শিশুদের, তোমাদের উন্মাদদের, তোমাদের অনিষ্টকারী দুষ্টদের, তোমাদের ক্রয়-বিক্রয়, তোমাদের ঝগড়া-বিবাদ, তোমাদের উচ্চকণ্ঠ, তোমাদের শাস্তির বিধান ও তোমাদের তলোয়ারবাজী থেকে। তোমরা মসজিদের দ্বারে উয়ূর পানির ব্যবস্থা রাখবে এবং মসজিদের সমাবেশ সুগন্ধিময়ী রাখবে।^{১০৩১}

হযরত আমর ইবনে শু'আইব (রা.) তাঁর পিতা থেকে, তিনি তাঁর পিতামহ থেকে বর্ণনা করেন, রাসূল ﷺ মসজিদে ক্রয়-বিক্রয় করতে, হারানো বিজ্ঞপ্তি ঘোষণা করতে এবং কবিতা আবৃত্তি করতে নিষেধ করেছেন।^{১০৩২} ই'তিকাহের নিয়ত ব্যতীত মসজিদে পানাহার করা ও নিন্দা যাওয়া মাকরুহ।

১০২৭. আবু দাউদ, তিরমিযী, ইবনে মাজাহ, সূত্র: মিশকাত শরীফ, পৃ-৬৯

১০২৮. বুখারী ও মুসলিম, সূত্র: মিশকাত শরীফ, পৃ. ৬৮-৬৯

১০২৯. ইবনে মাজাহ, সুনান, আবু তাহীরিল মাসাজিদ, সূত্র: ব্যক্তি ও সমাজ জীবনে মসজিদের ভূমিকা, বা.ই.ফা, পৃ-৬৫

১০৩০. বুখারী শরীফ, সূত্র: ব্যক্তি ও সমাজ জীবনে মসজিদের ভূমিকা, বা.ই.ফা, পৃ-৭২

১০৩১. ইবনে মাজাহ, সুনান, সূত্র: প্রাগুক্ত, পৃ-৬৭

১০৩২. মিনহায, পৃ-৬৬৭, সূত্র: প্রাগুক্ত, পৃ-৭২

ই'তিকাফকারী ব্যতীত অন্যদের জন্য মসজিদে আহার করা এবং নিদ্রা যাওয়া মাকরুহ।^{১০৩৩}

হযরত আবু উসাইদ (রা.) থেকে বর্ণিত, তিনি বলেন, রাসূল ﷺ এরশাদ করেন-
إِذَا دَخَلَ أَحَدُكُمُ الْمَسْجِدَ، فَلْيَسَلِّمْ عَلَى النَّبِيِّ، ثُمَّ لِيَقُلْ: اللَّهُمَّ افْتَحْ لِي أَبْوَابَ رَحْمَتِكَ، وَإِذَا
تَوَّجَّهْتُ إِلَى الْمَسْجِدِ، فَلْيَقُلْ: اللَّهُمَّ إِنِّي أَسْأَلُكَ مِنْ فَضْلِكَ
সে যেন তখন নবীর উপর সালাম পেশ করে অতঃপর বলবে হে আল্লাহ! আপনি আমার
জন্য রহমতের দরজাসমূহ খুলে দিন। তারপর যখন বের হবে, তখন বলবে হে আল্লাহ!
আমি আপনার কাছে আপনার দয়া প্রার্থনা করি।^{১০৩৪}

মসজিদে প্রবেশ করে বসার পূর্বে দু'রাকাত 'দুখুলুল মসজিদ' নফল নামায পড়া মসজিদের
আদবের অন্তর্ভুক্ত। হযরত আবু কাতাদাহ (রা.) থেকে বর্ণিত, রাসূল ﷺ এরশাদ করেন- «إِذَا
جَاءَ أَحَدُكُمُ الْمَسْجِدَ فَلْيَرْكَعْ رَكَعَتَيْنِ قَبْلَ أَنْ يَجْلِسَ»
যেন উপবেশনের পূর্বে দু'রাকাত (নফল) নামায আদায় করে নেয়।^{১০৩৫}

এ মাসে ওফাতপ্রাপ্ত মনীষীগণ

■ হযরত আমীরে মুয়াবিয়া (রা.)	১/২২ রজব	৬০ হিজরি
■ হযরত নকী আলী খান (র.)	২ রজব	
■ ইমাম শাফেঈ (র.)	১/৪ রজব	২০৪ হিজরি
■ হযরত মুছা কাযেম (র.)	২ রজব	১৮৬ হিজরি
■ হযরত মঈন উদ্দীন চিশতী (র.)	৬ রজব	৬৩২ হিজরি
■ হযরত শাম্‌স তিবরিয়ী (র.)	৯ রজব	
■ হযরত আব্বাস (রা.)	১২ রজব	৩২ হিজরি
■ হযরত আজিজুল হক শেরে বাংলা (র.)	১২ রজব	১৩৮৯ হিজরি
■ ইমাম আবু ঈসা তিরমিযী (র.)	১৩ রজব	২০৯ হিজরি
■ হযরত জাফর সাদেক (র.)	১৫ রজব	১৪৮ হিজরি
■ হযরত জুনাইদ বোগদাদী (র.)	২৭ রজব	২৯৭ হিজরি
■ ইমাম মুসলিম (র.)	২৪ রজব	২৬১ হিজরি
■ হযরত ওমর ইবনে আব্দুল আযিয (র.)	রজব	১০১ হিজরি
■ ইমাম কুদুরী (র.)	রজব	৪২৮ হিজরি

১০৩৩. আব্দুল হাই লক্ষৌবী, ফতওয়া, খণ্ড-১, পৃ-১৯৪, সূত্র: প্রাগুক্ত, পৃ-৭৪

১০৩৪. ইমাম মুসলিম, মুসলিম শরীফ, পৃ-২৫১, দারমী, সুনান, খণ্ড-১, পৃ-৩২৪, সূত্র: প্রাগুক্ত, পৃ-৬৪

১০৩৫. বুখারী ও মুসলিম, কিতাবুস সালাত, সূত্র: প্রাগুক্ত, পৃ-৬৪